



ადამიანის უფლებები საქართველოში

2021

სარჩევი

შესავალი	2
1. შეკრებისა და მანიფესტაციის თავისუფლება.....	6
2. გამოხატვის და მედიის თავისუფლება.....	12
3. პირადი ცხოვრების უფლება.....	18
4. საარჩევნო უფლება (2021 წლის ადგილობრივი თვითმმართველობის არჩევნები)	20
5. თანასწორობა და რელიგიის თავისუფლება.....	22
6. ბავშვთა უფლებები	26
7. პანდემია და ადამიანის უფლებები	28
8. სამართლიანი სასამართლოს უფლება და მართლმსაჯულება	32
9. პოლიტიკურად მოტივირებული საქმეები	37
10. პოლიტიკური პროცესების გავლენა ადამიანის უფლებებზე	45

შესავალი

წინამდებარე ანგარიშში განხილულია ადამიანის უფლებათა დაცვის კუთხით საქართველოში 2021 წელს არსებული მდგომარეობა. დოკუმენტში თემატურად მიმოხილულია ამ წლის ის ძირითადი მოვლენები და შემთხვევები, რომელიც წარმოაჩენს, თუ რამდენად ასრულებს საქართველოს ხელისუფლება თავის ვალდებულებებს ადამიანის უფლებებისა და სამართლის უზენაესობის სფეროებში.

ანგარიშში აღწერილი მოვლენებიდან გამომდინარე, საქართველოში ადამიანის უფლებათა მდგომარეობა 2021 წელს მკვეთრად გაუარესებულია. კერძოდ, მმართველ პარტიას მითვისებული აქვს ფაქტობრივად ყველა სახელმწიფო ინსტიტუტი და ქვეყანაში ძლიერდება ავტორიტარიზმის ტენდენციები, რომლის საწინააღმდეგოდ არჩევნები - როგორც მთავარი დემოკრატიული მექანიზმი, უძლურია. ძალაუფლების შესანარჩუნებლად ხელისუფლება არ ერიდება არც ადამიანის უფლებათა სერიოზულ დარღვევებს და არც ურთიერთობის გაურესებას საერთაშორისო პატნიორებთან, რაც ქვეყნის დემოკრატიული წინსვლის პერსპექტივას მნიშვნელოვნად ასუსტებს. შედეგად საზოგადოებაში ისედაც მწვავე პოლიტიკური, ეკონომიკური და სოციალური ვითარების ფონზე ძლიერდება ნიჰილიზმი, ხოლო ევროატლანტიკურ სივრცეში ფორმალური თუ ღირებულებითი ინტეგრაციის შესაძლებლობა კიდევ უფრო მკრთალი ხდება.

შეკრებისა და მანიფესტაციის თავისუფლება 2021 წელს კვლავ არ იყო სათანადოდ დაცული არც პრაქტიკაში და არც საკანონმდებლო დონეზე. კერძოდ, 2021 წლის 5 ივლისს ხელისუფლებამ არ ან ვერ დაიცვა ლგბტ+ თემის წევრები და მხარდამჭერები სიძულვილის ჯგუფებისაგან, რომლებმაც ძალადობრივად ჩაშალეს „თბილისი პრაიდის“ მიერ დაგეგმილი „ღირსების მარში“. შესაბამისად, სახელმწიფო აგრძელებს თავისი ვალდებულების უგულებელყოფას და არ უზრუნველყოფს ლგბტ+ თემის მიერ შეკრების თავისუფლებით სარგებლობას მშვიდობიან გარემოში. თუკი სექსუალური უმცირესობის შემთხვევაში ხელისუფლება არ (ან ვერ) ახდენს შეკრების თავისუფლების დარღვევის პრევენციას, იგი თავად ლახავს სამოქალაქო აქტივისტებისა და დემონსტრანტების შეკრების თავისუფლებას. კეძოდ, 2021 წელს გაძლიერდა სამოქალაქო აქტივისტების წინააღმდეგ რეპრესია, რომელიც გამოიხატა სხვადასხვა აქციის მონაწილეთა უკანონო დაკავებებითა და მათთვის პასუხისმგებლობის დაკისრებით. დემონსტრანტების კრიტიკის ჩასახშობად როგორც სამართალდამცავი ორგანოები, ისე სასამართლოები იყენებენ ადმინისტრაციულ სამართალდარღვევათა კოდექსს, რომელიც არ შეესაბამება ადამიანის უფლებათა თანამედროვე სტანდარტებს. მიუხედავად ამისა, პარლამენტმა, კოდექსის რეფორმის ნაცვლად, გაამკაცრა სანქციები მის ყველაზე პრობლემურ მუხლებში. გარდა ამისა, პარლამენტმა მიიღო „ამნისტიის შესახებ“ კანონი, რომელიც გაავრცელა იმ სამართალდამცავებზე, რომლებმაც 2019 წლის 19-20 ივნისს უხეშად დაარღვიეს დემონსტრანტთა შეკრების თავისუფლება.

ხელისუფლება 2021 წელსაც ებრძოდა კრიტიკულ აზრს. გამოხატვის თავისუფლების კუთხით, საქართველოს კომუნიკაციების ეროვნულ კომისია არაერთხელ ჩაერია

(კრიტიკული) მედიის თავისუფლებაში. კერძოდ, უხამსობისა და არასრულწლოვნებისთვის საზიანო გადაცემების, აგრეთვე პოლიტიკური რეკლამების ეთერში განთავსების საბაზით კომისიამ არაერთი მაუწყებელი სამართალდამრღვევად ცნო, რაც რეალურად წარმოადგენდა გამოხატვის თავისუფლების შინაარსობრივ და არაკონსტიტუციურ შეზღუდვას. მან მაუწყებლებს პოლიტიკური რეკლამების განთავსებისათვის სოლიდური ჯარიმა დააკისრა, რაც მიზნად ისახავდა მედიის სარედაქციო პოლიტიკის კონტროლს. გარდა ამისა, საგანგაშოა მედიის წარმომადგენლებზე განხორციელებული ფიზიკური და სიტყვიერი თავდასხმები, მათ შორის კი ყველაზე მასშტაბური იყო 2021 წლის 5 ივლისს მომხდარი ძალადობა, როდესაც სიძულვილის ჯგუფები ფიზიკურად გაუსწორდნენ მედიის ათეულობით წარმომადგენელს და დააზიანეს მათი აღჭურვილობა. ხელისუფლება არათუ არ ახდენს ჟურნალისტებზე ძალადობის პრევენციას, აღკვეთასა და სათანადოდ დასჯას, არამედ თავად ახალისებს აგრესიას კრიტიკული მედიის წინააღმდეგ მიმართული განცხადებებით. ბოლოს, გამოხატვის თავისუფლების ხარისხს საფრთხეს უქმნის „უარყოფითი დამოკიდებულების“ და „სიძულვილის ენის“ შემცველი პოლიტიკური რეკლამების/სააგიტაციო მასალის აკრძალვის მიზნით პარლამენტში წარდგენილი საკანონმდებლო ინიციატივა და ინიცირებული კანონპროექტი, რომელიც წარმოადგენს გამოხატვის თავისუფლების გაუმართლებელ შინაარსობრივ შეზღუდვას და არღვევს საერთაშორისო და კონსტიტუციურ სტანდარტებს.

2021 წელს გავრცელდა ინფორმაცია სახელმწიფო უსაფრთხოების სამსახურის მიერ სხვადასხვა პირების მასშტაბური და უკანონო ფარული მიყურადების შესახებ. პროკურატურამ და სასამართლომ მიყურადების მსხვერპლებს არ მიანიჭეს დაზარალებულის სტატუსი. შესაბამისად, ხელისუფლებას არ ჰქონია სათანადო რეაქცია პირადი ცხოვრებისა და კომუნიკაციის უფლების შელახვის შემთხვევებზე. ხელისუფლებას ასევე არ აქვს ნება, რომ შეცვალოს და გააუმჯობესოს მოქმედი კანონმდებლობა, რომელიც არღვევს საერთაშორისო და საკონსტიტუციო სასამართლოს მიერ დადგენილ სტანდარტებს და უკანონო მიყურადებისა და მსგავსი ტიპის, ფარული საქმიანობისგან რეალურად არ იცავს პირადი და ოჯახური ცხოვრების, პირადი სივრცისა და კომუნიკაციის ხელშეუხებლობის უფლებებს.

2021 წელს განსაკუთრებული მნიშვნელობა ჰქონდა ადგილობრივი თვითმმართველობის არჩევნებს, რადგან, პოლიტიკურ პარტიათა შეთანხმების თანახმად, თუ „ქართული ოცნებას“ პროპორციული წესით მხარს არ დაუჭერდა ამომრჩეველთა 43%, მაშინ წლის ბოლომდე დაინიშნებოდა ვადამდელი საპარლამენტო არჩევნები. სამწუხაროდ, როგორც წინასაარჩევნო, ისე საარჩევნო პერიოდში დაფიქსირდა არაერთი სერიოზული დარღვევა, რომლებმაც ეჭვქვეშ დააყენეს არჩევნებისათვის სამართლიანი, თავისუფალი და თანასწორი გარემოს არსებობა და შეასუსტეს საბოლოო შედეგის მიმართ ნდობა.

მწვავე გამოწვევად რჩება როგორც სახელმწიფოს, ისე საზოგადოების მიერ უმცირესობათა მიმართ დისკრიმინაცია და ტოლერანტობის დაბალი ხარისხი. თანასწორობისა და ინკლუზიურობის პრინციპების საწინააღმდეგოდ, საქართველოს პარლამენტის დიასპორისა და კავკასიის საკითხთა კომიტეტის ბაზაზე ეროვნული უმცირესობების

სამეცნიერო-საკონსულტაციო საბჭოს შექმნა მიანიშნებს, რომ პარლამენტი ეთნიკური უმცირესობის წევრ მოქალაქეებს დიასპორად განიხილავს და მათ მეორეხარისხოვან მნიშვნელობას ანიჭებს. პრობლემურია ასევე ხელისუფლების დამოკიდებულება სექსუალური უმცირესობის მიმართაც. წელს ადგილი ჰქონდა ლგბტ+ თემის წევრებზე სიძულვილით მოტივირებულ არაერთ თავდასხმას, მათ შორის კი ყველაზე მასშტაბური იყო 2021 წლის 5 ივლისს რადიკალური ჯგუფების მიერ „ღირსების მარშის“ ძალადობრივი დარბევა. აღნიშნულ თავდასხმებზე ხელისუფლებას არათუ არ ჰქონია ეფექტიანი რეაგირება, არამედ მისმა წარმომადგენლებმა თავად წაახალისეს ჰომოფობია თავიანთი განცხადებებით. გარდა ამისა, საყურადღებოა სახელმწიფოს მიდგომა რელიგიური უმცირესობების მიმართაც. ჩოხატაურის მუნიციპალიტეტის სოფელ ბუკნარში ადგილობრივი მუსლიმების მიერ სალოცავის მოსაწყობად შენობის შექმნას 2021 წლის იანვარში მოჰყვა ქრისტიანებსა და მუსლიმებს შორის დაპირისპირება, რომლის მსგავსი ისლამოფობიური/თურქოფობიური კონფლიქტები გასულ წლებშიც დაფიქსირდა. თითქმის არცერთ შემთხვევაზე არ ყოფილა სახელმწიფოს სათანადო რეაგირება. პირიქით, რელიგიურ უმცირესობების თანასწორობის უფლებას თავად ხელისუფლება არღვევს. მაგალითად, სახელმწიფომ გადაადგილების თავისუფლების შეზღუდვა დროებით მოხსნა 1 და 7 იანვარს (შობას), აგრეთვე აღდგომას, თუმცა იგივე არ გააკეთა იმ დღეებში, როდესაც მსგავს დღესასწაულებს (თუმცა სხვა თარიღებში) არადომინანტი რელიგიური და ეთნიკური ჯგუფები აღნიშნავდნენ.

დისკრიმინაციული კომენდანტის საათის გარდა, პანდემიის მართვის პროცესში ხელისუფლებამ სხვადასხვა სახით გამოიჩინა შერჩევითი სამართლიანობა. შერჩევითი მიდგომის თვალსაჩინო მაგალითია 2021 წლის 7 აგვისტოს პრემიერ მინისტრ ირაკლი ღარიბაშვილის დასწრება „ქეიფზე“ მაშინ, როდესაც აკრძალული იყო სოციალურ ღონისძიებებთან დაკავშირებით 10-ზე მეტი პირის თავშეყრა. შერჩევით სამართლიანობას ასევე წარმოადგენდა კანონით ადმინისტრაციული პასუხისმგებლობისგან პანდემიის საწინააღმდეგო რეგულაციების დამრღვევი მხოლოდ იმ პირების გათავისუფლება, რომელთა მიერ სამართალდარღვევის ჩადენის ფაქტი თარიღდებოდა 2021 წლის 23 ივნისამდე და არ იყო აღსრულებული 9 სექტემბრის მოცემულობით. შესაბამისად, აღნიშნული პირები, თანასწორობის უფლების საწინააღმდეგოდ, აღმოჩნდნენ პრივილეგირებულ მდგომარეობაში იმ პირებთან შედარებით, რომლებსაც ანალოგიური ქმედებებისთვის კანონის ძალაში შესვლის მომენტიდან სახდელი გადახდილი ჰქონდათ. გარდა ამისა, პანდემიის მართვა პრობლემური იყო იმდენად, რამდენადაც, კონსტიტუციის დარღვევით, პანდემიის საწინააღმდეგო რეგულაციები თავიანთი სიმძიმის გამო უტოლდებოდა დე ფაქტო საგანგებო მდგომარეობას, განსაზღვრული იყო მთავრობის რეგულაციითა და არა კანონით და ეწინააღმდეგებოდა თანაზომიერების კონსტიტუციურ სტანდარტს.

2021 წელს არ გამოსწორებულა ვითარება მართლმსაჯულების სისტემაში. 19 აპრილს ევროკავშირის მედიაციით მიღწეული შეთანხმებისა და საერთაშორისო პარტნიორების მოწოდების მიუხედავად, სასამართლო სისტემაში ძირეული რეფორმების გატარების გარეშე გაგრძელდა იუსტიციის უმაღლეს საბჭოსა და პარლამენტში უზენაესი სასამართლოს მოსამართლეების დანიშვნის პროცესი, ასევე არ შეჩერებულა თავად საბჭოს

წევრების არჩევა. შედეგად, თანამდებობებზე დაინიშნენ ისეთი პირები, რომელთა კომპეტენცია, დამოუკიდებლობა და მიუკერძოებლობა საეჭვოა ე.წ. „კლანთან“, ანუ მოსამართლეთა გავლენიან ჯგუფთან მათი კავშირის გამო. შესაბამისად, მართლმსაჯულების სისტემა კვლავ პოლიტიზირებულია.

დამოუკიდებელი და მიუკერძოებელი სასამართლოს არარსებობის პირობებში არ არის გასაკვირი, რომ 2021 წელსაც მიმდინარეობდა პოლიტიკურად მოტივირებული სამართალწარმოება. 2021 წლის 23 თებერვალს, სასამართლოს მიერ გირაოს შეცვლის შემდეგ, სამართალდამცავები შეიჭრნენ მთავარი ოპოზიციური პარტიის, ერთიანი ნაციონალური მოძრაობის ოფისში და პარტიის ლიდერი, ნიკა მელია ძალის გამოყენებით დააკავეს. ნიკა მელიას დაკავებამ გამოიწვია უმწვავესი კრიტიკა საერთაშორისო და ეროვნულ დონეზე და კიდევ უფრო გააღრმავა პოლიტიკური კრიზისი. ანალოგიურად, პოლიტიკურად მოტივირებული იყო თავდაცვის ყოფილი მინისტრისა და ტელეკომპანია „ფორმულას“ დამფუძნებლის, დავით კეზერაშვილის წინააღმდეგ საქმე. კერძოდ, ქვედა ინსტანციის სასამართლოების გამამართლებელი განაჩენების შემდეგ უზენაესმა სასამართლომ კეზერაშვილი დამნაშავედ ცნო. თავდაცვის სამინისტრომ ამის შემდეგ, კეზერაშვილის წინააღმდეგ ზიანის ანაზღაურების მოთხოვნით სარჩელი შეიტანა, რაც სამოქალაქო სექტორმა კრიტიკულ მედიაზე ზეწოლად მიიჩნია. გარდა ამისა, პოლიტიკურად მოტივირებულია ქვეყნის მესამე პრედიზენტის, მიხეილ სააკაშვილის, წინააღმდეგ მიმდინარე საქმეები და პატიმრობა. პროტესტის ნიშნად, სააკაშვილმა შიმშილობა დაიწყო. ექსპერტების რეკომენდაციების მიუხედავად, იგი გადაიყვანეს არა მულტიპროფილურ ჰოსპიტალში, არამედ პენიტენციურ დაწესებულებაში, სადაც მასზე განხორციელდა ფსიქოლოგიური ზეწოლა და სადაც არ იყო მოშიშშილე სააკაშვილის მკურნალობისათვის სათანადო პირობები. შესაბამისად, იგი დაექვემდებარა დამამცირებელ, არაადამიანურ მოპყრობას. გარდა ამისა, მას, სამართლიანი სასამართლოს უფლების დარღვევით, რამდენჯერმე არ მისცეს სასამართლო პროცესებზე დასწრების შესაძლებლობა.

2021 წელს სერიოზული პრობლემა იყო საპატრიარქოს დაქვემდებარებულ ნინოწმინდის პანსიონში მცხოვრები ბავშვების უფლებრივი მდგომარეობა. პანსიონში ფიქსირდებოდა არასრულწლოვანთა უფლებების დარღვევის შემთხვევები. მიუხედავად ამისა, სოციალური მუშაკი და სახალხო დამცველის მონიტორინგის ჯგუფი პანსიონში რამდენჯერმე არ შეუშვეს, რაზეც სახელმწიფოს არ ჰქონია სათანადო რეაგირება. სასამართლოს 5 ივნისის გადაწყვეტილებით, დაწესებულება დაუყოვნებლივ უნდა დაეტოვებინა თითოეულ ბავშვს, მაგრამ, 12 ნოემბრის მონაცემებით, პანსიონში რჩებოდა 15 აღსაზრდელი.

2021 წელს უკიდურესად დამაბული იყო პოლიტიკური ვითარება. 2020 წლის საპარლამენტო არჩევნების შედეგების გამო ხელისუფლებასა და ოპოზიციას შორის არსებული კრიზისის დასაძლევად ევროკავშირის შუამავლობით რამდენჯერმე გაიმართა მოლაპარაკება. საბოლოოდ, მხარეებს შორის 19 აპრილს დაიდო პოლიტიკური შეთანხმება, რომელიც ითვალისწინებდა, მათ შორის, სასამართლოს რეფორმასა და ვადამდელ საპარლამენტო არჩევნებს, თუ „ქართული ოცნება“ ადგილობრივი თვითმმართველობის

არჩევნებზე ვერ მოიპოვებდა პროპორციული საარჩევნო ხმების 43%-ს. შეთანხმების მიუხედავად, ხელისუფლებამ, როგორც ითქვა, რეფორმების გარეშე გააგრძელა მოსამართლეთა დანიშვნა, საბოლოოდ კი შეთანხმებიდან გამოვიდა. შედეგად, უფრო დაიძაბა პოლიტიკური ვითარება და შეფერხდა ქვეყნის ევრო-ატლანტიკური ინტეგრაციისა და დემოკრატიული განვითარების პროცესები. ამასთან, ამ კრიზისმა ყურადღების მიღმა დატოვა კოვიდ-პანდემიის სწორად მართვის საკითხი, რამაც სერიოზული საფრთხის ქვეშ დააყენა მოსახლეობის ჯანმრთელობა და ეკონომიკური კეთილდღეობა.

1. შეკრებისა და მანიფესტაციის თავისუფლება

1.1 5 ივლისს „ღირსების მარშის“ დარბევა

LGBTQI+ თემის წევრებსა და აქტივისტებს 2021 წელსაც ჰქონდათ მცდელობა, ესარგებლათ შეკრების თავისუფლებით. სწორედ ამ მიზნით “თბილისი პრაიდმა”¹ სხვა ორგანიზაციებთან და მხარდამჭერებთან ერთად ე.წ. პრაიდის კვირეულის ფარგლებში დაგეგმა დოკუმენტური ფილმის ჩვენება, მუსიკალური ფესტივალი და „ღირსების მარში“², ხოლო გეგმის შესახებ შეხვედრებისას დეტალური ინფორმაცია წინასწარ მიაწოდა შინაგან საქმეთა სამინისტროსაც³. პრაიდის კვირეულის დაანონსების შემდეგ ჰომოფობიური პოზიციები დააფიქსირეს პრო-რუსული და ძალადობრივი ჯგუფების წარმომადგენლებმა, რომლებიც წინასწარ იმუქრებოდნენ, რომ ჩაშლიდნენ აქციას და აქტივისტებს არ მისცემდნენ მარშის გამართვის უფლებას.⁴ მათ თავდასხმის მცდელობები 1-ელ და 3 ივლისსაც ჰქონდათ კინოჩვენებისა და ფესტივალის მიმდინარეობისას⁵.

5 ივლისს პრემიერ-მინისტრმა, ირაკლი ღარიბაშვილმა, მარშს მიზანშეუწონელი უწოდა და განაცხადა, რომ LGBTQI+ თემის მსვლელობა არ უნდა ჩატარებულიყო⁶, რამაც ფაქტობრივად წაახალისა ძალადობრივი ჯგუფები. 5 ივლისს კონტრ-დემონსტრანტებმა დაარბიეს „სირცხვილიას“ ოფისის სადარბაზო,⁷ სცემეს ტვ-პირველის ოპერატორ ლექსო ლაშქარავას, რომელიც რამდენიმე დღეში გარდაიცვალა.⁸ მიმდებარე ადგილებში მხოლოდ რამდენიმე პოლიციელი იმყოფებოდა, რომლებიც ვერ ან არ აკავებდნენ ძალადობრივ შემოტევებს.⁹ ძალადობრივმა ჯგუფებმა დაარბიეს „თბილისი პრაიდის“ ოფისი. ამდრნენ ოფისის აივანზე, დახიეს დროშა, დალეწეს საოფისე ინვენტარი.¹⁰ მას შემდეგ, რაც

¹ საქართველოს დემოკრატიული ინიციატივა, 05.07.21 მარში ღირსების გარეშე, 2021, გვ. 5, იხ: <https://gdi.ge/uploads/other/1/1384.pdf> [უკანასკნელად ნანახია 07.12.2021].

² <https://cutt.ly/FTC5kZI> [უკანასკნელად ნანახია 07.12.2021].

³ საქართველოს დემოკრატიული ინიციატივა, 05.07.21 მარში ღირსების გარეშე, 2021, გვ. 5-6.

⁴ <https://cutt.ly/tYg8LPJ> [უკანასკნელად ნანახია 07.12.2021]; საქართველოს დემოკრატიული ინიციატივა, 05.07.21 მარში ღირსების გარეშე, 2021, გვ. 7-9.

⁵ საქართველოს დემოკრატიული ინიციატივა, 05.07.21 მარში ღირსების გარეშე, 2021, გვ. 10-12.

⁶ <https://cutt.ly/ETC5zhW> [უკანასკნელად ნანახია 07.12.2021]; <https://www.facebook.com/watch/?ref=external&v=560870338408406> [უკანასკნელად ნანახია 07.12.2021].

⁷ <https://www.facebook.com/publika.ge/videos/2874940366060197/> [უკანასკნელად ნანახია 07.12.2021].

⁸ <https://netgazeti.ge/news/553547/> [უკანასკნელად ნანახია 07.12.2021].

⁹ <https://www.facebook.com/publika.ge/videos/2874940366060197/> [უკანასკნელად ნანახია 07.12.2021].

¹⁰ <https://www.radiotavisupleba.ge/a/31341554.html> [უკანასკნელად ნანახია 07.12.2021].

„თბილისის პრაიდის“ წევრებმა და სხვა ორგანიზატორებმა გაეროს ოფისში გადაინაცვლეს, ძალადობრივმა ჯგუფებმა მალევე მოახერხეს მის ირგვლივ მობილიზება და აქტივისტები, თავის დაღწევის მიზნით, იძულებული გახდნენ „ადამიანის უფლებათა სახლში“ გაქცეულიყვნენ¹¹. მოძალადეებმა მათ აქაც მიაგნეს. სიძულვილის ჯგუფის წარმომადგენლებმა მალევე ოფისში ასაფეთქებელი ნივთიერება შეაგდეს, რასაც იქ მყოფთა მღელვარება და ერთ-ერთი აქტივისტის ფიზიკური დაზიანებაც მოჰყვა.¹² 5 ივლისს განვითარებული მოვლენების შედეგად ასევე დაშავდა მედიის სულ მცირე 53 წარმომადგენელი.¹³ „თბილისის პრაიდმა“ გაავრცელა განცხადება, რომლითაც „ღირსების მარშის“ ჩაშლა დაადასტურა. მიზეზად დასახელდა წახალისებული ძალადობა და ადამიანის სიცოცხლის რისკის ქვეშ დაყენება.¹⁴

ეს ყველაფერი ცხადჰყოფს, რომ 2021 წლის 5 ივლისს ხელისუფლებამ არ უზრუნველყო LGBTQI+ თემის წევრების, მხარდამჭერების, აქტივისტებისა და მედიის წარმომადგენლების ეფექტური დაცვა ძალადობრივი ჯგუფებისაგან. რაც კიდევ უფრო მეტად საგანგაშოა, ხელისუფლებამ არა მხოლოდ არ მიიღო ეფექტური თავდაცვითი და პრევენციული ზომები, არამედ თავად წახალისა ძალადობა და აგრესია „ღირსების მარშის“ საწინააღმდეგოდ მიმართული ჰომოფობიური, ანტიდემოკრატიული განცხადებებით, რითაც დაარღვია გამოხატვისა და შეკრების თავისუფლება და ღირსების შემლახავი მოპყრობის აკრძალვასთან დაკავშირებით დადგენილი პოზიტიური ვალდებულება. შსს-ს ოფიციალური მონაცემების თანახმად, 5-6 ივლისის მოვლენებთან დაკავშირებით „დაკავებულია 31 პირი, საიდანაც, 27 პირი დაკავებულია ჟურნალისტებზე თავდასხმისა და ძალადობის საქმეზე, 3 პირი "თბილისის პრაიდის" ოფისზე თავდასხმის ფაქტზე, ხოლო, 1 პირი მოქალაქეზე თავდასხმის ფაქტზე“¹⁵. აღსანიშნავია, რომ 2021 წლის დეკემბრის მდგომარეობით პოლიციას არ დაუკავებია არც ერთი ორგანიზატორი. 5 ივლისს დაზარალებულ აქტივისტთა ინტერესებს GDI იცავს და ამზადებს სარჩელს ადამიანის უფლებათა ევროპულ სასამართლოში სამართალწარმოებისთვის. 5-6 ივლისს განვითარებული მოვლენების შესახებ მეტი ინფორმაციისთვის იხილეთ GDI-ს [ანგარიში](#).

1.2 საპროტესტო აქციები სხვადასხვა დაწესებულებებთან

2021 წლის განმავლობაში მთავრობის წინააღმდეგ აქტივისტებმა არაერთი აქცია გამართეს, მათი უმრავლესობა გამოირჩეოდა სამოქალაქო აქტივისტთა დაკავების მასშტაბურობით და სახელმწიფოს რეპრესიული პოლიტიკით. შესაბამისად, ქვემოთ აღწერილია ხელისუფლების მიერ შეკრების თავისუფლების შელახვის მხოლოდ რამდენიმე თვალსაჩინო შემთხვევა.

2021 წლის 19 და 21 თებერვალს პოლიციამ დააკავა მშვიდობიანი სამოქალაქო აქტივისტები, რომლებმაც პარლამენტის წინ კარავების გაშლა სცადეს, მაშინ, როდესაც

¹¹ საქართველოს დემოკრატიული ინიციატივა, 05.07.21 მარში ღირსების გარეშე, 2021, გვ 13.

¹² <https://netgazeti.ge/news/552305/> [უკანასკნელად ნანახია 07.12.2021].

¹³ <https://www.mediachecker.ge/ka/mediagaremo/article/88604-dashavebuli-zhurnalistebis-sia> [უკანასკნელად ნანახია 07.12.2021]; <https://bit.ly/3FpfCpA> [უკანასკნელად ნანახია 07.12.2021].

¹⁴ <https://www.facebook.com/TiflisPride/posts/1157851558052362> [უკანასკნელად ნანახია 07.12.2021].

¹⁵ შინაგან საქმეთა სამინისტროს 2021 წლის 17 აგვისტოს საპასუხო წერილი.

საქართველოს კანონმდებლობა არ კრძალავს კარვის გაშლას¹⁶ და ეს არაა პირველი შემთხვევა, როდესაც პოლიცია უზღუდავს მანიფესტანტებს პროტესტის ამგვარი ფორმით გამოხატვას¹⁷.

14 აპრილს, “ქართული ოცნების” ოფისთან მიმდინარე აქციაზე, პოლიციამ ხუთი აქტივისტი დააკავა, რომლებიც ოკუპირებულ ტერიტორიაზე მცხოვრები მოქალაქეებისთვის დაწესებული 5-დღიანი კარანტინის გაუქმებას ითხოვდნენ. შსს-მ მათ წინააღმდეგ სამართალწარმოება ადმინისტრაციულ სამართალდარღვევათა კოდექსის 166-ე (წვრილმანი ხულიგნობა) და 173-ე (პოლიციის კანონიერი მოთხოვნისადმი დაუმორჩილებლობა) მუხლებით დაიწყო.¹⁸ ამასთან, შინაგან საქმეთა სამინისტროს მიერ გაკეთებული განცხადების თანახმად, ოპერატიული და საგამომიებო მოქმედებების შედეგად პოლიციის თანამშრომლებისთვის წინააღმდეგობის გაწევის ბრალდებით დააკავეს გიორგი მუმლაძე, რომელსაც 2-დან 5 წლამდე ვადით თავისუფლების აღკვეთა ემუქრება.¹⁹

საპროტესტო აქციები 12 აპრილს, აფხაზეთის ავტონომიური რესპუბლიკის მთავრობის ადმინისტრაციულ შენობასთანაც გაიმართა, სადაც პოლიციამ ძალა გამოიყენა. აღნიშნულ აქციასთან დაკავშირებით აქტივისტებმა სახელმწიფო ინსპექტორის სამსახურს მიმართეს, რომელმაც შეკრების მონაწილეების მიმართ განხორციელებული სავარაუდო ძალის გადამეტების ფაქტზე გამოძიება დაიწყო.²⁰

2021 წლის 3 ივნისს, საქართველოს გენერალურ პროკურატურასთან გაიმართა აქცია ნინოწმინდის ბავშვთა სახლის გარშემო განვითარებულ მოვლენების გასაპროტესტებლად. აქტივისტი გიგა მაქარაშვილი შეკრების კონსტიტუციური უფლებით სარგებლობისას ყოველგვარი გაფრთხილების გარეშე დააკავა პოლიციამ. მიუხედავად იმისა, რომ მას არ გაუწევია რაიმე წინააღმდეგობა,²¹ სამართალდამცავებმა დაკავების დროს მას მოტეხეს ხელი და მიაყენეს ფიზიკური დაზიანებები²², თუმცა დაზარალებულის სტატუსის მინიჭებაზე უარი უთხრეს.²³ ამის საპირისპიროდ, 2021 წლის 10 სექტემბერს თბილისის საქალაქო სასამართლოს მოსამართლე ლელა ცაგარეიშვილმა გიგა მაქარაშვილი, პოლიციის მოთხოვნისადმი დაუმორჩილებლობის გამო, ადმინისტრაციულ სამართალდამრღვევად ცნო და 2000 ლარიანი ჯარიმის გადახდა დააკისრა.²⁴

ასევე 12 პირი დააკავეს "ქართული ოცნების" ოფისთან გამართულ აქციაზე 2021 წლის 12 ივლისს. მათ შორის იყო საზოგადოებრივი მაუწყებლის ჟურნალისტი ირაკლი აბსანძე,

¹⁶ „შეკრებისა და მანიფესტაციის შესახებ“ საქართველოს კანონის მე-11 მუხლის მეორე ნაწილი; <https://cutt.ly/mYl0yeX> [უკანასკნელად ნანახია 07.12.2021].

¹⁷ <https://cutt.ly/mYl0yeX> [უკანასკნელად ნანახია 07.12.2021].

¹⁸ <https://www.radiotavisupleba.ge/a/31203173.html> [უკანასკნელად ნანახია 07.12.2021].

¹⁹ <https://cutt.ly/UTC5Kue> [უკანასკნელად ნანახია 07.12.2021].

²⁰ <https://www.facebook.com/DPAGeorgiaOfficial/posts/2401131820029649> [უკანასკნელად ნანახია 07.12.2021].

²¹ <https://www.facebook.com/watch/?v=232762834921997> [უკანასკნელად ნანახია 07.12.2021].

²² <https://www.radiotavisupleba.ge/a/31289083.html> [უკანასკნელად ნანახია 07.12.2021].

²³ <https://cutt.ly/4Yl3x8C> [უკანასკნელად ნანახია 07.12.2021].

²⁴ <https://cutt.ly/dTC5XpE> [უკანასკნელად ნანახია 07.12.2021].

რომელიც დაკავებისას პოლიციას წინააღმდეგობას არ უწევდა, თუმცა მისი განცხადებით, დაკავებისას მას ხელი მოტეხეს.²⁵

პარტიის "გირჩი-მეტი თავისუფლება" აქცია სახელმწიფო უსაფრთხოების სამსახურის წინ
2021 წლის 16 სექტემბერს სახელმწიფო უსაფრთხოების სამსახურის შენობის წინ პარტიამ "გირჩი-მეტი თავისუფლება" აქცია-პერფორმანსი გამართა, რომლის ფარგლებშიც პარტიის წევრებმა დემონსტრაციულად დააზიანეს მათივე საკუთრებაში არსებული "შკოდას" მარკის ავტომობილი. პოლიციამ საქართველოს ადმინისტრაციულ სამართალდარღვევათა კოდექსის 166-ე (წვრილმანი ხულიგნობა) და 173-ე (პოლიციელის კანონიერი მოთხოვნისადმი დაუმორჩილებლობა) მუხლების საფუძველზე დააკავა პარტიის წევრები და მაჟორიტარობის კანდიდატები საბურთალოსა და დიდუბის ოლქში, ნიკა მოსიაშვილი და ბორის (ჩელე) ყურუა.²⁶ ბორის ყურუა საქალაქო სასამართლომ სამართალდამრღვევად სცნო და დააკისრა 2000 ლარიანი ჯარიმის გადახდა.²⁷ ნიკა მოსიაშვილის წინააღმდეგ საქმის წარმოება სასამართლოში გრძელდება.

ოპოზიციური პარტიების მიერ ჩატარებული 10 ნოემბრის აქციები

2021 წლის 10 ნოემბერს ოპოზიციური პარტიების მიერ თბილისში, სხვადასხვა ადმინისტრაციული შენობის წინ იმართებოდა საპროტესტო აქციები. შეკრებების პროცესში სამართალდამცავი ორგანოების წარმომადგენლებმა, საერთო ჯამში, 46 მოქალაქე დააკავეს²⁸ წვრილმანი ხულიგნობის და პოლიციელის კანონიერი მოთხოვნისადმი დაუმორჩილებლობის საფუძველით. 10 ნოემბერს განვითარებულ მოვლენებში ცალსახად გამოიკვეთა საპოლიციო იძულების ღონისძიებების დაუსაბუთებლად და არაპროპორციულად გამოყენების ნიშნები. როგორც მოვლენების თვითმხილველების განმარტებებიდან და მედიაში გავრცელებული კადრებიდან ჩანს, მოქალაქეების ნაწილი სამართალდამცავებმა დააკავეს უშუალოდ მოვლენების ეპიცენტრისგან მოშორებით, რა დროსაც არ იკვეთებოდა კონკრეტული პირების მიერ კანონდარღვევის ან სახელმწიფო უწყებებისთვის ხელშემშლის რაიმე ნიშნები.²⁹

სხვა აქციები:

- 2021 წლის 30 ოქტომბერს, მუნიციპალური არჩევნების მეორე ტურის დღეს, ზუგდიდში, მე-20 საარჩევნო უბანთან, პოლიციამ ძალის გამოყენებით დააკავა 5 ადამიანი, მათ შორის „ერთიანი ნაციონალური მოძრაობის“ დამკვირვებლები და აქტივისტები - გიორგი მუმლაძე და ნიკა ნარსია ადმინისტრაციულ სამართალდარღვევათა კოდექსის 166-ე და 173-ე მუხლების საფუძველზე.³⁰

²⁵ <https://cutt.ly/qTC5BbV>; <https://cutt.ly/HYbOEjG> [უკანასკნელად ნანახია 07.12.2021].

²⁶ <https://www.radiotavisupleba.ge/a/31463536.html> [უკანასკნელად ნანახია 07.12.2021].

²⁷ <https://cutt.ly/9YhqKip> [უკანასკნელად ნანახია 07.12.2021].

²⁸ <https://police.ge/ge/shinagan-saqmeta-saministros-gantskhadeba/15032> [უკანასკნელად ნანახია 07.12.2021].

²⁹ <https://cutt.ly/gYheyRU> [უკანასკნელად ნანახია 07.12.2021].

³⁰ <https://formulanews.ge/News/59179> [უკანასკნელად ნანახია 07.12.2021].

- 1 ნოემბერს ქუთაისში პოლიციამ დააკავა სამოქალაქო აქტივისტები დაუმორჩილებლობისათვის, როდესაც ისინი მერიის წინ აპირებდნენ წარწერის „თავისუფლება მიშას“ გაკეთებას.³¹
- ქუთაისში დაუმორჩილებლობის საფუძვლით ასევე დააკავეს "გირჩი - მეტი თავისუფლების" წევრი და ერთიანი ოპოზიციის ქუთაისის ვიცე-მერობის კანდიდატი იმედა კლდიაშვილი, რომელმაც სამოქალაქო დაუმორჩილებლობის აქტის სახით სახელმწიფო უსაფრთხოების სამსახურის შენობის შესასვლელის წინ მანქანა გააჩერა უსაფრთხოების სამსახურის მიერ იმ პირზე ზეწოლის გასაპროტესტებლად, რომელსაც, კლდიაშვილის თქმით, არჩევნების გაყალბებასთან დაკავშირებით ჰქონდა ინფორმაცია.³²
- 1 ნოემბერს თბილისში ასევე დააკავეს აქტივისტები, რომლებიც პარლამენტის მიმდებარე ტერიტორიაზე აპროტესტებდნენ არჩევნების შედეგებს და მიხეილ სააკაშვილისთვის თავისუფლების შეზღუდვას. პოლიციამ მათ არ მისცა პარლამენტთან კარვების გაშლის შესაძლებლობა და 2 აქტივისტი ადმინისტრაციული წესით დააკავა.³³
- 21 ნოემბერს თბილისის საქალაქო სასამართლოსთან გამართულ მიხეილ სააკაშვილის მხარდამჭერ აქციაზე შინაგან საქმეთა სამინისტრომ სავარაუდოდ წიწაკის სპრეი გამოიყენა.³⁴

აღსანიშნავია, რომ GDI პარტნიორ ორგანიზაციებთან ერთად სამართლებრივ დახმარებას უწევს აქციების დროს დაკავებულ აქტივისტებს. ოქტომბერ-ნოემბერში დაკავებული აქტივისტებიდან სულ მცირე 16 უკვე დაჯარიმდა და 10-ს შეეფარდა პატიმრობა, მხოლოდ ორ საქმეში სცნო ზედა ინსტანციის სასამართლომ პატიმრობა უკანონოდ და მხოლოდ ერთ საქმეზე შეწყდა წარმოება. სხვა საქმეებზე პროცესი კი გადადებულია გაურკვეველი ვადით ან ჯერ არ დასრულებულა.

ამდენად, სამართალდამცავი ორგანოების მიერ გამოყენებული მასობრივი დაკავების პრაქტიკა არღვევს მშვიდობიანი შეკრებისა და გამოხატვის უფლებებს; ბოლო პერიოდში აქციების დროს დაკავების შემთხვევების მასშტაბურობა და ამ ეტაპამდე დამდგარი შედეგები (ჯარიმები, პატიმრობა) აშკარად მიუთითებს სახელმწიფოს რეპრესიულ პოლიტიკაზე, ებრძოლოს კრიტიკულ აზრს კანონმდებლობის მოთხოვნათა უხეში დარღვევით; პრობლემურია როგორც აქციებზე (და არამხოლოდ) აქტივისტთა დაკავების კანონიერება, ისე ამგვარი საქმეების განხილვა სასამართლოში, სადაც მოსამართლეები უმეტეს შემთხვევაში არ ხელმძღვანელობენ ადამიანის უფლებათა თანამედროვე სტანდარტებით, არღვევენ დაკავებულ პირთა საპროცესო გარანტიებს და ყოველგვარი

³¹ <https://formulanews.ge/News/59335> [უკანასკნელად ნანახია 07.12.2021]

³² <https://mtavari.tv/news/62589-girchi-meti-tavisuplebis-cevri-imeda-kldiashvili> [უკანასკნელად ნანახია 07.12.2021].

³³ <https://formulanews.ge/News/59358> [უკანასკნელად ნანახია 07.12.2021].

³⁴ <https://www.radiotavisupleba.ge/a/31584738.html> [უკანასკნელად ნანახია 07.12.2021].

დასაბუთებისა და შესაბამისი მტკიცებულებების გარეშე უფარდებენ მათ ადმინისტრაციულ სანქციებს.

1.3 ადმინისტრაციულ სამართალდარღვევათა კოდექსში სანქციების გამკაცრება

2021 წლის 29 აპრილს საქართველოს პარლამენტმა დაჩქარებული წესით, მესამე მოსმენით³⁵ მიიღო კანონი, რომლითაც ადმინისტრაციულ სამართალდარღვევათა კოდექსის 166-ე მუხლს (წვრილმანი ხულიგნობა) დაემატა მე-2 ნაწილი, რომლის მიხედვითაც წვრილმანი ხულიგნობის ჩადენისთვის ადმინისტრაციულსახდელდადებული პირის მიერ ამავე ადმინისტრაციული სამართალდარღვევის განმეორებით ჩადენა გამოიწვევს სამართალდამრღვევის დაჯარიმებას 1500 ლარიდან 2000 ლარამდე ოდენობით ან ადმინისტრაციულ პატიმრობას 7 დღიდან 15 დღემდე ვადით. გამკაცრდა ამავე კოდექსის 173-ე მუხლით გათვალისწინებული სამართალდარღვევისთვის (სამართალდამცავი ორგანოს წარმომადგენლების კანონიერი მოთხოვნისადმი დაუმორჩილებლობა ან შეურაცხყოფა) დაწესებული სანქციაც, რაც მოიცავს დაჯარიმებას 3500 ლარიდან 4500 ლარამდე ოდენობით ან ადმინისტრაციულ პატიმრობას 7 დღიდან 15 დღემდე ვადით (1000-დან 4000 ლარამდე დაჯარიმების ნაცვლად). აღსანიშნავია, რომ დასახელებული ნორმები ყველაზე ხშირად გამოიყენება სამართალდამცავი ორგანოს მიერ საპროტესტო აქციების დროს დემონსტრანტების დასაკავებლად. შესაბამისად, მათი გამოყენებით ადამიანთა შეკრება-მანიფესტაციის თავისუფლებაში თვითნებურად ჩარევის შესაძლებლობა კრიტიკულად მაღალია.³⁶ აღსანიშნავია, რომ მოგვიანებით, წლის გამავლობაში, აქციების დროს არაერთხელ გამოიყენეს ეს ნორმები და გამკაცრებული სასჯელები.

1.4 ამნისტიის შესახებ კანონი

2021 წლის 7 სექტემბერს პარლამენტმა, შარლ მიშელის შეთანხმებიდან გამომდინარე, „ამნისტიის შესახებ“ კანონი მიიღო.³⁷ ამნისტიის მიზნად სახელმწიფომ ქართულ პოლიტიკაში პოლარიზაციის შემცირება და 2019 წლის 20 ივნისს საქართველოს პარლამენტის სასახლეში შეჭრის მცდელობის, აგრეთვე აღნიშნულ დანაშაულებრივ ქმედებებზე სამართალდამცავი ორგანოების წარმომადგენელთა მიერ უფლებამოსილების გადამეტების პოლიტიკების პრევენცია დაასახელა. კანონის თანახმად, სისხლისსამართლებრივი პასუხისმგებლობის, სასჯელისაგან და პირობითი მსჯავრისგან თავისუფლდება ყველა ის პირი, რომელთაც დანაშაული 2019 წლის 19-21 ივნისის მოვლენებთან დაკავშირებით ჩაიდინა და ამნისტიის გავრცელებაზე უარი არ განუცხადებიათ. პირი, ვის მიმართაც ამნისტია გავრცელდება, ნასამართლობის არმქონედ ჩაითვლება.³⁸

³⁵ <https://www.radiotavisupleba.ge/a/31229882.html> [უკანასკნელად ნანახია 07.12.2021].

³⁶ <https://cutt.ly/STC5azX> [უკანასკნელად ნანახია 07.12.2021].

³⁷ <https://cutt.ly/mTC71TR> [უკანასკნელად ნანახია 07.12.2021].

³⁸ საქართველოს კანონი ამნისტიის შესახებ, პირველი მუხლის პირველი ნაწილი
იხ: <https://www.matsne.gov.ge/ka/document/view/5199308?publication=0> [უკანასკნელად ნანახია 07.12.2021].

შესაბამისად, „ამნისტიის შესახებ“ კანონი გავრცელდა მართლსაწინააღმდეგოდ მოქმედ სახელმწიფოს წარმომადგენლებზეც, რომლებმაც არსებითად შელახეს 2019 წლის 19-20 ივნისის დემონსტრაციის მონაწილეთა კონსტიტუციური და კონვენციური უფლებები. კანონის გავრცელება გამორიცხულია მხოლოდ იმგვარ დანაშაულებებზე, როგორებიცაა: ჯანმრთელობის განზრახ მძიმე დაზიანება; წამება; წამების მუქარა; დამამცირებელი ან არაადამიანური მოპყრობა.³⁹ შესაბამისად, მოცემული კანონის მიღებას დიდი კრიტიკა მოჰყვა, განსაკუთრებით, 20 ივნისის დაზარალებულთა მხრიდან⁴⁰.

2. გამოხატვის და მედიის თავისუფლება

2.1 საქართველოს კომუნიკაციების ეროვნული კომისიის საქმიანობა

2021 წელს საქართველოს კომუნიკაციების ეროვნულ კომისიას თავისი საქმიანობით არაერთხელ ჰქონდა მცდელობა ჩარეულიყო მედიის თავისუფლებაში, რაც გამოიხატა მის მიერ მიღებულ გადაწყვეტილებებში მაუწყებლების დაჯარიმების ან სამართალდამრღვევად ცნობის შესახებ.

განსაკუთრებით შემაშფოთებელია საქართველოს კომუნიკაციების ეროვნული კომისიის 2021 წლის 28 იანვრის გადაწყვეტილება, რომლითაც კომისიამ სამართალდამრღვევად ცნო შპს „მთავარი არხი“ ეთერში გასული ერთ-ერთი სიუჟეტისთვის. მიუხედავად იმისა, რომ აღნიშნული სიუჟეტი პოლიტიკურ სატირას შეიცავდა, კომისიამ ის უხამსობად მიიჩნია და სამართალდამრღვევად ცნო „მთავარი არხი“, თუმცა გაათავისუფლა ადმინისტრაციული პასუხისმგებლობისგან.⁴¹

არასამთავრობო ორგანიზაციების შეფასებით, კომისიის მიერ უხამსობის რეგულირების მიზნით წამოწყებული აქტივობები ეწინააღმდეგება კანონმდებლობას და წარმოადგენს კომისიის მცდელობას ჩაერიოს მაუწყებლის პროგრამების შინაარსში, ვინაიდან კომისიას არ აქვს საკანონმდებლო უფლებამოსილება, განიხილოს უხამსობის შემცველი პროგრამების განთავსების კანონიერება.⁴² მიუხედავად ამისა, კომუნიკაციების ეროვნულ კომისიას ამ დროისთვის უხამსი პროგრამის განთავსების გამო მაუწყებლის სამართალდამრღვევად ცნობისთვის სამი გადაწყვეტილება აქვს მიღებული.⁴³

მაუწყებელთა შინაარსობრივი რეგულირების მცდელობად ასევე გვევლინება კომუნიკაციების ეროვნული კომისიის უფლებამოსილება შეაფასოს, თუ რომელი პროგრამა წარმოადგენს არასრულწლოვნისათვის საფრთხისშემცველს. 2020 წლის 01 სექტემბერს „მაუწყებლობის შესახებ“ საქართველოს კანონსა და „ბავშვის უფლებათა კოდექსში“ ამოქმედებული დებულებების თანახმად, მაუწყებელს დაეკისრა ბავშვისთვის

³⁹ საქართველოს კანონი ამნისტიის შესახებ, მეორე მუხლი

იხ: <https://www.matsne.gov.ge/ka/document/view/5199308?publication=0> [უკანასკნელად ნანახია 07.12.2021].

⁴⁰ <http://hotnews.ge/index.php/en/north-america/item/24372-makogomur-amnist> [უკანასკნელად ნანახია 07.12.2021]; <https://gdi.ge/ge/news/statement-05-05-2021.page> [უკანასკნელად ნანახია 07.12.2021].

⁴¹ იხ. <https://comcom.ge/ge/legal-acts/solutions/2021--21-18-22.page> [უკანასკნელად ნანახია 06.12.2021].

⁴² იხ. <http://mediacoalition.ge/ge/a/ed3ef8d3> [უკანასკნელად ნანახია 06.12.2021].

⁴³ იხ. <https://bit.ly/3HWC1fd>; <https://bit.ly/3nRtYbN>; <https://bit.ly/3xluVfs> [უკანასკნელად ნანახია 06.12.2021].

საფრთხის შემცველი ინფორმაციისგან არასრულწლოვნის დაცვის ვალდებულება და აკრძალა მისთვის ზიანის მიმყენებელი პროგრამების განთავსება.⁴⁴

საქართველოს კომუნიკაციების ეროვნულმა კომისიამ 2021 წელს არაერთხელ გამოიყენა ზემოაღნიშნული უფლებამოსილება და ერთი წლის განმავლობაში 9 გადაწყვეტილება მიიღო, ხოლო აქედან დარღვევა 5 საქმეზე დაადგინა და დააჯარიმა მაუწყებლები.⁴⁵

ზემოაღნიშნული ნორმები, GDI-ის წარმომადგენლობით, გასაჩივრებულია საქართველოს საკონსტიტუციო სასამართლოში⁴⁶, ვინაიდან, GDI-ის შეფასებით, ისინი არაკონსტიტუციურად ზღუდავს საქართველოს კონსტიტუციის მე-17 მუხლით დაცულ გამოხატვისა და მედიის თავისუფლებას, მათ შორის არღვევს კანონის განსაზღვრულობის მოთხოვნებს, რადგან შეიცავს ბუნდოვან ტერმინებს („შეურაცხყოფელი ლექსიკა“, „უხამსი ქმედება“ და ა.შ).⁴⁷

ასევე, საყურადღებოა 2021 წლის საქართველოს მუნიციპალიტეტის ორგანოთა არჩევნების წინასაარჩევნო პერიოდის მედია მონიტორინგის ფარგლებში კომუნიკაციების ეროვნული კომისიის საქმიანობა. ამ კუთხით, მნიშვნელოვანია კომუნიკაციების ეროვნული კომისიის 2021 წლის 27 ოქტომბრის გადაწყვეტილება, რომლითაც „მთავარ არხს“ წინასაარჩევნო პოლიტიკური რეკლამების კანონდარღვევით გავრცელებისთვის ადმინისტრაციული სამართალდარღვევის ოქმი შეუდგინა.⁴⁸ კომისიის აღნიშნული გადაწყვეტილება 2021 წლის 29 ოქტომბრის დადგენილებით გააუქმა თბილისის საქალაქო სასამართლოს ადმინისტრაციულ საქმეთა კოლეგიამ და განმარტა, რომ „მთავარ არხზე“ განთავსებული ვიდეორგოლები (რომლებშიც ფიგურირებდა საქართველოს მესამე პრეზიდენტი) არ წარმოადგენდა წინასაარჩევნო პოლიტიკურ რეკლამას. აღსანიშნავია, რომ ამ ნაწილში საქალაქო სასამართლომ სრულად გაიზიარა „სასამართლო მეგობრის“ მოსაზრების ფარგლებში GDI-ს შეთავაზებული პოზიცია.⁴⁹ თბილისის საქალაქო სასამართლოს 2021 წლის 29 ოქტომბრის დადგენილება კომუნიკაციების ეროვნულმა კომისიამ გასაჩივრა თბილისის სააპელაციო სასამართლოში, რომელმაც ხელახლა განსახილველად დაუბრუნა საქმე პირველ ინსტანციას, შესაბამისად მიღებული გადაწყვეტილება შესაძლოა შეიცვალოს.

დამატებით, საყურადღებოა კომუნიკაციების კომისიის 2021 წლის 25 ნოემბრის გადაწყვეტილება, რომლითაც კომუნიკაციების კომისიამ „მთავარი არხი“ არაწინასაარჩევნო პერიოდში პოლიტიკური რეკლამის ეთერში კანონმდებლობის

⁴⁴ ბავშვის უფლებათა კოდექსის 66-ე მუხლი; „მაუწყებლობის შესახებ“ საქართველოს კანონის 56¹ და 56² მუხლები

⁴⁵ იხ. <https://bit.ly/3p48RSX>; <https://bit.ly/3cMdPxI>; <https://bit.ly/3r8Pivj>; <https://bit.ly/3I477lo>; <https://bit.ly/2ZqNZMU> [უკანასკნელად ნანახია 06.12.2021].

⁴⁶ საქართველოს საკონსტიტუციო სასამართლოს 2021 წლის 23 ივნისის N1/2/1537 საოქმო ჩანაწერი, ხელმისაწვდომია აქ: <https://constcourt.ge/ka/judicial-acts?legal=11632> [უკანასკნელად ნანახია 06.12.2021].

⁴⁷ საქართველოს დემოკრატიული ინიციატივა, ადამიანის უფლებები საქართველოში 2020, გვ. 8, იხ. <https://gdi.ge/uploads/other/1/1277.pdf> [უკანასკნელად ნანახია 06.12.2021].

⁴⁸ იხ. <https://bit.ly/3cPnW4Z> [უკანასკნელად ნანახია 06.12.2021].

⁴⁹ იხ. <https://gdi.ge/ge/news/sasamartlo-megobris-mosazreba-29-10-2021.page> [უკანასკნელად ნანახია 06.12.2021].

დარღვევით განთავსების გამო, საკმაოდ მაღალი სანქციით - 112 000 ლარით დააჯარიმა.⁵⁰ მიღებული გადაწყვეტილება ასევე სცდება კომისიის მანდატს, დაფუძნებულია კომისიის მიერ კანონმდებლობის სუბიექტურ ინტერპრეტაციაზე და არ არის თანაზომიერი ჩარევა მედიის თავისუფლებაში. კომისიის აღნიშნულ გადაწყვეტილებას გამოეხმაურა კოალიცია „მედიის ადვოკატებისთვის“, რომელმაც განმარტა, რომ „მთავარი არხის“ მიმართ სანქციის მაღალი ზღვრის გამოყენების არაერთი ფაქტი მიანიშნებს კომისიის მცდელობაზე ფინანსური ბერკეტების ამოქმედებით დასაჯოს მაუწყებელი და ზეგავლენა მოახდინოს „მთავარი არხის“ სარედაქციო პოლიტიკაზე.⁵¹

2.2 ჟურნალისტებზე და მედიის წარმომადგენლებზე განხორციელებული თავდასხმები და ჟურნალისტური საქმიანობის ხელშემშლის ფაქტები

2021 წელი ჟურნალისტებზე და მედიის წარმომადგენლებზე თავდასხმების არაერთი ფაქტით გამოირჩეოდა. საანგარიშო პერიოდში სახელმწიფო წარმომადგენლების მიერ მედიის წარმომადგენლების წინააღმდეგ გაკეთებული დისკრედიტაციული და ძალადობის წამახალისებელი განცხადებებისა და მათი უსაფრთხოების არასათანადო უზრუნველყოფის შედეგად, ჟურნალისტებზე არაერთი ფიზიკური თუ სიტყვიერი თავდასხმა განხორციელდა საზოგადოების მხრიდან.

ამ კუთხით, შემამფოთებელია 2021 წლის 5-6 ივლისის მოვლენები, როდესაც „ღირსების მარშის“ წინააღმდეგ გამართული კონტრაქციის გასაშუქებლად მისული მედიის წარმომადგენლები ძალადობრივი ჯგუფების მასშტაბური თავდასხმის მსხვერპლნი გახდნენ. GDI-ს შეფასებით, „ხელისუფლებამ 5-6 ივლისს დაარღვია ღირსების შემლახავი მოპყრობისგან მედიის წარმომადგენლების დაცვის ვალდებულება და ასევე არ ან ვერ უზრუნველყო მათ მიერ ჟურნალისტური საქმიანობის უსაფრთხოდ განხორციელება, რითაც დაარღვია გამოხატვის თავისუფლება.“⁵²

2021 წლის 5-6 ივლისის განხორციელებული მასშტაბური თავდასხმების გარდა, მედიის (განსაკუთრებით კი კრიტიკული მედიის) წარმომადგენლები არაერთხელ გამხდარან ფიზიკური თუ სიტყვიერი თავდასხმის სამიზნე. მათ შორის, აღსანიშნავია 2021 წლის 25 თებერვალს განხორციელებული თავდასხმა ტელეკომპანია „ფორმულას“ ჟურნალისტ ვახო სანაიასა და მის ოჯახის წევრებზე. მიგვაჩნია, რომ ჟურნალისტსა და მის ოჯახზე თავდასხმა არის კრიტიკული მედიის მიმართ მმართველი პარტიის აგრესიული დამოკიდებულების შედეგი, რომელიც „ქართული ოცნების“ წევრების მიერ კრიტიკული მედიის წარმომადგენლების შესახებ გაკეთებული განცხადებებითა და ჟურნალისტებზე თავდასხმის ფაქტებზე არასათანადო რეაგირებით არის გამოწვეული.⁵³

მიუხედავად იმისა, რომ ჟურნალისტ ვახო სანაიაზე თავდასხმას მოჰყვა სახალხო დამცველის⁵⁴ და არასამთავრობო ორგანიზაციების⁵⁵ მოწოდებები სახელმწიფოს მხრიდან

⁵⁰ იხ. <https://bit.ly/3rby6p6> [უკანასკნელად ნანახია 06.12.2021].

⁵¹ იხ. <https://bit.ly/3lBYt3Q> [უკანასკნელად ნანახია 06.12.2021].

⁵² იხ. <https://bit.ly/32Uz12V> [უკანასკნელად ნანახია 06.12.2021].

⁵³ იხ. <http://mediacoalition.ge/ge/a/a4347102> [უკანასკნელად ნანახია 06.12.2021].

⁵⁴ იხ. <https://bit.ly/3cRq2RP> [უკანასკნელად ნანახია 06.12.2021].

⁵⁵ იხ. <http://mediacoalition.ge/ge/a/a4347102> [უკანასკნელად ნანახია 06.12.2021].

მომხდარ დანაშაულზე ადეკვატური რეაგირების თაობაზე, სასამართლომ სამივე ბრალდებულს მინიმალური სასჯელი - 6 თვიანი პატიმრობა შეუფარდა⁵⁶. სასამართლოს აღნიშნული გადაწყვეტილება გააკრიტიკა კოალიციამ „მედიის ადვოკატირებისთვის“ და განმარტა, რომ მსგავსი რბილი დამოკიდებულება ჟურნალისტზე ძალადობის ფაქტებზე წარმოადგენს კრიტიკული მედიის მიმართ აგრესიის გაზრდის კიდევ ერთ საფრთხეს.⁵⁷

აღსანიშნავია, რომ GDI-მ, რომელიც დაზარალებულ ვახო სანაიას ინტერესებს იცავს, საქართველოს პროკურატურას მიმართა მოთხოვნით, რომ გაასაჩივროს თბილისის საქალაქო სასამართლოს განაჩენი, ვინაიდან, GDI-ს აზრით, სასჯელის ნაწილში გადაწყვეტილება უკანონო და დაუსაბუთებელია.⁵⁸ პროკურატურამ გაასაჩივრა განაჩენი სააპელაციო სასამართლოში (სასჯელის ნაწილში), ხოლო საქართველოს სახალხო დამცველმა სასამართლო მეგობრის მოსაზრება წარადგინა.

საყურადღებოა, რომ ტელეკომპანია „ფორმულას“ თანამშრომლებზე კიდევ ერთი თავდასხმა განხორციელდა 2021 წლის 9 აპრილს. მაუწყებლის მიერ გავრცელებული ინფორმაციის თანახმად, ერთ თანამშრომელს თავდამსხმელები ფიზიკურად გაუსწორდნენ, ხოლო მეორეს - ქონება (ავტომობილი) დაუზიანეს.⁵⁹ ამასთან დაკავშირებით, საქართველოს სახალხო დამცველმა ხელისუფლებას კვლავ მოუწოდა დროულად და ეფექტურად გამოიძიოს ტელეკომპანია „ფორმულას“ თანამშრომლების მიმართ განხორციელებული თავდასხმები და დააყენოს შესაბამისი პირების პასუხისმგებლობის საკითხი.⁶⁰

ხელისუფლების მტრულ დამოკიდებულებას კრიტიკულ მედიის მიმართ ხაზს უსვამს ქართული ოცნების წევრებსა და „მთავარი არხის“ გადამღებ ჯგუფს შორის 2021 წლის 15 სექტემბერს მომხდარი დაპირისპირებაც. „მთავარი არხის“ ცნობით, ოპერატორი ლევან აბლოთია ჟურნალისტ ბექა ყორშიასთან ერთად ქარელის მერობის კანდიდატზე, ზაზა გულიაშვილზე სიუჟეტს ამზადებდა, როდესაც ოპერატორი „ქართული ოცნების“ ქარელის ოფისის მეორე სართულის აივნიდან გადმოაგდეს.⁶¹ როგორც ჟურნალისტი ბექა ყორშია ყვება, „ქართული ოცნების“ წევრები მისვლისთანავე აგრესიულად შეხვდნენ ჟურნალისტსა და ოპერატორს. აღნიშნულ ვერსიას უარყოფენ „ქართული ოცნების“ წარმომადგენლები და, მათი განმარტებით, ოპერატორი თავად გადავარდა კიბის მოაჯირიდან და არა აივნიდან, თუმცა ადასტურებენ გადამღებ ჯგუფსა და შტაბის წევრებს შორის მომხდარ სიტყვიერ დაპირისპირებას.⁶² ფაქტზე გამოძიება სისხლის სამართლის კოდექსის 124-ე მუხლით (ჯანმრთელობის ნაკლებად მძიმე ან მძიმე დაზიანება გაუფრთხილებლობით) დაიწყო.⁶³

⁵⁶ იხ. <https://bit.ly/3DTSNtf> [უკანასკნელად ნანახია 06.12.2021].

⁵⁷ იხ. <http://mediacoalition.ge/ge/a/c0cf9f3d> [უკანასკნელად ნანახია 06.12.2021].

⁵⁸ იხ. <https://gdi.ge/ge/news/vaxo-sanaias-mimart-tavdasxma.page> [უკანასკნელად ნანახია 06.12.2021].

⁵⁹ იხ. <https://bit.ly/3p0bsNC> [უკანასკნელად ნანახია 06.12.2021].

⁶⁰ იხ. <https://bit.ly/3CUFE1N> [უკანასკნელად ნანახია 06.12.2021].

⁶¹ იხ. <https://bit.ly/3Gqf8iY> [უკანასკნელად ნანახია 25.11.2021]

⁶² იხ. <https://bit.ly/3EHEEzO> [უკანასკნელად ნანახია 25.11.2021]

⁶³ იხ. <https://www.radiotavisupleba.ge/a/31463105.html> [უკანასკნელად ნანახია 25.11.2021]

კრიტიკული მედიის წარმომადგენლები არაერთი სიტყვიერი თუ ფიზიკური თავდასხმის მსხვერპლი გახდნენ სასულიერო პირების მხრიდანაც. 2021 წლის 4 მაისს დავით გარეჯში სიუჟეტზე მუშაობისას სასულიერო პირებმა სიტყვიერი და ფიზიკური შეურაცხყოფა მიაყენეს "მთავარი არხის" ჟურნალისტს, ნინუცა კეკელიასა და ოპერატორს, ირაკლი კვარაცხელიას.⁶⁴ ამასთან, 2021 წლის 8 მაისს გავრცელდა ვიდეო, სადაც ჩანს, რომ სასულიერო პირების აგრესიის მსხვერპლი გახდა „მთავარი არხის“ კიდევ ერთი ჟურნალისტი, ირაკლი ვაჩიბერიძე, რომელსაც პროფესიული საქმიანობის განხორციელების დროს, ვანისა და ბაღდათის მიტროპოლიტმა ანტონ ბულუხიამ ჯერ სიტყვიერი, ხოლო შემდეგ ფიზიკური შეურაცხყოფა მიაყენა.⁶⁵ სასულიერო პირების მიერ ჟურნალისტებზე თავდასხმის ფაქტებს განცხადებით გამოეხმაურა საქართველოს ჟურნალისტური ეთიკის ქარტია და განმარტა, რომ „სამართალდამცავი უწყების მხრიდან მსგავსი ფაქტების მკაცრი რეაგირების გარეშე დატოვება, ამგვარ ძალადობასა და ჟურნალისტების მუშაობაში ხელის შეშლის შემთხვევებს ახალისებს, რაც მედიაგარემოსთვის ძალიან დამაზიანებელია.“⁶⁶

ჟურნალისტური საქმიანობის ხელშეშლის მცდელობად ასევე გვევლინება საზოგადოებრივი მაუწყებლის გენერალური დირექტორის, თინათინ ბერძენიშვილის 2021 წლის 9 აგვისტოს ბრძანება საავტორო გადაცემა „კვირის ინტერვიუს“ წამყვანის, ირაკლი აბსანძის, გათავისუფლების შესახებ. საყურადღებოა, რომ ირაკლი აბსანძე ხშირად გამოირჩეოდა ქვეყანაში მიმდინარე მოვლენებთან დაკავშირებული კრიტიკული განცხადებებით და ის 2021 წლის 12 ივლისს მმართველი პარტიის ოფისთან მიმდინარე საპროტესტო აქციაშიც მონაწილეობდა, რა დროსაც პოლიციამ დააკავა და ხელი მოტეხა⁶⁷.

მიუხედავად იმისა, რომ ირაკლი აბსანძის გათავისუფლების ოფიციალურ მიზეზად ხელშეკრულებით ან/და შრომის შინაგანაწესით დაკისრებული ვალდებულების უხეში/არაერთგზის დარღვევა დასახელდა,⁶⁸ ტელეწამყვანის გათავისუფლების ფაქტი კოალიციამ „მედიის ადვოკატებისთვის“ შემდეგნაირად შეაფასა: „ირაკლი აბსანძის გათავისუფლება ქვეყანაში კრიტიკულად გაუარესებულ მედიაგარემოს და წინასაარჩევნო პერიოდს ემთხვევა, რაც კიდევ უფრო აღრმავებს ეჭვებს საზოგადოებრივი მაუწყებლის სარედაქციო დამოუკიდებლობის მიმართ. უნდობლობას იწვევს ასევე მაუწყებლის გენერალური დირექტორის ბრძანების სამართლებრივი საფუძვლები და აღნიშნული გადაწყვეტილება შთაბეჭდილებას ტოვებს, რომ ჟურნალისტის გათავისუფლება მის კრიტიკულ მოსაზრებებს უკავშირდება.“⁶⁹ გასათვალისწინებელია ის გარემოებაც, რომ ძალადობრივმა ჯგუფებმა წამყვანის გათავისუფლება არაერთხელ მოითხოვეს - მათ შორის, აღნიშნული მოთხოვნა გაჟღერდა „ალტ ინფოს“ მიერ,⁷⁰ რაც კიდევ უფრო მეტად აღრმავებს ეჭვებს ჟურნალისტის გათავისუფლების რეალურ მიზეზებთან დაკავშირებით.

⁶⁴ იხ. <https://bit.ly/3HVifkb> [უკანასკნელად ნანახია 06.12.2021].

⁶⁵ იხ. <https://bit.ly/3xoB9ew> [უკანასკნელად ნანახია 06.12.2021].

⁶⁶ იხ. <https://bit.ly/3oVY9hc> [უკანასკნელად ნანახია 06.12.2021].

⁶⁷ იხ. <https://bit.ly/3EqoVoA> [უკანასკნელად ნანახია 06.12.2021].

⁶⁸ იხ. <https://www.radiotavisupleba.ge/a/31403258.html> [უკანასკნელად ნანახია 06.12.2021].

⁶⁹ იხ. <https://gdi.ge/ge/news/media-koalicia-13-08-21.page> [უკანასკნელად ნანახია 06.12.2021].

⁷⁰ იხ. <https://bit.ly/3Esf7dI> [უკანასკნელად ნანახია 06.12.2021].

2.3 “TV პირველის“ წინააღმდეგ მიღებული 2021 წლის 9 მარტის განჩინება

2021 წლის 9 მარტს თბილისის საქალაქო სასამართლომ მიიღო განჩინება, რომლის საფუძველზეც გაიცა ნებართვა „TV პირველისთვის“ კონფიდენციალური წყაროს მიერ გადაცემული მასალების მოსაპოვებლად საგამომიებო მოქმედების - ამოღების ჩატარების შესახებ.⁷¹

სასამართლომ აღნიშნული განჩინება მიიღო მას შემდეგ, რაც 2021 წლის 6 მარტს TV პირველის ეთერიდან გავრცელდა აუდიო ჩანაწერი, რომელიც მიუთითებს, რომ განხორციელდა ახალგაზრდების, მათ შორის, არასრულწლოვანი პირების დევნა და მუქარა, მათ მიერ სოციალურ ქსელში ბიძინა ივანიშვილის ვაჟის, ბერა ივანიშვილის წინააღმდეგ სხვადასხვა ფორმით გამოხატული მოსაზრებების გამო. ხოლო ჩანაწერებიდან ირკვევა, რომ ამ მუქარების ერთ-ერთი თანამონაწილე შესაძლოა იყოს მოქმედი პრემიერ-მინისტრი ირაკლი ღარიბაშვილი.⁷²

2021 წლის 9 მარტის განჩინება დაგმო საქართველოს სახალხო დამცველმა, რომელმაც განაცხადა, რომ სასამართლომ არ იმსჯელა იმაზე, თუ რა გავლენა შეიძლება იქონიოს მსგავსი საგამომიებო მოქმედების ჩატარებამ ჟურნალისტის სიტყვისა და გამოხატვის თავისუფლების დაცვის ხარისხზე, რის გამოც, აღნიშნული განჩინება სამართლებრივად დაუსაბუთებლად მიიჩნია. ⁷³ ნიშანდობლივია, რომ საბოლოოდ ამ განჩინების აღსრულება აღარ მომხდარა.

2.4 „უარყოფითი დამოკიდებულების“ და „სიძულვილის ენის“ შემცველი პოლიტიკური რეკლამების/სააგიტაციო მასალის აკრძალვის მცდელობები

საყურადღებოა, რომ 2021 წლის საარჩევნო პერიოდში, საქართველოს პარლამენტში წარდგენილი იყო საკანონმდებლო ინიციატივები „უარყოფითი დამოკიდებულების“ და „სიძულვილის ენის“ შემცველი პოლიტიკური რეკლამების/სააგიტაციო მასალის აკრძალვასთან დაკავშირებით.

კერძოდ, 2021 წლის 4 ოქტომბერს კომპანია „ალმამ“ საკანონმდებლო წინადადებით მიმართა საქართველოს პარლამენტს და მოითხოვა საკანონმდებლო ცვლილებების მიღება, რომელიც უზრუნველყოფს „საარჩევნო სფეროში სიძულვილის ენის შემცველი, საზოგადოების პოლარიზაციისა და მასში აგრესიის გამომწვევი, არაეთიკური და შეურაცხმყოფელი პოლიტიკური სარეკლამო ბანერების მუნიციპალიტეტებში განთავსების თავიდან აცილებას“⁷⁴. შპს „ალმას“ წარმოდგენილ საკანონმდებლო წინადადებას იურიდიულ საკითხთა კომიტეტმა მხარი დაუჭირა⁷⁵.

ამასთან, 2021 წლის 13 ოქტომბერს პოლიტიკური პარტიის „ქართული ოცნება - დემოკრატიული საქართველოს“ დეპუტატებმა დაარეგისტრირეს კანონპროექტი, რომელიც საარჩევნო კამპანიისას არჩევნებში მონაწილე სუბიექტის მიმართ უარყოფითი

⁷¹ იხ. <https://bit.ly/3FOyNbP> [უკანასკნელად ნანახია 06.12.2021].

⁷² იხ. <https://bit.ly/3HUGK0W> [უკანასკნელად ნანახია 06.12.2021].

⁷³ იხ. <https://bit.ly/3113KuI> [უკანასკნელად ნანახია 06.12.2021].

⁷⁴ იხ. <https://parliament.ge/legislation/22870> [უკანასკნელად ნანახია 06.12.2021].

⁷⁵ იხ. <https://bit.ly/3DqQOGR> [უკანასკნელად ნანახია 06.12.2021].

დამოკიდებულების შემქმნელი სააგიტაციო და სარეკლამო მასალის გავრცელების აკრძალვას მიემართება⁷⁶. ავტორთა ინიციატივით, ცვლილებები უნდა შევიდეს „მაუწყებლობის შესახებ“ საქართველოს კანონსა და საქართველოს საარჩევნო კოდექსში, რომელიც აკრძალავს ისეთი წინასაარჩევნო რეკლამის ან სააგიტაციო მასალის გავრცელებას, რომელიც „გამიზნულია საარჩევნო სუბიექტის/საარჩევნო სუბიექტობის კანდიდატის მიმართ უარყოფითი დამოკიდებულების შესაქმნელად“⁷⁷.

აღსანიშნავია, რომ წინასაარჩევნოდ (მსგავსად წინა არჩევნებისა) ქუჩებში სწორედ ქართული ოცნების არჩევისაკენ ხელშემწყობი ე.წ. „სისხლიანი ბანერები“ განთავსდა, რომელზეც სხვადასხვა ოპოზიციური პარტიი ლიდერები, მათ შორის ყოფილი პრემიერ მინისტრი, გიორგი გახარია იყვნენ გამოსახულნი წარწერით „არა ნაცებს!“, „არა ბოროტებს!“, „არა ღალატს!“

GDI-მ მიიჩნია, რომ ინიცირებული საკანონმდებლო ცვლილებები გამოხატვის თავისუფლების იმგვარ შინაარსობრივ რეგულირებას წარმოადგენს, რომელიც მორალურად და სამართლებრივად დაუსაბუთებელია. GDI-ს შეფასებით, ინიცირებული საკანონმდებლო ცვლილებები არ მიემართება დაცვის ღირსი ლეგიტიმური მიზნების რეალიზებას და არც არის გამოსადეგი საშუალება დასახული მიზნის მისაღწევად. ამასთანავე, როგორც საკანონმდებლო წინადადების, ისე კანონპროექტის ფარგლებში, უგულებელყოფილია საქართველოს საკონსტიტუციო სასამართლოს პრაქტიკა გამოხატვის თავისუფლებით დაცულ უფლებრივ სფეროსთან და კანონის განჭვრეტადობის მოთხოვნებთან დაკავშირებით.⁷⁸ სწორედ ამის გათვალისწინებით, GDI-მ მიმართა საქართველოს პარლამენტს აღნიშნულ საკანონმდებლო ინიციატივებთან დაკავშირებული შენიშვნებით და მოუწოდა, მხარი არ დაუჭიროს წარმოდგენილ კანონპროექტს და საკანონმდებლო წინადადებას.⁷⁹

3. პირადი ცხოვრების უფლება

2021 წლის 13 სექტემბერს, სხვადასხვა მედია საშუალების მეშვეობით, გავრცელდა ინფორმაცია⁸⁰, სახელმწიფო უსაფრთხოების სამსახურის მიერ სასულიერო პირების, პოლიტიკოსების, ადვოკატების, ჟურნალისტების, დიპლომატიური კორპუსის წარმომადგენლების, აქტივისტებისა და სხვა პირების მიყურადების შესახებ.⁸¹ მედიის ცნობით, მათ ელექტრონულ ფოსტაზე მიუვიდათ ბმული, სადაც ატვირთული იყო ათასობით კერძო კომუნიკაციის შინაარსის ამსახველი ფაილი.⁸²

გავრცელებულ ინფორმაციაზე დაყრდნობით, კერძო კომუნიკაციის საიდუმლოების დარღვევის ფაქტზე (საქართველოს სისხლის სამართლის კოდექსის 158-ე მუხლის 1-ლი და

⁷⁶ იხ. <https://info.parliament.ge/#law-drafting/22918> [უკანასკნელად ნანახია 06.12.2021].

⁷⁷ იქვე.

⁷⁸ იხ. <https://bit.ly/3p0hQVb> [უკანასკნელად ნანახია 06.12.2021].

⁷⁹ იქვე.

⁸⁰ <https://formulanews.ge/News/56536> [უკანასკნელად ნანახია 24.11.2021]

⁸¹ <https://mtavari.tv/news/56304-sasuliero-pirebis-seksualuri-orientatsia-carsuli> [უკანასკნელად ნანახია 24.11.2021]

⁸² <https://bit.ly/2Zmm40C> [უკანასკნელად ნანახია 24.11.2021]

მე-2 ნაწილებით გათვალისწინებული დანაშაული) საქართველოს პროკურატურაში გამოძიება დაიწყო.⁸³ აღსანიშნავია, რომ ჟურნალისტებმა და სხვა პირებმა რომლებიც გავრცელებულ ფაილებში ფიგურირებდნენ, დაადასტურეს საუბრების ავთენტურობა.⁸⁴ შესაბამისად, მათ უშუალო ზიანი მიადგათ დანაშაულის შედეგად, კერძოდ კი შეილახა მათი კერძო კომუნიკაციის ხელშეუხებლობის უფლება. თუმცა (2021 წლის დეკემბრის მდგომარეობით) პროკურატურამ GDI-ს მიმართვის მიუხედავად (რომელიც დაზარალებულთა ინტერესებს იცავს) ისინი არ ცნო დაზარალებულად. მათი ინტერესების დამცველი არ აღმოჩნდა არც სასამართლო, რომელმაც პროკურატურას არ დაავალა დარღვევის გამოსწორება და დაზარალებულებს უარი უთხრა სტატუსის მინიჭებაზე.⁸⁵ აღსანიშნავია ისიც, რომ სახელმწიფო ინსპექტორის სამსახურმა დაადასტურა, რომ GDI-ს დაცვის ქვეშ მყოფი პირების ფარულ მოსმენა/მიყურადებას მისი მეთვალყურეობის ფარგლებში ადგილი არ ჰქონია, რაც დამატებით ადასტურებს ფარული მიყურადების უკანონობას.⁸⁶

საგანგაშოა ისიც, რომ სისტემური მოსმენა-მიყურადების ფაქტის გამოვლენის შემდეგ არათუ არავის სისხლისსამართლებრივი პასუხისმგებლობა არ დამდგარა, არამედ იგივე მაღალჩინოსნები ვისი დავალებითაც სავარაუდოდ მიმდინარეობდა უკანონო მოსმენები, დღემდე იკავებენ თანამდებობებს.

ამასთან, სავარაუდოდ გრძელდება ადამიანების კერძო საუბრების უკანონო მოსმენა. აღნიშნულ ფაქტს ადასტურებს სამოქალაქო აქტივისტებისა და ჟურნალისტების მიერ ჩატარებული ექსპერიმენტები. კერძოდ 2021 წლის 11 ნოემბერს, მოძრაობა „სირცხვილიას“ წევრები ერთმანეთთან სატელეფონო საუბრის მეშვეობით, თითქოს გეგმავდნენ პარლამენტის შენობის და შემდგომ „ქართული ოცნების“ ოფისის პიკეტირებას. სატელეფონო საუბრებს მოყვა ათობით პოლიციელის მობილიზება აღნიშნულ ადგილებზე რაც მიუთითებს იმ ფაქტზე რომ, დიდი ალბათობით, მოძრაობა სირცხვილიას აქტივისტების სატელეფონო საუბრების მიყურადება ხდება.⁸⁷ ანალოგიური შედეგი მოყვა ტელეკომპანია „პირველის“ ექსპერიმენტსაც.⁸⁸

სამწუხაროდ, მოქმედი კანონმდებლობა უკანონო მიყურადებისა და მსგავსი ტიპის, ფარული საქმიანობისგან სათანადოდ არ იცავს პირადი და ოჯახური ცხოვრების, პირადი სივრცისა და კომუნიკაციის ხელშეუხებლობის უფლებებს. ამჟამინდელი რეგულაცია, მაგალითად, მკაფიოდ არ მიჯნავს ოპერატიული, საპოლიციო პრევენციულ, საგამოძიებო

⁸³ <https://pog.gov.ge/news/saqarTvelos-prokuraturashi-mediasashualebebis-mier-farul-chanawerebTan-dakavshirebiT-gavrcelebul-inf> [უკანასკნელად ნანახია 24.11.2021]

⁸⁴ <https://gdi.ge/ge/news/xelisufleba-ganagrzdobs-sus-is-totaluri-kontrolis-meqanizmad-gamoyenebas.page> [უკანასკნელად ნანახია 24.11.2021]

⁸⁵ <https://gdi.ge/ge/news/saxelmwifo-inspeqtori-adasturebs-rom-susi-is-failebshi-arsebuli-6-jurnalistisa-daparlamentis-wevris-farul-mosmenamiyuradebas-misi-metvalyureobis-farglebshi-adgili-ar-hqonia.page> [უკანასკნელად ნანახია 24.11.2021]

⁸⁶ იქვე

⁸⁷ <https://mtavari.tv/news/63914-tsru-piketi-mosmenebi-sirtskhviliam-susi-makheshi> [უკანასკნელად ნანახია 24.11.2021]

⁸⁸ <https://tvpirveli.ge/ka/siaxleebi/politika/12565-susi-isev-gvismens-tv-pirvelis-eqsperimenti> [უკანასკნელად ნანახია 24.11.2021]

და სამძებრო ღონისძიებებს,⁸⁹ უშვებს ოპერატიული ღონისძიებების განხორციელებას სასამართლოს ზედამხედველობის გარეშე⁹⁰ და არ ადგენს მსგავსი სახის ფარული საქმიანობის კონტროლის ეფექტიან მექანიზმებს.⁹¹ შესაბამისად, მოქმედი კანონმდებლობა ეწინააღმდეგება საკონსტიტუციო სასამართლოს მიერ დადგენილ სტანდარტებს, რომელთა უგულებელყოფითაც არის მიღებული.⁹² აღსანიშნავია, რომ პრობლემური სამართლებრივი ნორმები 2017 წელს საკონსტიტუციო სასამართლოში გაასაჩივრეს სახალხო დამცველმა, პოლიტიკურმა პარტიებმა და 300-ზე მეტმა მოქალაქემ, მაგრამ სასამართლოს გადაწყვეტილება დღემდე არ მიუღია.⁹³

4. საარჩევნო უფლება (2021 წლის ადგილობრივი თვითმმართველობის არჩევნები)

2021 წლის 2 და 31 ოქტომბერს გაიმართა მუნიციპალურ ორგანოთა არჩევნები, რომლის შედეგებს განსაკუთრებული მნიშვნელობა ჰქონდა. კერძოდ, 2021 წლის 19 აპრილს საერთაშორისო პარტნიორების დახმარებით პოლიტიკურ პარტიებს შორის მიღწეული შეთანხმების თანახმად, თუ „ქართული ოცნება“ პროპორციული წესით ვერ მოიპოვებდა ამომრჩეველთა 43%-ის მხარდაჭერას, მაშინ წლის ბოლომდე ვადამდელი საპარლამენტო არჩევნები უნდა დანიშნულიყო⁹⁴. ამ შეთანხმების ფონზე, კიდევ უფრო დიდი მნიშვნელობა შეიძინა მუნიციპალური არჩევნებისთვის სამართლიანი, თავისუფალი და თანასწორი პირობების უზრუნველყოფამ. სამწუხაროდ, აღნიშნულისგან მკვეთრად საპირისპირო იყო წინასაარჩევნო და საარჩევნო პერიოდი. კერძოდ, „წინასაარჩევნო გარემო დაახიანა პოლიტიკური ნიშნით ზეწოლის, მუქარის, ასევე სამსახურიდან გათავისუფლებისა ან წასვლის იძულების ფაქტების სიმრავლემ და შესაბამისი სახელმწიფო უწყებების მხრიდან ასეთი შემთხვევების არაეფექტიანმა გამომძიებამ“⁹⁵. გარდა ამისა, არჩევნების ორივე დღეს ადგილობრივმა სადამკვირებლო და არასამთავრობო ორგანიზაციებმა დააფიქსირეს არაერთი საყურადღებო ხარვეზი, მათ შორის - ამომრჩეველთა ნების კონტროლი, მოსყიდვა და დაშინება, საარჩევნო უბნებთან კრიმინალური ავტორიტეტებისა და საეჭვო პირების მობილიზება ამომრჩევლებზე

⁸⁹ სოციალური თანასწორობის ცენტრი (ყოფილი EMC), ოპერატიული საქმიანობა სამართალდამცავ ორგანოებში, 2019, გვ. 12-13, იხ: <https://cutt.ly/NT2yenj> [უკანასკნელად ნანახია 04.12.2021].

⁹⁰ სოციალური თანასწორობის ცენტრი (ყოფილი EMC), ოპერატიული საქმიანობა სამართალდამცავ ორგანოებში, 2019, გვ. 78.

⁹¹ სოციალური თანასწორობის ცენტრი (ყოფილი EMC), ოპერატიული საქმიანობა სამართალდამცავ ორგანოებში, 2019, გვ. 73-75.

⁹² https://idfi.ge/ge/monitoring_results_of_constitutional_court_hearing_on_secret_surveillance [უკანასკნელად ნანახია 04.12.2021].

⁹³ https://idfi.ge/ge/monitoring_results_of_constitutional_court_hearing_on_secret_surveillance [უკანასკნელად ნანახია 04.12.2021]; რატომ გადამალა საკონსტიტუციომ „ფარული მოსმენების“ საქმე – განხილვიდან გასულია 28 თვე, <https://batumelebi.netgazeti.ge/news/358385/> [უკანასკნელად ნანახია 04.12.2021].

⁹⁴ იხ: <https://cutt.ly/PTLWgGu> [უკანასკნელად ნანახია 24.11.2021].

⁹⁵ სამართლიანი არჩევნებისა და დემოკრატიის საერთაშორისო საზოგადოება, საერთაშორისო გამჭვირვალობა საქართველო, საქართველოს ჟურნალისტური ეთიკის ქარტია, საქართველოს მუნიციპალიტეტის ორგანოთა 2021 წლის არჩევნების წინასაარჩევნო გარემოს ერთობლივი შეფასება, 2021, გვ. 1, იხ: <https://cutt.ly/oTLWmRR> [უკანასკნელად ნანახია 24.11.2021].

სავარაუდო ზეწოლის მიზნით, საარჩევნო კარუსელი, ფარულობის პრინციპის, მარკირების, ხმის მიცემისა და წილისყრის წესების დარღვევა, აგრესია და ფიზიკური თუ სიტყვიერი შეურაცხყოფა დამკვირვებლებისა და ჟურნალისტების მიმართ⁹⁶. სერიოზულ პრობლემას ასევე წარმოადგენდა ზღვარის წაშლა მმართველ პარტიასა და სახელმწიფოს შორის, ადმინისტრაციულ რესურსებზე წვდომაში „ქართული ოცნების“ უპირატესობა და შედეგად შექმნილი არათანაბარი პირობები⁹⁷. ამასთანავე, საარჩევნო საჩივრების განხილვისას გამოვლინდა უარყოფითი ტენდენციები, მაგალითად საოლქო საარჩევნო კომისიების მიერ მტკიცებულებათა შეფასების ერთგვაროვანი სტანდარტის არარსებობა და დისციპლინური პასუხისმგებლობის დაკისრებისას პროპორციულობის პრინციპის უგულვებელყოფა⁹⁸. ადგილობრივი სადამკვირვებლო და არასამთავრობო ორგანიზაციების თანახმად, „გამოვლენილი დარღვევები ცალსახად ნეგატიურად აისახა ამომრჩევლის თავისუფალი ნების გამოვლენაზე, საარჩევნო პროცესისა და შედეგების მიმართ საზოგადოების ნდობაზე. ზოგიერთ მუნიციპალიტეტში მცირე სხვაობის პირობებში, შესაძლოა ამ დარღვევებს შედეგებზე ზეგავლენა მოეხდინა“⁹⁹. ზემოაღნიშნული დარღვევები კრიტიკულად შეაფასეს საერთაშორისო საზოგადოების წარმომადგენლებმაც. ეუთოსა (OSCE) და მისი დემოკრატიული ინსტიტუტების და ადამიანის უფლებათა ოფისის (ODIHR) განცხადებით, „[საარჩევნო] კამპანია დააზიანა დაშინების, ამომრჩეველთა მოსყიდვისა და კანდიდატებსა და ამომრჩევლებზე განხორციელებული ზეწოლის ფაქტების შესახებ ფართოდ გავრცელებულმა და თანმიმდევრულმა განცხადებებმა და არათანასწორმა საასპარეზო პირობებმა“¹⁰⁰ ხოლო „დამკვიდრებული პრაქტიკა, რომ დამკვირვებელი ორგანიზაციების წარმომადგენლები მოქმედებენ როგორც პარტიის მხარდამჭერები, და დროდადრო პროცესში ერევიან, ასევე ზოგიერთი საარჩევნო უბნის გარეთ ცალკეული ადამიანების ჯგუფები, რომლებიც პოტენციურად ზეგავლენას ახდენენ ამომრჩევლებზე, შეშფოთების საფუძველს ქმნიდა“¹⁰¹. აშშ-ს საელჩოს პოზიციით, „[საარჩევნო] გარემო დაზიანებული იყო ფართოდ გავრცელებული და განმეორებითი საჩივრებით დაშინების, ხმების მოსყიდვის, კანდიდატებსა და ამომრჩევლებზე ზეწოლის, მოქალაქე დამკვირვებლების პარტიის წარმომადგენლებად არასათანადო გამოყენების, არათანაბარი სამოქმედო პირობების შესახებ, მათ შორის, წინასაარჩევნო პერიოდშიც“¹⁰².

⁹⁶ იხ: <https://cutt.ly/DTLWFRJ> [უკანასკნელად ნანახია 24.11.2021]; იხ: <https://cutt.ly/UTLW3WW> [უკანასკნელად ნანახია 24.11.2021]; იხ: <https://cutt.ly/PTLErPB> [უკანასკნელად ნანახია 24.11.2021]; იხ: <https://cutt.ly/ITLEfIA> [უკანასკნელად ნანახია 24.11.2021].

⁹⁷ იხ: <https://cutt.ly/DTLWFRJ> [უკანასკნელად ნანახია 24.11.2021].

⁹⁸ იხ: <https://cutt.ly/7TLEbNE> [უკანასკნელად ნანახია 24.11.2021].

⁹⁹ იხ: <https://cutt.ly/DTLWFRJ> [უკანასკნელად ნანახია 24.11.2021].

¹⁰⁰ OSCE/ODIHR საერთაშორისო საარჩევნო სადამკვირვებლო მისია საქართველო - მუნიციპალიტეტის ორგანოთა არჩევნები, 2021 წლის 2 ოქტომბერი, მოხსენება წინასწარი მიგნებებისა და დასკვნების შესახებ, გვ. 1, იხ: https://www.osce.org/files/f/documents/d/9/499477_2.pdf [უკანასკნელად ნანახია 24.11.2021].

¹⁰¹ OSCE/ODIHR, საერთაშორისო საარჩევნო სადამკვირვებლო მისია საქართველო - მუნიციპალიტეტის ორგანოთა არჩევნები, მეორე ტური 2021 წლის 30 ოქტომბერი, გვ. 1, იხ: https://www.osce.org/files/f/documents/f/f/502719_0.pdf [უკანასკნელად ნანახია 24.11.2021].

¹⁰² იხ: <https://ge.usembassy.gov/u-s-embassy-statement-on-2021-georgian-municipal-elections/> [უკანასკნელად ნანახია 24.11.2021]; იხ: <https://www.facebook.com/usingeo/posts/10159489677312954> [უკანასკნელად ნანახია 24.11.2021].

აღნიშნულ პრობლემებზე ყურადღება ასევე გაამახვილა საქართველოში ევროკავშირის წარმომადგენლობამ¹⁰³.

საბოლოოდ, როგორც წინასაარჩევნო, ისე საარჩევნო გარემომ შეასუსტა ნდობა არჩევნების შედეგების მიმართ. გამოვლინდა სერიოზული დარღვევები, რომელიც ეწინააღმდეგება საქართველოს კონსტიტუციით განმტკიცებულ საარჩევნო უფლებასა და დემოკრატიული სახელმწიფოს პრინციპს. ამ კონსტიტუციური გარანტიებისათვის არსებითი მნიშვნელობა აქვს თანასწორ და სამართლიან საარჩევნო გარემოს, რადგან სწორედ „არჩევნები არის ის მექანიზმი, რომელიც სახალხო სუვერენიტეტის რეალიზაციის შესაძლებლობას ქმნის“¹⁰⁴. სამწუხაროდ, ეს მექანიზმი საქართველოში დღემდე ვერ მუშაობს სათანადოდ და 2021 წლის მუნიციპალური არჩევნები კიდევ ერთი უკან გადადგმული ნაბიჯია ქვეყნის დემოკრატიული განვითარების გზაზე.

5. თანასწორობა და რელიგიის თავისუფლება

5.1 ქრისტიან და მუსლიმ თემს შორის დაპირისპირება ბუკნარში

ჩოხატაურის მუნიციპალიტეტის სოფელ ბუკნარში ქრისტიან და მუსლიმ თემს შორის ურთიერთობა 2020 წლის დეკემბერში დაიძაბა და გამწვავდა 2021 წლის იანვარში,¹⁰⁵ მაგრამ დაპირისპირებას უფრო ადრეული კონტექსტი აქვს. კერძოდ, 2012 წელს მუსლიმმა თემმა ბუკნარში ჯამეს (სალოცავი სივრცის) მოსაწყობად მიმართა ჩოხატაურის მუნიციპალიტეტს, რომელმაც თემს ოფიციალური პასუხი არ გასცა.¹⁰⁶ ჯერ კიდევ მაშინ მართლმადიდებელი მოსახლეობა მეჩეთის მშენებლობას შეეწინააღმდეგა, რადგან, მათი აზრით, დაუშვებელი იყო „ქართულ მიწაზე“ მეჩეთის აგება.¹⁰⁷ მაშინ მეჩეთი არ აშენდა, ხოლო 2020 წელს მუსლიმმა თემმა სოფელში კერძო სახლი შეიძინა სალოცავი სივრცის მოსაწყობად.¹⁰⁸ 2020 წლის ბოლოს, მას შემდეგ, რაც სოციალურ ქსელში გავრცელდა ინფორმაცია მეჩეთის აშენების სავარაუდო გეგმის შესახებ, ქრისტიანთა თემი ადგილობრივ მუსლიმებს კვლავ დაუპირისპირდა იმავე არგუმენტით, რომ დაუშვებელია „ქართულ მიწაზე“ მეჩეთის აგება.¹⁰⁹ დაპირისპირება რამდენჯერმე გადაიზარდა ფიზიკურ

¹⁰³ იხ: <https://cutt.ly/vTHWAGD> [უკანასკნელად ნანახია 24.11.2021]; იხ: <https://cutt.ly/BTHWJqn> [უკანასკნელად ნანახია 24.11.2021].

¹⁰⁴ საქართველოს საკონსტიტუციო სასამართლოს 2015 წლის 28 მაისის N1/3/547 გადაწყვეტილება საქმეზე „საქართველოს მოქალაქეები - უჩა ნანუაშვილი და მიხეილ შარაშიძე საქართველოს პარლამენტის წინააღმდეგ“, II - 2

¹⁰⁵ <https://socialjustice.org.ge/ka/products/buknari-kidev-erti-religiuri-konfliktis-advili> [უკანასკნელად ნანახია 24.11.2021].

¹⁰⁶ <https://socialjustice.org.ge/ka/products/buknari-kidev-erti-religiuri-konfliktis-advili> [უკანასკნელად ნანახია 24.11.2021].

¹⁰⁷ <https://socialjustice.org.ge/ka/products/buknari-kidev-erti-religiuri-konfliktis-advili> [უკანასკნელად ნანახია 24.11.2021].

¹⁰⁸ <https://socialjustice.org.ge/ka/products/buknari-kidev-erti-religiuri-konfliktis-advili> [უკანასკნელად ნანახია 24.11.2021].

¹⁰⁹ <https://socialjustice.org.ge/ka/products/buknari-kidev-erti-religiuri-konfliktis-advili> [უკანასკნელად ნანახია 24.11.2021]; <https://gdi.ge/ge/news/ngo-statement-14-01-2021.page> [უკანასკნელად ნანახია 24.11.2021].

შეურაცხყოფაში, შედეგად კი დაშავდა რამდენიმე მუსლიმი.¹¹⁰ საბოლოოდ, გავრცელებული ინფორმაციით, მედიაციის შემდეგ რელიგიური დაპირისპირება შერიგებით დასრულდა და კონფლიქტი ამოწურულა.¹¹¹

სახელმწიფოს პოზიტიური ვალდებულება,¹¹² რომ თავიდან აიცილოს და აღკვეთოს ღვისმსახურებისათვის ხელშეშლა და უზრუნველყოს მუსლიმი თემის მიერ რელიგიის თავისუფლების რეალიზაცია. სამწუხაროდ, ბუკნარის კონფლიქტი არ არის მუსლიმ მოსახლეობასთან დაპირისპირებისა და მისი უფლებების დარღვევის პირველი შემთხვევა. კერძოდ, 2012-დან 2016 წლის ჩათვლით, სხვადასხვა ადგილას დაფიქსირდა 8 მსგავსი ინციდენტი, რომლებიც ასევე ეფუძნებოდა „ქართულ მიწაზე“ ისლამური სალოცავების დაუშვებლობის ისლამოფობიურ/თურქოფობიურ არგუმენტს.¹¹³ სახელმწიფოს ამ კონფლიქტებიდან თითქმის არცერთზე არ ჰქონია ეფექტიანი სამართლებრივი რეაგირება.¹¹⁴ ამ მხრივ, აღსანიშნავია სსიპ რელიგიის საკითხთა სახელმწიფო სააგენტოს არაეფექტური ფუნქციონირება. კერძოდ, „სოფელ ბუკნარში გამოვლენილი კონფლიქტის გადაჭრაში უწყება აქტიური აქტორი არ ყოფილა, მათი მონაწილეობა მედიაციის პროცესში ხილვადი არ იყო“.¹¹⁵ ზოგადად, პრობლემურია სააგენტოს ბუნდოვანი კომპეტენციები, ადამიანის უფლებების პერსპექტივის ნაცვლად უსაფრთხოებაზე დაფუძნებული ხედვა და რეგრესული, საზიანო ინიციატივები.¹¹⁶ შესაბამისად, არც ამ უწყების დაფუძნებით და არც რაიმე სხვა ღონისძიებით ხელისუფლებას ჯერჯერობით არ ჰქონია სათანადო რეაგირება რელიგიის თავისუფლების კუთხით არსებულ სისტემურ პრობლემებზე, რაც ხელს უწყობს სამომავლო კონფლიქტების გაღვივებას.

5.2 დისკრიმინაციული კომენტანტის საათი

2021 წლის 18 მარტს აზერბაიჯანული თემის წევრებმა და აქტივისტებმა ოფიციალურად მიმართეს საქართველოს მთავრობას თხოვნით, რომ 21 მარტს დროებით მოეხსნა გადაადგილების შეზღუდვა, ე.წ. კომენტანტის საათი, რათა მათ თავისუფლად აღენიშნათ

¹¹⁰ <https://socialjustice.org.ge/ka/products/buknari-kidev-erti-religiuri-konfliktis-adgili> [უკანასკნელად ნანახია 24.11.2021]; <https://gdi.ge/ge/news/ngo-statement-14-01-2021.page> [უკანასკნელად ნანახია 24.11.2021].

¹¹¹ <https://netgazeti.ge/news/512283/> [უკანასკნელად ნანახია 24.11.2021].

¹¹² ადამიანის უფლებათა ევროპული სასამართლოს 2014 წლის 7 ოქტომბრის no. 28490/02 გადაწყვეტილება საქმეზე *Begheluri v. Georgia*, §160.

¹¹³ <https://socialjustice.org.ge/ka/products/buknari-kidev-erti-religiuri-konfliktis-adgili> [უკანასკნელად ნანახია 24.11.2021]; <https://gdi.ge/ge/news/ngo-statement-14-01-2021.page> [უკანასკნელად ნანახია 24.11.2021].

¹¹⁴ <https://socialjustice.org.ge/ka/products/buknari-kidev-erti-religiuri-konfliktis-adgili> [უკანასკნელად ნანახია 24.11.2021]; <https://gdi.ge/ge/news/ngo-statement-14-01-2021.page> [უკანასკნელად ნანახია 24.11.2021].

¹¹⁵ <https://socialjustice.org.ge/ka/products/buknari-kidev-erti-religiuri-konfliktis-adgili> [უკანასკნელად ნანახია 24.11.2021]; <https://gdi.ge/ge/news/ngo-statement-14-01-2021.page> [უკანასკნელად ნანახია 24.11.2021].

¹¹⁶ <https://socialjustice.org.ge/ka/products/buknari-kidev-erti-religiuri-konfliktis-adgili> [უკანასკნელად ნანახია 24.11.2021]; <https://gdi.ge/ge/news/ngo-statement-14-01-2021.page> [უკანასკნელად ნანახია 24.11.2021].

ნოვრუზის დღესასწაული.¹¹⁷ საქართველოს მთავრობას იმავე მოთხოვნით მიმართეს სახალხო დამცველმა და მასთან არსებულმა ეროვნული უმცირესობების საბჭომ და იმედი გამოთქვეს, რომ „საქართველოს მთავრობა გაითვალისწინებს და დააკმაყოფილებს საქართველოს მოქალაქეთა ნაწილის თხოვნას, რათა ეთნიკური უმცირესობებს გაუმტკიცდეთ განცდა, რომ სახელმწიფო აღიარებს საქართველოს მოქალაქეთა თანასწორუფლებიანობას, მათი ეროვნული და რელიგიური თავისუფლებების რეალიზაციის თვალსაზრისით“.¹¹⁸ მიუხედავად ამისა, ნოვრუზის აღნიშვნის მიზნით კომენდანტის საათის მოხსნაზე მთავრობამ უარი განაცხადა, მიღებული გადაწყვეტილება კი დააფუძნა ვირუსის გავრცელების მომეტებულ რისკს.¹¹⁹

ხელისუფლების მიერ კორონავირუსის გავრცელების საფრთხეზე აპელირება არადამაჯერებელია იმის გათვალისწინებით, რომ მთავრობის საკოორდინაციო საბჭომ 7 იანვარს შობის აღსანიშნავად გადაადგილების თავისუფლების შეზღუდვა დროებით გააუქმა.¹²⁰ შეზღუდვა გაუქმებული იყო ახალი წლის ღამესაც. მთავრობის მიერ გამონაკლისების დაშვება მხოლოდ იმ დღეებში, როდესაც ეს დომინანტური რელიგიური და ეთნიკური ჯგუფებისთვისაა ხელსაყრელი (1 იანვარი, 7 იანვარი და ა.შ.) და ასეთივე გამონაკლისზე უარის თქმა 25 დეკემბერს შობისა და 21 მარტს ნოვრუზის დღესასწაულებისათვის, მიუთითებს, რომ ხელისუფლება არ განიხილავს რელიგიურ და ეთნიკურ უმცირესობებს თანასწორუფლებიან მოქალაქეებად და უფლებებელყოფს მათ საჭიროებებს.

5.3 პარლამენტის მიერ ეთნიკური უმცირესობების დიასპორად განხილვა

საქართველოს პარლამენტის დიასპორისა და კავკასიის საკითხთა კომიტეტის ბაზაზე შეიქმნა ეროვნული უმცირესობების სამეცნიერო-საკონსულტაციო საბჭო.¹²¹ ზოგადად მისასალმებელია პარლამენტში ეროვნული უმცირესობებისთვის საკონსულტაციო მექანიზმის შექმნა. მიუხედავად ამისა, მოცემულ შემთხვევაში საბჭოს დაფუძნება არ შეესაბამება თანასწორობისა და ინკლუზიურობის პრინციპებს, რადგან მისი შექმნა კონკრეტულად დიასპორისა და კავკასიის საკითხთა კომიტეტის ბაზაზე მიუთითებს, რომ პარლამენტი საქართველოს მოქალაქეებს და საქართველოში ისტორიულად მცხოვრებ ჯგუფებს დიასპორად განიხილავს.¹²² ასეთი მიდგომა ეწინააღმდეგება დემოკრატიული საზოგადოების ღირებულებებს, ტოლერანტობასა და თანასწორობას, რადგან ხელს უშლის ინტეგრაციის პროცესს, ეთნიკური ნიშნით აცალკევებს საქართველოს მოქალაქეებს და იწვევს გაუცხოებისა და გარიყულობის განცდას. გარდა ამისა, საბჭო შეიქმნა

¹¹⁷ <https://www.ombudsman.ge/geo/akhali-ambebi/sakartvelos-sakhalkho-damtsvelis-mimartva-sakartvelos-mtavrobas>

¹¹⁸ <https://cutt.ly/PTLmx80> [უკანასკნელად ნანახია 24.11.2021].

¹¹⁹ <https://tabula.ge/ge/news/664062-sakoordinatsio-sabcho-novruz-bairamisas-erti> [უკანასკნელად ნანახია 24.11.2021].

¹²⁰ <https://tabula.ge/ge/news/664062-sakoordinatsio-sabcho-novruz-bairamisas-erti> [უკანასკნელად ნანახია 24.11.2021]; <https://cutt.ly/PTLmx80> [უკანასკნელად ნანახია 24.11.2021].

¹²¹ <https://gdi.ge/ge/news/statement-17-03-2021.page> [უკანასკნელად ნანახია 24.11.2021].

¹²² <https://gdi.ge/ge/news/statement-17-03-2021.page> [უკანასკნელად ნანახია 24.11.2021].

უმცირესობათა ჯგუფების მონაწილეობისა და ექსპერტებთან კონსულტაციის გარეშე.¹²³ რაც ეწინააღმდეგება საერთაშორისო სტანდარტს, რომლის თანახმად, „საკონსულტაციო საბჭოების საქმიანობა უნდა იყოს ღია და გამჭვირვალე, მისი შემადგენლობა და შემადგენლობის შედგენის წესი უნდა განისაზღვრებოდეს დემოკრატიულად, უმცირესობათა მაღალი ჩართულობით და წარმომადგენლობით“.¹²⁴

5.4 ჰომოფობია

2021 წლის 15 მაისს ჰომოფობიასთან და ტრანსფობიასთან ბრძოლის საერთაშორისო დღესთან დაკავშირებით ლგბტ+ აქტივისტების მიერ მოწყობილი ინსტალაცია დააზიანა და აქტივისტები სიტყვიერად შეურაცხყო ულტრანაციონალისტური განწყობებით ცნობილმა გურამ ფალავანდიშვილმა.¹²⁵ პოლიციამ ფალავანდიშვილი მხოლოდ განარიდა მიმდებარე ტერიტორიას,¹²⁶ მანამდე კი შსს-მ ჰომოფობიასთან და ტრანსფობიასთან ბრძოლის საერთაშორისო დღესთან დაკავშირებით განაცხადა, რომ „უზრუნველყოფს როგორც საზოგადოებრივი უსაფრთხოებისა და წესრიგის დაცვას, ასევე, თითოეული ადამიანის გამოხატვის თავისუფლებას, რომელიც არ გასცდება კანონით დასაშვებ ფარგლებს. ნებისმიერ სხვა ქმედებას, რომელიც საფრთხეს შეუქმნის მოქალაქეთა უსაფრთხოებასა და ჯანმრთელობას, პოლიციის მხრიდან მოჰყვება შესაბამისი რეაგირება“.¹²⁷ ამ განცხადების საპირისპიროდ, 15 მაისის ინციდენტი მიანიშნებს შსს-ს არასაკმარის ძალისხმევაზე, რომ თავიდან აიცილოს და აღკვეთოს ჰომოფობიით მოტივირებული სამართალდარღვევები/დანაშაულები.¹²⁸ ამასთანავე, 15 მაისს მომხდარ ჰომოფობიურ შემთხვევაზე გამოძიებას ამ დრომდე არ ჰქონია ხელშესახები შედეგები და არავინ არ დაუკავებიათ.

გარდა ამისა, აღსანიშნავია 24 მაისს რესპუბლიკის მოედანზე გამართული აქციისას მომხდარი ჰომოფობიური თავდასხმა - გურამ ფალავანდიშვილის შვილმა, ალექსანდრე ფალავანდიშვილმა და მისმა თანმხლებმა პირებმა სიტყვიერად შეურაცხვეს სამოქალაქო აქტივისტები იმ საბაზით, რომ ერთ-ერთ აქტივისტს ცისარტყელის ფერების სამკლავური ეკეთა.¹²⁹ მიუხედავად ამისა, აქციის ადგილიდან პოლიციამ განარიდა არა ფალავანდიშვილი და მისი თანმხლები პირები, არამედ სამოქალაქო აქტივისტები.¹³⁰ რაც

¹²³ <https://gdi.ge/ge/news/statement-17-03-2021.page> [უკანასკნელად ნანახია 24.11.2021].

¹²⁴ სოციალური სამართლიანობის ცენტრი (ყოფილი EMC), ეთნიკური უმცირესობების საკონსულტაციო მექანიზმები - რეალობა საქართველოში და საერთაშორისო გამოცდილება, 2020, გვ. 9-10, იხ: <https://cutt.ly/6TLQup4> [უკანასკნელად ნანახია 24.11.2021].

¹²⁵ <https://cutt.ly/VTLbeug> [უკანასკნელად ნანახია 24.11.2021]; <https://tabula.ge/ge/news/667305-tbilisi-pride-palavandishvili-lgbtk-aktivistebs> [უკანასკნელად ნანახია 24.11.2021].

¹²⁶ <https://tabula.ge/ge/news/667305-tbilisi-pride-palavandishvili-lgbtk-aktivistebs> [უკანასკნელად ნანახია 24.11.2021]; <https://gdi.ge/ge/news/dedaenis-bagshi-homofobiur-niadagze-momxdar-tavdasxma.page> [უკანასკნელად ნანახია 24.11.2021].

¹²⁷ <https://police.ge/ge/shinagan-saqmeta-saministros-gantskhadeba/14626> [უკანასკნელად ნანახია 24.11.2021].

¹²⁸ <https://gdi.ge/ge/news/dedaenis-bagshi-homofobiur-niadagze-momxdar-tavdasxma.page> [უკანასკნელად ნანახია 24.11.2021].

¹²⁹ <https://gdi.ge/ge/news/statement-24-05-2021.page> [უკანასკნელად ნანახია 24.11.2021].

¹³⁰ <https://gdi.ge/ge/news/statement-24-05-2021.page> [უკანასკნელად ნანახია 24.11.2021].

მთავარია, 2021 წლის ივლისში პრაიდის კვირეულის ფარგლებში მომხდარი თავდასხმები წარმოადგენდა ჰომოფობიის ყველაზე მწვავე გამოვლინებას წლის განმავლობაში. კერძოდ, სიძულვილის ჯგუფებმა 1 ივლისს კვირეულის კინოჩვენების მონაწილეებს ესროლეს კვერცხები, ბოთლები და, სავარაუდოდ, ქვები, 3 ივლისს სცადეს ფესტივალის ჩაშლა, ხოლო 5 ივლისს ჩაშალეს „ღირსების მარში“ - თავს დაესხნენ ლგბტ+ თემის წევრებსა და მხარდამჭერებს და მედიის წარმომადგენლებს, დაარბიეს „თბილისი პრაიდის“ ოფისი და დააზიანეს მედიის ტექნიკა.¹³¹

ჰომოფობიური აგრესიის ზემოაღნიშნული შემთხვევები ადასტურებს, რომ ხელისუფლება თავს არიდებს სიძულვილის ჯგუფების მიმართ მკაცრი პოლიტიკის განხორციელებასა და მათთვის სამართლებრივი პასუხისმგებლობის დაკისრებას. უფრო მეტიც, ხელისუფლებას არათუ არ აქვს სათანადო რეაქცია ჰომოფობიის საპასუხოდ, არამედ თავად ახალისებს ლგბტ+ თემის წინააღმდეგ სიძულვილს. კერძოდ, ხელისუფლების წარმომადგენლებმა არაერთი ჰომოფობიური განცხადება გააკეთეს. თბილისის მერმა, კახა კალაძემ, მაგალითად, პრაიდის კვირეულის ჩატარებას უწოდა მიზანშეუწონელი,¹³² ხოლო მმართველი პარტიის თავმჯდომარე ირაკლი კობახიძემ განაცხადა, რომ „სრული კონტექსტის გათვალისწინებით, ამ ადამიანებს უარი უნდა ეთქვათ ამ ღონისძიების ჩატარებაზე“,¹³³ საქართველოს პარლამენტის თავმჯდომარის მოადგილე დავით სერგეენკომ კი ჟურნალისტებს შემდეგი პასუხი გასცა: „რაც შეეხება უფრო ხმამაღლა გამოხატვას, არ ვიცი, საზოგადოების სხვა ნაწილსაც უნდა შეეკითხონ ალბათ და მაინცდამაინც კონფრონტაციაზე არ უნდა წავიდნენ. არავინ არ უშლის არაფერში ხელს, უბრალოდ, რაღაც უფრო ნაკლები ენთუზიაზმით ჯობია“.¹³⁴ ხოლო პრემიერ-მინისტრმა „ღირსების მარშის“ ჩაშლის შემდეგ განაცხადა: „როდესაც ჩვენი მოსახლეობის 95 % არის წინააღმდეგი დემონსტრაციულად პროპაგანდისტული მარშის თუ ალღუმის ჩატარების, ამას, მეგობრებო ყველანი უნდა დავემოჩილოთ. ეს არის ჩვენი მოსახლეობის აბსოლუტური უმრავლესობის აზრი და ჩვენ როგორც ხალხის მიერ არჩეული ხელისუფლება ვართ იძულებული რომ ამას ანგარიში გავუწიოთ...“¹³⁵ შესაბამისად, ჰომოფობიასა და ტრანსფობიასთან ბრძოლის ნაცვლად, ხელისუფლება თავად აძლიერებს ლგბტ+ თემის წინააღმდეგ მტრულ გარემოს.

6. ბავშვთა უფლებები

მიუხედავად იმისა, რომ ბავშვების ინსტიტუციური ზრუნვის მეთოდები საკმაოდ მოძველებული და არაეფექტიანია, საქართველოში შემორჩენილია დიდი ზომის ბავშვთა სახლები. ბავშვთა უფლებების დარღვევის ფაქტები საკმაოდ ხშირია ამგვარ დაწესებულებებში, რომელთაგან 2015 წლიდან განსაკუთრებულ ყურადღებას იქცევს ნინოწმინდის მუნიციპალიტეტის ბავშვთა სახლი.¹³⁶ კერძოდ, სახალხო დამცველმა წლების

¹³¹ საქართველოს დემოკრატიული ინიციატივა, 05.07.21 მარში ღირსების გარეშე, გვ. 10-16, იხ: <https://gdi.ge/uploads/other/1/1384.pdf> [უკანასკნელად ნანახია 04.12.21].

¹³² <https://www.radiotavisupleba.ge/a/31331499.html> [უკანასკნელად ნანახია 24.11.2021].

¹³³ <https://cutt.ly/CTLbBN4> [უკანასკნელად ნანახია 24.11.2021].

¹³⁴ <https://cutt.ly/RTLQHf0> [უკანასკნელად ნანახია 24.11.2021].

¹³⁵ <https://www.radiotavisupleba.ge/a/31354085.html> [უკანასკნელად ნანახია 24.11.2021].

¹³⁶ საქართველოს სახალხო დამცველის ანგარიში, ბავშვთა უფლებრივი მდგომარეობა საქართველოს

განმავლობაში არაერთხელ აღნიშნა, რომ „ნინოწმინდის წმინდა ნინოს ბავშვთა პანსიონში განხორციელებულმა მონიტორინგებმა გამოკვეთა ბავშვთა მიმართ ძალადობის მწვავე ფაქტები და ბავშვების დასჯის შემთხვევები. პანსიონში მცხოვრები არასრულწლოვნები ფაქტიურად იზოლირებულები არიან სოციუმიდან და პრობლემურია მათი ინდივიდუალური საჭიროებების დაკმაყოფილების საკითხი“¹³⁷.

საპატრიარქოს დაქვემდებარებაში არსებული ბავშვთა პანსიონატის ხელმძღვანელის, მეუფე სპირიდონის გავლენით სოციალურ მუშაკებს დაწესებულებაში 2020 წლის ივნისის შემდეგ არ უშვებდნენ.¹³⁸ ასევე, 2021 წლის 15 აპრილს საქართველოს სახალხო დამცველის მონიტორინგის ჯგუფს არ მისცეს სამსახურებრივი მოვალეობის შესრულების საშუალება - არ შეუშვეს ბავშვთა სახლში.¹³⁹ 19 მაისს სახალხო დამცველის რწმუნებულებს კვლაც არ მიეცათ მონიტორინგის განხორციელების შესაძლებლობა.¹⁴⁰ მომდევნო დღეებში მეუფე სპირიდონმა გაავრცელა ვიდეომიმართვა, რომელშიც სახალხო დამცველის დისკრედიტაციას შეეცადა¹⁴¹. ასევე, 4 ივნისს მეუფე სპირიდონის საერო სახელით (გოჩა აბულაძე) დარეგისტრირებულმა ფეისბუქმომხმარებელმა სოციალურ ქსელში გამოაქვეყნა ლაივ-ვიდეოები, რომლებშიც ბავშვებს ეკითხება, სურთ თუ არა პანსიონიდან წასვლა¹⁴². ვიდეოებში ჩანს, რომ ბავშვები დათრგუნულები არიან, ერთი მათგანი კი - ტირის.¹⁴³

დიდი ზომის დაწესებულებებში მცხოვრები ბავშვების უფლებების დაცვის მიზნით, ორგანიზაციამ *პარტნიორობა ადამიანის უფლებებისთვის* (PHR), „თბილისის საქალაქო სასამართლოს, 2021 წლის 19 აპრილს, დროებით განჩინების გამოცემის შუამდგომლობით მიმართა და მოითხოვა, სახალხო დამცველის წარმომადგენლებისთვის ნინოწმინდის პანსიონატში ეფექტური მონიტორინგის განხორციელების შესაძლებლობის მიცემა“¹⁴⁴. 7 მაისს გაეროს ბავშვთა უფლებათა კომიტეტმა დროებითი ზომები მიიღო და ხელისუფლება დაავალდებულა შესაბამისი უფლებამოსილების მქონე ორგანოების მიერ ნინოწმინდის პანსიონში ბავშვთა უფლებრივი მდგომარეობის შემოწმების უზრუნველყოფა¹⁴⁵, თუმცა სახალხო დამცველს ბავშვთა სახლში 28 ივნისამდე არ უშვებდნენ,¹⁴⁶ რაზეც სახელმწიფოს სათანადო რეაგირება არ ჰქონია¹⁴⁷. 2 ივნისს ნინო ლომჯარიამ აღნიშნულ საკითხზე განცხადებაში აღნიშნა, რომ უკანასკნელი 5 წლის

მართლმადიდებელი ეკლესიისა და მუსლიმური კონფესიის დაქვემდებარებაში არსებულ ბავშვთა პანსიონებში, 2015, იხ: <https://www.ombudsman.ge/res/docs/2019040514142996306.pdf> [უკანასკნელად ნანახია 05.12.2021].

¹³⁷ <https://cutt.ly/6Yg5cpa> [უკანასკნელად ნანახია 05.12.2021].

¹³⁸ <https://cutt.ly/6Yg5cpa> [უკანასკნელად ნანახია 05.12.2021].

¹³⁹ <https://www.radiotavisupleba.ge/a/31211095.html> [უკანასკნელად ნანახია 05.12.2021]; <https://cutt.ly/6Yg5cpa> [უკანასკნელად ნანახია 05.12.2021].

¹⁴⁰ <https://cutt.ly/LYg5DkI> [უკანასკნელად ნანახია 05.12.2021].

¹⁴¹ <https://www.youtube.com/watch?v=1YPy-ELrPzo> [უკანასკნელად ნანახია 05.12.2021].

¹⁴² <https://www.radiotavisupleba.ge/a/31290919.html> [უკანასკნელად ნანახია 05.12.2021].

¹⁴³ <https://www.radiotavisupleba.ge/a/31290919.html> [უკანასკნელად ნანახია 05.12.2021].

¹⁴⁴ <https://www.phr.ge/search/245> [უკანასკნელად ნანახია 05.12.2021].

¹⁴⁵ <https://netgazeti.ge/news/545809/> [უკანასკნელად ნანახია 05.12.2021]; <https://cutt.ly/LYg5DkI> [უკანასკნელად ნანახია 05.12.2021].

¹⁴⁶ <https://cutt.ly/XYg5BbE> [უკანასკნელად ნანახია 05.12.2021].

¹⁴⁷ <https://cutt.ly/LYg5DkI> [უკანასკნელად ნანახია 05.12.2021].

განმავლობაში, პანსიონატში არასრულწლოვნების მიმართ სავარაუდო ძალადობის ფაქტებზე, მათ შორის, სავარაუდო გაუპატიურების ფაქტზე, ოთხი სისხლის სამართლის საქმის გამოძიება იყო დაწყებული.¹⁴⁸

მეუფე სპირიდონმა პანსიონის კარი უფლებადამცველებს და მედიის წარმომადგენლებს ჩაუკეტა, თუმცა დაწესებულებაში პრორუსული ორგანიზაციის წარმომადგენლები შეუშვა¹⁴⁹.

ამ საკითხს არასამთავრობო ორგანიზაციებიც გამოეხმაურნენ. 3 ივნისს „კოალიცია თანასწორობისთვის“ შემავალმა ორგანიზაციებმა განაცხადეს, რომ „ნინოწმინდის პანსიონატთან დაკავშირებით მიმდინარე მოვლენები საგანგაშოა და სახელმწიფოსგან დაუყოვნებელ, მკაცრ რეაგირებას საჭიროებს“¹⁵⁰. 5 ივნისს PHR-ის სარჩელის საფუძველზე, სასამართლოს გადაწყვეტილებით, ნინოწმინდის პანსიონი დაუყოვნებლივ უნდა დატოვებინა თითოეულ ბავშვს¹⁵¹. მეორე დღესვე, ნინოწმინდის პანსიონიდან გადაიყვანეს 20 არასრულწლოვანი, მათ შორის, 7 შეზღუდული შესაძლებლობების მქონე პირი¹⁵². 28 ივნისს, სახალხო დამცველი ნინო ლომჯარია ომბუდსმენის აპარატის რამდენიმე თანამშრომელთან და ბავშვთა ფსიქოლოგთან ერთად პანსიონატში მივიდა და პანსიონის ახლადდანიშნულ ხელმძღვანელს, მეუფე იაკობს შეხვდა¹⁵³. სახალხო დამცველის ვიზიტის შემდეგ პანსიონის მმართველმა განაცხადა, რომ უწყების კარი ღიაა და გათვალისწინებული იქნება ყველა რეკომენდაცია¹⁵⁴.

2021 წლის 12 ნოემბრის მონაცემებით, პანსიონში, სადაც 56 ბენეფიციარი ცხოვრობდა¹⁵⁵, რჩება 15 აღსაზრდელი.¹⁵⁶

ნინოწმინდის პანსიონში მიმდინარე მოვლენებმა ცხადყო, თუ რამდენად პრობლემურია ბავშვთა ინსტიტუციურ დაწესებულებებში არსებული ვითარება. აღნიშნული ტიპის დაწესებულებებში ბავშვების უფლებები სისტემურად ირღვევა, სახელმწიფოს მხრიდან არასაკმარისი რეაგირება და საერთაშორისო ორგანიზაციების მოწოდებების არასათანადოდ გათვალისწინება კი მიანიშნებს სახელმწიფოს მიერ კონსტიტუციური და საერთაშორისო ვალდებულებების შესრულების მიმართ ეკლესიის გაუმართლებელ გავლენაზე.

7. პანდემია და ადამიანის უფლებები

7.1 შეზღუდვების კონსტიტუციურობა

¹⁴⁸ <https://netgazeti.ge/news/545809/> [უკანასკნელად ნანახია 05.12.2021]; <https://cutt.ly/LYg50LN> [უკანასკნელად ნანახია 05.12.2021].

¹⁴⁹ <https://formulanews.ge/News/51316> [უკანასკნელად ნანახია 05.12.2021].

¹⁵⁰ <https://gdi.ge/ge/news/koalicia-03-06-2021.page> [უკანასკნელად ნანახია 05.12.2021].

¹⁵¹ <https://www.radiotavisupleba.ge/a/31291976.html> [უკანასკნელად ნანახია 05.12.2021].

¹⁵² <https://www.radiotavisupleba.ge/a/31293193.html> [უკანასკნელად ნანახია 05.12.2021].

¹⁵³ <https://cutt.ly/TYgzhfF> [უკანასკნელად ნანახია 05.12.2021].

¹⁵⁴ <https://www.radiotavisupleba.ge/a/31330260.html> [უკანასკნელად ნანახია 05.12.2021].

¹⁵⁵ <https://www.radiotavisupleba.ge/a/31330260.html> [უკანასკნელად ნანახია 05.12.2021].

¹⁵⁶ <https://cutt.ly/VYhwS38> [უკანასკნელად ნანახია 05.12.2021].

2021 წელს სახელმწიფოს მიერ Covid-19-ის გავრცელების პრევენციისთვის 2020 წელს ამოქმედებული და ძალაში დატოვებული, ასევე ახლად ამოქმედებული იძულებითი ზომების ეფექტიანობა და მისი თავსებადობა ადამიანის უფლებების დაცვის საერთაშორისო და კონსტიტუციურ სტანდარტებთან მნიშვნელოვანი კითხვის ნიშნის ქვეშ იდგა.

მიუხედავად იმისა, რომ 2021 წელს ხელისუფლებას საქართველოს კონსტიტუციით რეგლამენტირებული „საგანგებო მდგომარეობა“ არ გამოუცხადებია, მთავრობის დადგენილებაში განსაზღვრული რეგულაციებით, რომელიც ინტენსიურად ზღუდავდა რიგი კონსტიტუციური ნორმებით დაცულ უფლებრივ სფეროებს, სახელმწიფოში შექმნილი იყო De Facto „საგანგებო მდგომარეობა“, მისთვის დამახასიათებელი ნიშნებით:

- ე.წ. „კომენდანტის საათი“ გადაადგილების თავისუფლების მასობრივი და გრძელვადიანი შეზღუდვა.
- პერიოდულად, საქალაქთაშორისო და მუნიციპალური ტრანსპორტით სარგებლობის სრული აკრძალვა.
- პერიოდულად, კვების ობიექტების, სასტუმროების და სხვა ეკონომიკური მნიშვნელობის მქონე ობიექტების ოპერირების სრული აკრძალვა/ინტენსიური შეზღუდვა.
- სახმელეთო საზღვრის ჩაკეტვის შესაღებ მიღებული გადაწყვეტილების ძალაში დატოვება და სხვ.¹⁵⁷

მსგავსი ხასიათისა და მასშტაბის მქონე შეზღუდვების სპეციალური კონსტიტუციური რეჟიმით - „საგანგებო მდგომარეობით“ რეგლამენტირების აუცილებლობა განპირობებულია პოლიტიკურ ლეგიტიმაციასთან დაკავშირებულ გამოწვევებზე საპასუხოდ და ხელისუფლების მოქმედების ჩარჩოს დადგენით მისი ანგარიშვალდებულების უზრუნველსაყოფელად. მიუხედავად ამისა, 2021 წელს „საგანგებო მდგომარეობა“ საქართველოში არ გამოცხადებულა, რაც კიდევ უფრო დაუსაბუთებელს ხდის დაწესებული შეზღუდვების მიზანშეწონილობასა და კანონიერებას.

სამოქალაქო სექტორისა და ადგილობრივი არასამთავრობო ორგანიზაციების შეფასებით, არსებული შეზღუდვები ლახავდა ფორმალური და მატერიალური კონსტიტუციურობის მოთხოვნებს.¹⁵⁸ კერძოდ, საქართველოს კონსტიტუციის თანახმად, კონსტიტუციურ უფლებებში ჩარევა უნდა განხორციელდეს საკანონმდებლო ორგანოს მიერ მიღებული ნორმატიული აქტით, თუმცა ზემოაღნიშნული შეზღუდვები, რომელიც ზღუდავდა გადაადგილების, მეწარმეობის თავისუფლების, საკუთრების და სხვა უფლებებს,

¹⁵⁷ <https://cutt.ly/pYgMKSY> [უკანასკნელად ნანახია 05.12.2021].

¹⁵⁸ <https://osgf.ge/demokratia-da-adamianis-uflebebi-pandemiis-da-sagangebo-mdgomareobis-pirobebshi-2/> [უკანასკნელად ნანახია 05.12.2021].

განსაზღვრული იყო აღმასრულებელი ხელისუფლების აქტივ- მთავრობის დადგენილებით.¹⁵⁹

გარდა ამისა, არადამაჯერებელი და ბუნდოვანი იყო ხელისუფლების პოზიცია ეკონომიკური დატვირთვის მქონე ობიექტების ბლანკეტური შეზღუდვების მიზანშეწონილობასთან დაკავშირებით. საქართველოს საკონსტიტუციო სასამართლოს მიერ დადგენილი სტანდარტის თანახმად, კონსტიტუციურ უფლებაში ჩარევის მართლზომიერების შეფასების ერთ-ერთი კოპონენტია იმის განსაზღვრა, სახელმწიფოს ჰქონდა თუ არა შესაძლებლობა უფლების უფრო ნაკლებად მზღუდავი საშუალებით მიეღწია დასახული ლეგიტიმური მიზნებისთვის.¹⁶⁰ გაუგებარია თუ სოციალური დისტანციის დაცვისა და პირბადის ტარების მკაცრი მოთხოვნის პირობებში რატომ უნდა აკრძალულიყო სრულად საზოგადოებრივი ტრანსპორტისა და რიგი ეკონომიკური დატვირთვის მქონე ობიექტების ოპერირება.

მეტიც, უფლებრივი თვალსაზრისით ლეგიტიმური კითხვები არსებობს დაპირისპირებულ კანონიერ ინტერესებს შორის გონივრულ ბალანსის პოვნასთან დაკავშირებით. კერძოდ, პასუხგაუცემელია კითხვა: მუნიციპალური და ქალაქთმორისი გადაადგილების, ეკონომიკური ობიექტების ოპერირების სრული აკრძალვით, რამაც საზოგადოების დაბალ და საშუალო სოციალურ ფენებში, პრაქტიკულად, ეკონომიკური აქტივობების გაუქმება გამოიწვია, მიღებული ზიანი ხომ არ აღემატება იმ სარგებელს, რომელიც ამ აკრძალვების შედეგად რეალიზდა? საბოლოო ემპირიული მონაცემები ცალსახას ხდის, რომ ამ კითხვაზე პასუხი უარყოფითია და ხელისუფლების მიერ დადგენილი მძიმე რეგულაციები პანდემიასთან გამკლავების პროცესში ეფექტიანობის დაბალი ხარისხით გამოირჩეოდა.

მიმდინარე სტატისტიკური მონაცემების თანახმად, COVID-19 - ით გამოწვეული სიკვდილიანობის ნიშნით (ერთ სულ მოსახლეზე) საქართველო მსოფლიოს ქვეყნების რიგში მე-8 ადგილზეა¹⁶¹, რაც ცალსახად მიანიშნებს იმაზე, რომ ხანგრძლივი და ბლანკეტური შეზღუდვები არც ლეგიტიმური მიზნის, საზოგადოებრივი ჯანმრთელობის უზრუნველყოფის, მიღწევის ეფექტური საშუალება არ ყოფილა.

7.2 შერჩევითი სამართლიანობა პანდემიის მართვის დროს

2021 წელს პანდემიის მართვასთან დაკავშირებული მასშტაბური და ბლანკეტური რეგულაციების აღსრულების პროცესში გამოიკვეთა აღმასრულებელი ხელისუფლების წარმომადგენლების მხრიდან დისკრეციის არაკეთილსინდისიერად განხორციელება და შერჩევითი სამართლიანობის პრინციპით ხელმძღვანელობის არაერთი მაგალითი.

შერჩევით სამართლიანობასთან დაკავშირებული ერთ-ერთი თვალსაჩინო მაგალითია საქართველოს პრემიერ მინისტრის, ირაკლი ღარიბაშვილის, მიერ 2021 წლის 7 აგვისტოს ხალხმრავალ სუფრაზე „ქეიფი“ იმ პირობებში, როდესაც საქართველოს მთავრობის

¹⁵⁹ იზოლაციისა და კარანტინის წესის დამტკიცების შესახებ საქართველოს მთავრობის 2020 წლის 23 მაისის №322 დადგენილება.

¹⁶⁰ საქართველოს საკონსტიტუციო სასამართლოს 2012 წლის 26 ივნისის N3/1/512 გადაწყვეტილება საქმეზე „დანის მოქალაქე ჰეიკე ქრონქვისტი საქართველოს პარლამენტის წინააღმდეგ“, II-60.

¹⁶¹ <https://coronavirus.jhu.edu/data/mortality> [უკანასკნელად ნანახია 05.12.2021].

დადგენილებით აკრძალული იყო 10-ზე მეტი ფიზიკური პირის ისეთი თავშეყრა, რომელიც დაკავშირებულია საზოგადოებაში დამკვიდრებულ სოციალურ ღონისძიებებთან.¹⁶² კანონმდებლობის აღსრულებაზე პასუხისმგებელი ორგანოების უმოქმედობა და უმაღლესი სახელმწიფო პოლიტიკური თანამდებობის პირის მიერ კანონის უზენაესობის პრინციპის დემონსტრაციულად შელახვა საზოგადოებაში ნიჰილიზმის გაღვივებას უწყობს ხელს.

პანდემიის მართვასთან დაკავშირებული რეგულაციების აღსრულების პროცესში შერჩევითი სამართლიანობის პრობლემას მწვავედ უსვამს ხაზს ხელისუფლების მიერ ქრისტიანული ავტოკეფალური მართლმადიდებელი ეკლესიის, სხვა რელიგიური ორგანიზაციებისგან განსხვავებულ, პრივილეგირებულ სამართლებრივ მდგომარეობაში ჩაყენება.

ქრისტიანული ეკლესიების ნაწილი აღდგომის დღესასწაულს 2021 წლის 4 აპრილს აღნიშნავდა. ხელისუფლებამ, მიუხედავად მრევლის მოთხოვნისა, არ დაუშვა გამონაკლისი ღამის საათებში გადაადგილების შეზღუდვის მოხსნასთან დაკავშირებით მაშინ, როდესაც განსხვავებული წესი მოქმედებდა 2021 წლის 2 მაისს, როდესაც საქართველოს მართლმადიდებელი ეკლესია აღნიშნავდა აღდგომის დღესასწაულს. მთავრობის გადაწყვეტილებით, სააღდგომო ლიტურგიასთან დაკავშირებით, გადაადგილებაზე დაწესებული შეზღუდვა საგამონაკლისო ცვლილებას დაექვემდებარა. ანალოგიურად, ხელისუფლებამ შერჩევითი და დისკრიმინაციული მიდგომა წარმოაჩინა, როდესაც გადაადგილების აკრძალვიდან გამონაკლისი მართლმადიდებელი მოსახლეობისთვის დაუშვა 7 იანვარს შობის აღსანიშნავად, მაგრამ იგივე გამონაკლისზე უარი თქვა აზერბაიჯანული თემის წევრებისათვის, 21 მარტს ნოვრუზის აღსანიშნავად (იხ. მე-5 თავი).

7.3 ადმინისტრაციული პასუხისმგებლობისგან დისკრიმინაციულად გათავისუფლება

სახელმწიფოს მიერ გამოვლენილი შერჩევითი სამართლიანობის თვალსაჩინო მაგალითია პანდემიის პრევენციისკენ მიმართული რეგულირებების დარღვევის გამო სახდელდადებული პირების დისკრიმინაციული გათავისუფლება პასუხისმგებლობისგან. 2020 წლის 24 ივნისს საქართველოს პრემიერ-მინისტრმა, ირაკლი ღარიბაშვილმა განაცხადა, რომ საქართველოს პარლამენტს წარედგინა ორი კანონპროექტი პანდემიის პერიოდში დაწესებული რეგულაციების დარღვევისთვის ადმინისტრაციული სახდელისგან პირთა გარკვეული ჯგუფის გათავისუფლების შესახებ.¹⁶³ პრემიერ მინისტრის ინიციატივა გააკრიტიკეს სამოქალაქო სექტორის წარმომადგენლებმა. მათი განცხადებით, ეს იყო წინასაარჩევნო, ელექტორალური სიმპატიების ფორმირების მიზნით გაკეთებული განცხადება, რომელიც ლახავდა თანასწორობის უფლებას იმ პირთა მიმართ, რომლებმაც პანდემიასთან დაკავშირებული რეგულაციების დარღვევის გამო უკვე გადაიხადეს ადმინისტრაციული სახდელი. ასევე, მსგავსი მიდგომა ავლდენდა

¹⁶² <https://formulanews.ge/News/54862> [უკანასკნელად ნანახია 05.12.2021].

¹⁶³ <https://cutt.ly/2YgMQCC> [უკანასკნელად ნანახია 05.12.2021].

სახელმწიფოს არათანმიმდევრულობასა და არაეფექტიანობას პანდემიის მართვის პროცესში.¹⁶⁴

მიუხედავად კონსტიტუციურ სამართლებრივი და მორალური ნაკლოვანებებისა „ადმინისტრაციული სახდელისგან გათავისუფლების შესახებ“ საქართველოს კანონი ძალაში შევიდა 2021 წლის 9 სექტემბერს და მისი მოქმედება გავრცელდა მხოლოდ 2021 წლის 23 ივნისამდე ჩადენილ იმ სამართალდარღვევებზე, რომლებიც 2021 წლის 9 სექტემბრის მოცემულობით არ იყო აღსრულებული. უფლება თანასწორ მოპყრობაზე დაცულია საქართველოს კონსტიტუციის მე-11 მუხლის მიხედვით, რომლის თანახმადაც კონკრეტულ ურთიერთობასთან მიმართებით არსებითად მსგავს პირებს სახელმწიფო უნდა მოეპყრას თანასწორად, ხოლო თუკი იგი ახდენს დიფერენციაციას, იგი უნდა იყოს გამართლებული დაცვის ღირსი ლეგიტიმური ინტერესებით.

კანონის ძალაში შესვლის დღიდან აღსრულების ეროვნულმა ბიურომ შეწყვიტა წარმოება საქმეებზე, რომელიც ეხებოდა პანდემიასთან დაკავშირებული რეგულირებების დარღვევისთვის სახდელდადებულ პირებს და ამდენად, უფლებრივად პრივილეგირებულ მდგომარეობაში აღმოჩნდნენ პირები, რომლებმაც 2021 წლის 23 ივნისამდე ჩაიდინეს ზემოაღნიშნული სამართალდარღვევა, თუმცა ობიექტური თუ სუბიექტური ფაქტორების გამო არ გადაუხდიათ სახდელი, განსხვავებით იმ პირებისგან, რომლებსაც ანალოგიური ქმედებებისთვის კანონის ძალაში შესვლის მომენტიდან სახდელი გადახდილი ჰქონდათ. „ადმინისტრაციული სახდელისგან გათავისუფლების შესახებ“ საქართველოს კანონით შეილახა საქართველოს კონსტიტუციის მე-11 მუხლით გარანტირებული თანასწორობის უფლება, ვინაიდან არსებითად თანასწორ პირთა დიფერენცირება სამართლებრივად დაუსაბუთებლად განხორციელდა.

გარდა ამისა, მოცემულ შემთხვევაში პანდემიის მართვასთან დაკავშირებული რეპრესიული პოლიტიკის გატარებისას სახელმწიფომ გამოავლინა შერჩევითი მართლმსაჯულების ელემენტები, რაც ლახავს სამართლებრივი სახელმწიფოს პრინციპს. ნიშანდობლივია რეპრესიული პოლიტიკის არათანმიმდევრულობის სოციალური ეფექტებიც, ადმინისტრაციული სახდელისგან პირთა გათავისუფლებამ შექმნა ნოყიერი ნიადაგი დაუსაჯელობის სინდრომიდან მომდინარე ნეგატიური ეფექტებისთვის.

8. სამართლიანი სასამართლოს უფლება და მართლმსაჯულება

8.1 უზენაესი სასამართლოს მოსამართლეობის კანდიდატთა შერჩევის პროცესი

2021 წლის 1-ლ აპრილს საერთო სასამართლოების შესახებ ორგანულ კანონით გათვალისწინებულ უზენაესი სასამართლოს მოსამართლეთა შერჩევის წესში, საპარლამენტო ოპოზიციის მონაწილეობის გარეშე, არსებითი ცვლილებები შევიდა.¹⁶⁵ მათ

¹⁶⁴ <https://bm.ge/ka/article/pandemiis-dros-jarimebis-chamowera-mizanshewonili-ar-iy---idfi/87421/> [უკანასკნელად ნანახია 05.12.2021].

¹⁶⁵ „საერთო სასამართლოების შესახებ“ საქართველოს ორგანულ კანონში ცვლილების შეტანის თაობაზე საქართველოს პარლამენტის მიერ 2021 წლის 1 აპრილს მიღებული საქართველოს ორგანული კანონი #447-IVმს-Χმპ, იხ: <https://matsne.gov.ge/ka/document/view/5140642?publication=0> [უკანასკნელად ნანახია 05.12.2021].

შორის გაიწერა იუსტიციის უმაღლესი საბჭოს წევრების მიერ კანდიდატთა შეფასების/მათი გადაწყვეტილების დასაბუთების ვალდებულება და დაემატა იუსტიციის უმაღლესი საბჭოს გადაწყვეტილებების გასაჩივრების მექანიზმი. ამ პერიოდისათვის იუსტიციის უმაღლეს საბჭოს უზენაესი სასამართლოს მოსამართლეობის კანდიდატთა შერჩევის 3 პროცედურა უკვე დაწყებული ჰქონდა და, მათ შორის თითქმის დასრულებული იყო კანდიდატების საჯარო მოსმენა პირველი პროცედურის ფარგლებში. ამასთან, ევროკავშირის მედიაციის შედეგად პოლიტიკურ პარტიათა შორის 2021 წლის 19 აპრილს მიღწეული შეთანხმების მიხედვით,¹⁶⁶ უმაღლესი ინსტანციის სასამართლოს მოსამართლეთა დანიშვნის პროცედურები უნდა შეჩერებულიყო. სწორედ ამის შესახებ გასცა რეკომენდაცია ვენეციის კომისიამ¹⁶⁷ და სხვა საერთაშორისო აქტორებმაც,¹⁶⁸ რათა უზრუნველყოფილიყო, ერთი მხრივ, კანდიდატთა მიმართ თანაბარი მოპყრობა და, მეორე მხრივ, შესრულებულიყო 19 აპრილის შეთანხმების პირობები. თუმცა, შერჩევის პროცედურები იუსტიციის უმაღლეს საბჭოსა და საქართველოს პარლამენტში მაინც გაგრძელდა, რაც მწვავედ გააკრიტიკა არაერთმა საერთაშორისო ორგანიზაციამ თუ აქტორმა.¹⁶⁹

შერჩევის პირველი პროცესი

უზენაესი სასამართლოს მოსამართლეობის კანდიდატთა შერჩევის 2020 წლის 7 ოქტომბერს დაწყებული პირველი პროცედურა 2021 წელს დასრულდა. იგი მოსამართლის 9 ვაკანტურ თანამდებობაზე იყო გამოცხადებული.¹⁷⁰ მასში, საერთო ჯამში, 52 პირი დარეგისტრირდა კანდიდატად, რომელთაგან ნაწილმა საჯარო მოსმენამდე, ნაწილმა კი მის შემდეგ მოხსნა თავისი კანდიდატურა. შედეგად იუსტიციის უმაღლესი საბჭო მხოლოდ 39 კანდიდატს გაესაუბრა და მათგან მხოლოდ 33 კანდიდატი შეფასდა საერთო სასამართლოების შესახებ ორგანული კანონით გათვალისწინებული კრიტერიუმების

¹⁶⁶ https://eeas.europa.eu/delegations/georgia/96787/node/96787_ka [უკანასკნელად ნანახია 05.12.2021]; <https://tabula.ge/ge/news/665950-ra-ceria-sharl-mishelis-mier-mkhareebistvis> [უკანასკნელად ნანახია 05.12.2021].

¹⁶⁷ [https://www.venice.coe.int/webforms/documents/default.aspx?pdffile=CDL-PI\(2021\)007-e](https://www.venice.coe.int/webforms/documents/default.aspx?pdffile=CDL-PI(2021)007-e) [უკანასკნელად ნანახია 05.12.2021].

¹⁶⁸ <https://cutt.ly/nYhi1zA> [უკანასკნელად ნანახია 05.12.2021]; <https://cutt.ly/hYhi5yU> [უკანასკნელად ნანახია 05.12.2021]; <https://tabula.ge/ge/news/669053-degnani-parlamenti-valdebulia-sheacheros> [უკანასკნელად ნანახია 05.12.2021]; <https://tabula.ge/ge/news/667646-iustitsiis-umaghles-sabchosa-uzenaesshi> [უკანასკნელად ნანახია 05.12.2021].

¹⁶⁹ <https://tabula.ge/ge/news/670260-sakhdepi-uzenaesis-mosamartleta-danishvna> [უკანასკნელად ნანახია 05.12.2021];

<https://ge.usembassy.gov/u-s-embassy-statement-on-the-appointment-of-judges/> [უკანასკნელად ნანახია 05.12.2021];

<https://bit.ly/3314row> [უკანასკნელად ნანახია 05.12.2021]; <https://bit.ly/3Idv8q2> [უკანასკნელად ნანახია 05.12.2021]; <https://cutt.ly/hYhojLW> [უკანასკნელად ნანახია 05.12.2021];

<https://netgazeti.ge/news/553462/> [უკანასკნელად ნანახია 05.12.2021].

¹⁷⁰ <http://hcoj.gov.ge/Uploads/2021/2/134.pdf> [უკანასკნელად ნანახია 05.12.2021].

საფუძველზე.¹⁷¹ საბოლოო ჯამში, იუსტიციის უმაღლესმა საბჭომ 2021 წლის 17 ივნისს საუკეთესო შედეგების მქონე 9 კანდიდატი წარუდგინა საქართველოს პარლამენტს.¹⁷²

2021 წლის 6-10 ივლისს საქართველოს პარლამენტის იურიდიულ საკითხთა კომიტეტში იუსტიციის უმაღლესი საბჭოს მიერ წარდგენილი კანდიდატების საჯარო მოსმენები საპარლამენტო ოპოზიციის უმრავლესობის მონაწილეობის გარეშე გაიმართა. 12 ივლისს კი საქართველოს პარლამენტმა რიგგარეშე სესიის პლენარულ სხდომაზე, 19 აპრილის შეთანხმების სულისკვეთების საწინააღმდეგოდ, 6 კანდიდატი¹⁷³ აირჩია უზენაესი სასამართლოს მოსამართლეებად.¹⁷⁴ უნდა აღინიშნოს, რომ ახლად არჩეულ მოსამართლეებს შორის, წარსული პროცესების მსგავსად, კვლავ სასამართლო სისტემაში არსებულ მოსამართლეთა გავლენიან ჯგუფთან ავილირებული პირები იყვნენ, რამაც მმართველ პოლიტიკურ ძალასა და სასამართლო „კლანს“ შორის თანამშრომლობითი ურთიერთობის შესახებ ეჭვები და „კლანის“ გავლენები უზენაეს სასამართლოზე კიდევ უფრო გააძლიერა.

აღნიშნული დანიშვნების მიმართ „ღრმა შეშფოთება“ გამოთქვა აშშ-ს სახელმწიფო დეპარტამენტმა.¹⁷⁵ მისი განცხადებით, ეს დანიშვნები 19 აპრილის შეთანხმებას ეწინააღმდეგებოდა, რომელიც ხელმომწერ მხარეებს უზენაეს სასამართლოში ახალი კანდიდატების დანიშვნის პროცესის შეჩერებას ავალდებულებდა მანამ, სანამ არ გატარდებოდა „ამბიციური სასამართლო რეფორმები“, ინკლუზიური, მრავალპარტიული პროცესის მისაღებად.¹⁷⁶ ეს პროცესი „უკიდურესად იმედგამაცრუებლად“, „საქართველოს მართლმსაჯულების მიმართ ნდობის გაძლიერებისა და ქვეყნის დემოკრატიული განვითარების დაკარგულ შესაძლებლობად“ შეაფასა საქართველოში აშშ-ს საელჩომ.¹⁷⁷ ამ პროცესთან დაკავშირებით განცხადება გაავრცელა, ასევე, ევროკომისიის პრეს-სპიკერმაც, რომელმაც, გარდა იმისა, რომ აღნიშნული დანიშვნები 19 აპრილის შეთანხმებასთან შეუსაბამოდ მიიჩნია, დამატებით იმაზეც მიუთითა, რომ [უზენაესი სასამართლოს მოსამართლეობის კანდიდატთა] „ეს კენჭისყრა საქართველოს ხელისუფლებისთვის [იყო] დაკარგული შესაძლებლობა სასამართლო სისტემის ჭეშმარიტი და ყოვლისმომცველი რეფორმის მიმართ თავისი ერთგულების დამტკიცებისთვის.“¹⁷⁸

აქვე საყურადღებოა, რომ იუსტიციის უმაღლესმა საბჭომ საერთო სასამართლოების შესახებ ორგანული კანონით¹⁷⁹ დადგენილი 2-კვირიანი ვადის დარღვევით, 6

¹⁷¹ <https://bit.ly/3CU2mag> [უკანასკნელად ნანახია 05.12.2021].

¹⁷² <https://bit.ly/3xqJFcY> [უკანასკნელად ნანახია 05.12.2021].

¹⁷³ ეს კანდიდატები არიან: გოჩა აბუსერიძე, გიორგი გოგიაშვილი, ლევან თევზაძე, რევაზ ნადარაია, ბიძინა სტურუა და ლაშა ქოჩიაშვილი

¹⁷⁴ <https://bit.ly/3FRv5hC> [უკანასკნელად ნანახია 05.12.2021].

¹⁷⁵ <https://tabula.ge/ge/news/670260-sakhdepi-uzenaesis-mosamartleta-danishvna> [უკანასკნელად ნანახია 05.12.2021].

¹⁷⁶ <https://tabula.ge/ge/news/670260-sakhdepi-uzenaesis-mosamartleta-danishvna> [უკანასკნელად ნანახია 05.12.2021].

¹⁷⁷ <https://ge.usembassy.gov/u-s-embassy-statement-on-the-appointment-of-judges/> [უკანასკნელად ნანახია 05.12.2021].

¹⁷⁸ . <https://bit.ly/3Idv8q2> [უკანასკნელად ნანახია 05.12.2021].

¹⁷⁹ „საერთო სასამართლოების შესახებ“ საქართველოს ორგანული კანონის 34¹ მუხლის მე-15 პუნქტი.

მოსამართლის არჩევიდან თითქმის 4 თვის შემდეგ შეარჩია და 2021 წლის 12 ნოემბერს საქართველოს პარლამენტს წარუდგინა პირველი პროცესის ფარგლებში დარეგისტრირებულ კანდიდატთა სიიდან 3 კანდიდატი¹⁸⁰ დარჩენილ 3 ვაკანტურ თანამდებობაზე.¹⁸¹ მათი საჯარო მოსმენები საქართველოს პარლამენტის იურიდიულ საკითხთა კომიტეტში 2021 წლის 25-26 ნოემბერს გაიმართა.¹⁸² 2021 წლის 1-ლ დეკემბერს კი ქვეყნის უმაღლესმა საკანონმდებლო ორგანომ სამივე მათგანი უზენაესი სასამართლოს მოსამართლეებად აირჩია.¹⁸³

შერჩევის მეორე პროცესი

2020 წლის 2 ნოემბერს იუსტიციის უმაღლესმა საბჭომ უზენაესი სასამართლოს მეორე პროცედურა დაიწყო უზენაესი სასამართლოს მოსამართლის 1 ვაკანტურ თანამდებობაზე.¹⁸⁴ მის ფარგლებში საჯარო მოსმენები 2021 წლის 28 ივნისიდან 1-ლი ივლისის ჩათვლით მიმდინარეობდა.¹⁸⁵ საყურადღებოა, რომ ამ პერიოდისათვის უფლებამოსილების ვადა ამოწურული ჰქონდა იუსტიციის უმაღლესი საბჭოს 5 არამოსამართლე წევრს, რომლებიც საქართველოს პარლამენტის მიერ იყვნენ არჩეული. შესაბამისად, იუსტიციის უმაღლეს საბჭოში საჯარო მოსმენებზე ნაკლებად გაისმოდა კრიტიკული შეკითხვები.

შერჩევის ამ პროცედურაზე დარეგისტრირებული 22 კანდიდატიდან¹⁸⁶ იუსტიციის უმაღლესი საბჭო მხოლოდ 6-ს¹⁸⁷ გაესაუბრა, აქედან ერთმა - დიმიტრი გვრიტიშვილმა - თავისი კანდიდატურა საჯარო მოსმენის შემდეგ მოხსნა. დარჩენილი 5 კანდიდატიდან იუსტიციის უმაღლესმა საბჭომ 2021 წლის 23 ივლისს საქართველოს პარლამენტს გენადი მაკარიძე წარუდგინა,¹⁸⁸ რომლის საჯარო მოსმენაც საქართველოს პარლამენტის იურიდიულ საკითხთა კომიტეტში 2021 წლის 25 ნოემბერს გაიმართა.¹⁸⁹ 2021 წლის 1-ლ დეკემბერს კი ქვეყნის უმაღლესმა საკანონმდებლო ორგანომ 81 ხმით 5-ის წინააღმდეგ უზენაესი სასამართლოს მოსამართლის თანამდებობაზე გენადი მაკარიძის კანდიდატურას მხარი დაუჭირა.¹⁹⁰

შერჩევის მესამე პროცესი

უზენაესი სასამართლოს მოსამართლეობის კანდიდატთა შერჩევის მესამე პროცესი იუსტიციის უმაღლესმა საბჭომ 2020 წლის 20 ნოემბერს დაიწყო 1 ვაკანტურ

¹⁸⁰ ეს კანდიდატები არიან: თამარ ოქროპირიძე, ნინო სანდოძე და თეა ძიმისტარაშვილი.

¹⁸¹ <https://bit.ly/3lcBIHj> [უკანასკნელად ნანახია 05.12.2021].

¹⁸² <https://bit.ly/32vqWl3> [უკანასკნელად ნანახია 05.12.2021].

¹⁸³ <https://bit.ly/3xR2OFi> [უკანასკნელად ნანახია 05.12.2021].

¹⁸⁴ <https://bit.ly/3cT117K> [უკანასკნელად ნანახია 05.12.2021].

¹⁸⁵ <https://bit.ly/30WJ6vn> [უკანასკნელად ნანახია 05.12.2021].

¹⁸⁶ <http://hcoj.gov.ge/Uploads/2021/2/214-2020.pdf> [ბოლო ნახვა 25.11.2021]

¹⁸⁷ ეს კანდიდატები არიან: ლევან კოკორაშვილი, გენადი მაკარიძე, ნინო ხარიტონაშვილი, თამარ ოქროპირიძე, დიმიტრი გვრიტიშვილი და თამარ ალფაიძე. დარჩენილი კანდიდატებიდან ამ დროისათვის 4 უკვე წარდგენილი იყო უზენაესი სასამართლოს მოსამართლის თანამდებობაზე, ხოლო დანარჩენებმა, სავარაუდოდ, კანდიდატურები მოხსნეს.

¹⁸⁸ <https://bit.ly/3DXWYoi> [უკანასკნელად ნანახია 05.12.2021].

¹⁸⁹ <https://cutt.ly/TYhoN4v> [უკანასკნელად ნანახია 05.12.2021].

¹⁹⁰ <https://bit.ly/3xR2OFi> [უკანასკნელად ნანახია 05.12.2021].

თანამდებობაზე.¹⁹¹ ამ ეტაპზე მის ფარგლებში დარეგისტრირებულ კანდიდატად დაახლოებით 17 პირი რჩება.¹⁹² იუსტიციის საბჭომ მათთან გასაუბრებები 2021 წლის 11 ნოემბერს დაიწყო¹⁹³ და ჯერჯერობით მხოლოდ 5 კანდიდატს¹⁹⁴ მოუსმინა.

8.2 იუსტიციის უმაღლესი საბჭოს წევრების არჩევა

მოსამართლე წევრები

2020-2021 წლებში იუსტიციის უმაღლესი საბჭოს მოსამართლე წევრების შემადგენლობა თითქმის სრულად შეიცვალა. იუსტიციის უმაღლესი საბჭო 8 მოსამართლე წევრიდან 6-მა დატოვა, მათგან 4-ს¹⁹⁵ უფლებამოსილების ვადა ამოეწურა, 2-მა¹⁹⁶ კი განცხადებით მიმართა იუსტიციის საბჭოს უფლებამოსილების ვადამდე ადრე შეწყვეტასთან დაკავშირებით. შესაბამისად, 2021 წელს წარმოქმნილი ვაკანტური თანამდებობების შესავსებად საერთო სასამართლოების მოსამართლეთა კონფერენცია 2-ჯერ ჩატარდა, 26 მაისსა და 31 ოქტომბერს.¹⁹⁷ პირველ მათგანზე მოსამართლეებმა 4 მოსამართლე წევრი - გოჩა აბუსერიძე, ბადრი შონია, თემურ გოგობია და ლევან მიქაბერიძე აირჩიეს,¹⁹⁸ ხოლო 31 ოქტომბრის კონფერენციაზე - 2 წევრი - გიორგი გოგინაშვილი და პაატა სილაგაძე.¹⁹⁹ კონფერენციაზე კვლავ გაგრძელდა წინა წლების მანკიერი ტენდენცია. კერძოდ, იუსტიციის საბჭოს წევრობის არცერთ კანდიდატს არ წარუდგენია მოსამართლეებისათვის სასამართლო სისტემასთან, იქ არსებულ პრობლემებსა და გამოწვევებთან, სისტემის გაუმჯობესებასთან დაკავშირებით ინდივიდუალური ხედვები. თუმცა, ისინი მაინც ხმათა აბსოლუტური უმრავლესობით იქნენ არჩეული თანამდებობაზე. შესაბამისად, ამჟამად იუსტიციის უმაღლესი საბჭო კვლავ მოსამართლეთა „კლანის“ მიერ შერჩეული წევრებისგან შედგება, რომლებიც სწორედ ამ გავლენიანი ჯგუფის პოლიტიკას ატარებენ და დამოუკიდებელი და მიუკერძოებელი სასამართლოს არსებობას ძირს უთხრიან.

საყურადღებოა, რომ 31 ოქტომბრის მოსამართლეთა კონფერენცია ადგილობრივი თვითმმართველობის არჩევნების მეორე ტურის მომდევნო დღეს, ქვეყანაში არსებული მწვავე პოლიტიკური კრიზისის ფონზე გაიმართა, რაც იმგვარ აღქმას ტოვებდა საზოგადოებაში, რომ „კლანი“ ძალაუფლების განმტკიცების სურვილით ნაჩქარევად, არსებული კრიზისის გამოყენებითა და რეფორმების არარსებობის პირობებში ცდილობდა

¹⁹¹ <http://hcoj.gov.ge/Uploads/2021/2/207-2020.pdf> [უკანასკნელად ნანახია 05.12.2021].

¹⁹² მოცემულ შემთხვევაში კანდიდატთა შორის არიან უკვე უზენაესი სასამართლოს მოსამართლე არჩეული 5 პირი და საქართველოს პარლამენტისთვის წარდგენილი 2 პირი. ამასთან, ერთმა კანდიდატმა მოხსნა თავისი კანდიდატურა.

¹⁹³ <https://bit.ly/3nXqAfz> [უკანასკნელად ნანახია 05.12.2021].

¹⁹⁴ ეს კანდიდატები არიან: ბესარიონ ალავიძე, გია ბერაია, ნუგზარ სალია, ამირან ძაბუნძე და თამარ ალანია.

¹⁹⁵ ირაკლი შენგელია, ვასილ მშენიერაძე, ირაკლი ბონდარენკო და დიმიტრი გვრიტიშვილი.

¹⁹⁶ ეს მოსამართლე წევრები იყვნენ თამარ ონიანი და თეა ლეონიძე. მათ მიერ იუსტიციის საბჭოს დატოვების შესახებ, მიუხედავად ინფორმაციის მოპოვების არაერთი მცდელობისა, მხოლოდ უშუალოდ მოსამართლეთა კონფერენციაზე გახდა ცნობილი.

¹⁹⁷ <https://www.supremecourt.ge/news/id/2133> [უკანასკნელად ნანახია 05.12.2021]; <https://www.supremecourt.ge/news/id/2156> [უკანასკნელად ნანახია 05.12.2021].

¹⁹⁸ <https://bit.ly/3r7BpO2> [უკანასკნელად ნანახია 05.12.2021].

¹⁹⁹ <https://bit.ly/3CWNqrC> [უკანასკნელად ნანახია 05.12.2021].

მნიშვნელოვანი და სტრატეგიული გადაწყვეტილების მიღებას. აღნიშნული პროცესი მწვავედ გააკრიტიკა აშშ-ს საელჩომ: „დასანანია, რომ სასამართლო სისტემამ ხელიდან გაუშვა შესაძლებლობა წარმოეჩინა გამჭვირვალობა და კვლავ ვერ შეძლო თავისი წევრების არჩევა კონკურენტული და დემოკრატიული საარჩევნო პროცესის მეშვეობით.“²⁰⁰ გარდა აშშ-ს საელჩოსა, პროცესი „ნაჩქარევად“, „გაუმჭვირვალედ“ და „არაკონკურენტულად“ მიიჩნია საქართველოში ევროკავშირის ელჩმაც.²⁰¹ მან მოსამართლეთა კონფერენციის მიერ იუსტიციის საბჭოს ორი ახალი წევრის არჩევა ბოლო 4 თვის განმავლობაში „საქართველოში სასამართლო სისტემისა და კანონის უზენაესობის სფეროში რიგით მეხუთე უკან გადადგმულ ნაბიჯად“ შეაფასა.²⁰² ამ კრიტიკის საპასუხოდ მოსამართლეთა კონფერენციის ადმინისტრაციულმა კომიტეტმა გაავრცელა განცხადება²⁰³, რომელშიც იგი დასავლელ პარტნიორებს ქვეყნის შიდა საქმეებში ჩარევასა და ვენის კონვენციით გათვალისწინებული ვალდებულების შეუსრულებლობაში ადანაშაულებდა. აუცილებლად უნდა აღინიშნოს, რომ ამ განცხადებას სოციალური ქსელით სამივე ინსტანციის სასამართლოდან 23 მოსამართლე²⁰⁴ გაემიჯნა, რომლებიც თავიანთ განცხადებებში ყურადღებას ამახვილებდნენ დასავლელი პარტნიორების წვლილზე საქართველოში კანონის უზენაესობისა და მართლმსაჯულების განმტკიცების თვალსაზრისით და მიუღებლად მიიჩნევდნენ მათ მიმართ ამგვარი ბრალდებების გაჟღერებას.

არამოსამართლე წევრები

2021 წლის მარტსა და ივნისში იუსტიციის საბჭოს 5 არამოსამართლე წევრს ამოეწურა უფლებამოსილების ვადა,²⁰⁵ თუმცა, იუსტიციის უმაღლეს საბჭოში წარმოქმნილ ვაკანტურ თანამდებობებზე კანდიდატთა შერჩევის პროცესი საქართველოს პარლამენტს ამ დრომდე არ დაუწყია. ამრიგად, იუსტიციის უმაღლესი საბჭო საქმიანობას პარლამენტის მიერ არჩეული წევრებისა და, შესაბამისად, განსხვავებული აზრის მოსმენისა თუ გათვალისწინების გარეშე ახორციელებს.

9. პოლიტიკურად მოტივირებული საქმეები

9.1 მიხეილ სააკაშვილის საქმე

საქართველოს მესამე პრეზიდენტი, მიხეილ სააკაშვილი 2018 წლის 28 ივნისის განაჩენით დამნაშავედ იქნა ცნობილი 2005 წლის 14 ივლისს ყოფილი დეპუტატ, ვალერი გელაშვილზე თავდასხმის საქმეში.²⁰⁶ 2018 წლის 5 იანვარს კი ყოფილი პრეზიდენტის მიმართ გამამტყუნებელი განაჩენი იქნა გამოტანილი 2008 წლის 24 ნოემბერს სანდრო

²⁰⁰ <https://ge.usembassy.gov/ka/u-s-embassy-statement-on-conference-of-judges-2-ka/> [უკანასკნელად ნანახია 05.12.2021].

²⁰¹ <https://bit.ly/3InfWGO> [უკანასკნელად ნანახია 05.12.2021].

²⁰² <https://bit.ly/3InfWGO> [უკანასკნელად ნანახია 05.12.2021].

²⁰³ <https://bit.ly/3DZzoXH> [უკანასკნელად ნანახია 05.12.2021].

²⁰⁴ <https://bit.ly/3nTzUko> [უკანასკნელად ნანახია 05.12.2021].

²⁰⁵ <https://bit.ly/3laWu6p> [უკანასკნელად ნანახია 05.12.2021].

²⁰⁶ <https://civil.ge/ka/archives/267176> [უკანასკნელად ნანახია 06.12.2021].

გირგვლიანის გახმაურებულ საქმეზე მსჯავრდებულთა შეწყალების გამო²⁰⁷. გარდა ამისა, მას ბრალი წარუდგინეს 2009 წლის სექტემბრიდან 2013 წლის თებერვლამდე პერიოდში საბიუჯეტო თანხების გაფლანგვის (ე.წ. „პიჯაკების საქმე“)²⁰⁸, 2007 წლის 7 ნოემბერს დემონსტრანტთა საპროტესტო აქციის მასობრივი დარბევისა და ტელეკომპანია „იმედში“ შეჭრის საქმეებზე.²⁰⁹ ამასთან, საქართველოს გენერალურმა პროკურატურამ 2021 წლის 20 ოქტომბერს ექსპრეზიდენტს სისხლის სამართლის კოდექსის 344-ე მუხლის საფუძველზე ახალი ბრალი წარუდგინა, რაც სახელმწიფო საზღვრის უკანონო კვეთას გულისხმობს.²¹⁰

2021 წლის პირველ ოქტომბერს, მიხეილ სააკაშვილის მიერ საქართველოში შემოსვლის შესახებ ოფიციალური ინფორმაციის გავრცელებიდან რამდენიმე საათში, შს სამინისტროს თანამშრომლებმა იგი ოპერატიულ ინფორმაციაზე დაყრდნობით დააკავეს.²¹¹ გასათვალისწინებელია 3 ოქტომბერს პრემიერ-მინისტრის, ირაკლი ღარიბაშვილის საჯარო განცხადება: [მიხეილ სააკაშვილი] "წესიერად მოიქცეს, თორემ დავუმატებთ კიდევ სხვა მუხლებს და სხვებსაც მივაყოლებთ"²¹². გარდა ამისა, მანვე აღნიშნა: „საკაშვილი ან უნდა დაგვეჭიროს, ან წასულიყო პოლიტიკიდან.“²¹³

მესამე პრეზიდენტის დაკავების ფაქტს არასამთავრობო ორგანიზაციები ერთობლივი განცხადებით გამოეხმაურნენ. მათი განმარტებით, პრემიერ-მინისტრის განცხადებამ მკაფიოდ ცხადყო, რომ ყოფილი პრეზიდენტის მსჯავრდება იყო პოლიტიკური შინაარსის, განპირობებული იყო მმართველი პოლიტიკური ძალის გადაწყვეტილებით და კავშირი არ ჰქონდა მიუკერძოებელი და დამოუკიდებელი მართლმსაჯულების განხორციელებასთან.²¹⁴ გარდა ამისა, უცხოელმა პოლიტიკოსებმა მიხეილ სააკაშვილის გათავისუფლების საკითხზე მიმართეს ევროპული საბჭოს, ევროკომისიისა და ევროპარლამენტის პრეზიდენტებს. მათი თქმით, პატიმრობა სამართლიანი სასამართლო პროცესის გამართვამდე უნდა შეჩერდეს. ასევე ხაზგასმით აღნიშნეს, რომ „პოლიტიკურად მოტივირებული მართლმსაჯულების ხანა საბოლოოდ უნდა დასრულდეს საქართველოში“.²¹⁵

მიხეილ სააკაშვილმა დაკავების შემდეგ შიმშილობა გამოაცხადა.²¹⁶ 13 ოქტომბერს იუსტიციის მინისტრის, რატი ბრეგაძის, განცხადებით, ყოფილი პრეზიდენტის ჯანმრთელობის მდგომარეობის მონიტორინგის მიზნით შეიქმნა ექიმთა მულტიფუნქციური ჯგუფი.²¹⁷ საჭიროების შემთხვევაში, ექსპრეზიდენტის გადაყვანა N18 სამკურნალო დაწესებულებაში მოხდებოდა. ექიმთა კონსილიუმის დასკვნის შედეგად

²⁰⁷ <https://civil.ge/ka/archives/219224> [უკანასკნელად ნანახია 06.12.2021].

²⁰⁸ <https://civil.ge/ka/archives/153353> [უკანასკნელად ნანახია 06.12.2021].

²⁰⁹ <https://civil.ge/ka/archives/153307> [უკანასკნელად ნანახია 06.12.2021].

²¹⁰ <https://cutt.ly/iTjIQZX> [უკანასკნელად ნანახია 06.12.2021].

²¹¹ <https://www.youtube.com/watch?v=ijpuHiVt4II> [უკანასკნელად ნანახია 06.12.2021].

²¹² <https://tabula.ge/ge/news/673991-premieri-saakashvilze-cesierad-moiktses-torem>

²¹³ <https://cutt.ly/7TjIHyf> [უკანასკნელად ნანახია 06.12.2021].

²¹⁴ <https://osgf.ge/mikheil-saakashvilis-mimart-ikveteba-politikurad-motivirebuli-martlmsajuleba/> [უკანასკნელად ნანახია 06.12.2021].

²¹⁵ <https://civil.ge/ka/archives/448543> [უკანასკნელად ნანახია 06.12.2021].

²¹⁶ <https://formulanews.ge/News/58037> [უკანასკნელად ნანახია 06.12.2021].

²¹⁷ <https://www.facebook.com/watch/?v=1304532473298251> [უკანასკნელად ნანახია 06.12.2021].

გამოიკვეთა, რომ რეკომენდირებული იყო ყოფილი პრეზიდენტის მულტიპროფილურ კლინიკაში გადაყვანა.²¹⁸ სახალხო დამცველის მიერ N18 დაწესებულების შემოწმების შედეგად კი დადგინდა, რომ სრულყოფილი მკურნალობისათვის აუცილებელ პირობებს იგი ვერ აკმაყოფილებდა.²¹⁹

შიმშილობის პერიოდში, პენიტენციურმა სამსახურმა არაერთხელ გაავრცელა მიხეილ სააკაშვილის ციხეში ყოფნის კადრები, მათ შორის ისინი, რომლებიც ასახავდა „საკვებისა და ნატურალური წვენების მიღების პროცესს.“²²⁰ თუმცა, ყოფილი პრეზიდენტის მიერ მიღებული დანამატები არ წარმოადგენდა საკვებს და მას ჰქონდა სასიცოცხლო პარამეტრების შენარჩუნების დანიშნულება.²²¹ ამის მიუხედავად, სპეკულაციების გამორიცხვის საფუძვლით, სააკაშვილმა მინერალებისა და ვიტამინების მიღებაც შეწყვიტა, რამაც კიდევ უფრო დაამძიმა მისი ჯანმრთელობის მდგომარეობა.²²² იმის გათვალისწინებით, რომ პატიმარი იმყოფებოდა მულტისისტემური გართულებების რისკის ქვეშ²²³, გლდანის ციხის საავადმყოფო კი არ იძლეოდა ადეკვატური სამედიცინო დახმარების უზრუნველყოფის შესაძლებლობას, სამოქალაქო სექტორი და სახალხო დამცველი ხელისუფლებას ექსპრეზიდენტის მრავალპროფილურ კლინიკაში გადაყვანას სთხოვდა, თუმცა უშედეგოდ.²²⁴

8 ნოემბერს იუსტიციის სამინისტროს პენიტენციური სამსახურის მიერ გავრცელებული ინფორმაციის მიხედვით, „ჯანმრთელობის მდგომარეობის გაუარესების პრევენციის მიზნით და მომატებული საფრთხეებიდან გამომდინარე“ სააკაშვილი N18 სამკურნალო დაწესებულებაში გადაიყვანეს,²²⁵ თუმცა ადვოკატებისა და ოჯახის წევრებისთვის ამის შესახებ მოგვიანებით გახდა ცნობილი.

გარდა ამისა, პენიტენციური სამსახურის ოფიციალურ Facebook გვერდზე გამოქვეყნდა სააკაშვილის N12 პენიტენციური დაწესებულებიდან გასვლის კადრები იმის დასადასტურებლად, რომ „პატიმარ მიხეილ სააკაშვილს არ დაუტოვებია პენიტენციური დაწესებულება მისი ნების საწინააღმდეგოდ.“²²⁶ თუმცა სახალხო დამცველის განცხადებიდან ცნობილი გახდა, რომ ყოფილი პრეზიდენტი ძალის გამოყენებით და

²¹⁸ <https://civil.ge/ka/archives/450011> [უკანასკნელად ნანახია 06.12.2021].

²¹⁹ <https://cutt.ly/2THvvhm> [უკანასკნელად ნანახია 06.12.2021].

²²⁰ <https://cutt.ly/wTHvURW> [უკანასკნელად ნანახია 06.12.2021].

²²¹ <https://report.ge/society/30-50-miligrami-danamatis-migheba-khdeboda/> [უკანასკნელად ნანახია 06.12.2021].

²²² <https://www.radiotavisupleba.ge/a/31548935.html> [უკანასკნელად ნანახია 26.11.2021]

²²³ კონსილიუმის დასკვნის თანახმად, "პაციენტი იმყოფება მულტისისტემური გართულებების მაღალ რისკში. საჭიროებს მკურნალობას მულტიპროფილურ, მაღალტექნოლოგიურ სამედიცინო დაწესებულებაში გადაუდებლად, სადაც საშუალება იქნება ჩაუტარდეს შესაბამისი: კარდიო ვასკულური, ნევროლოგიური, სამკურნალო და დიაგნოსტიკური რადიოლოგიური (მრტ. კტ. კათეტერიზაციის ლაბორატორია), ჰემატოლოგიური, ენდოკრინული, ნუტრიციული თერაპია." <https://www.radiotavisupleba.ge/a/31551550.html> [უკანასკნელად ნანახია 06.12.2021].

²²⁴ <https://rb.gy/im8gtw> [უკანასკნელად ნანახია 06.12.2021].

²²⁵ <https://www.radiotavisupleba.ge/a/31551411.html> [უკანასკნელად ნანახია 06.12.2021].

²²⁶ <https://www.facebook.com/watch/?v=620434046072480> [უკანასკნელად ნანახია 06.12.2021].

მოტყუებით შეასახლეს სასჯელაღსრულების N18 სამკურნალო დაწესებულებაში. სააკაშვილის ცნ, მას ეგონა, რომ მულტიფუნქციურ კლინიკაში გადაჰყავდათ²²⁷.

ასევე, პატივისა და ღირსების შელმახველ მოპყრობად შეფასდა ექსპრეზიდენტის გლდანის ციხეში შესახლების ფაქტი, ვინაიდან პენიტენციური სამსახურის მიერ გასაჯაროვებული ვიდეოდან²²⁸ ჩანს, თუ როგორ შეჰყავთ ძალის გამოყენებით ყოფილი პრეზიდენტი - ნახევრად შიშველ და დამამცირებელ მდგომარეობაში მყოფი.²²⁹ ყოფილი პრეზიდენტის N18 დაწესებულებაში გადაყვანის შემდეგ გლდანის N8 სასჯელაღსრულების დაწესებულების პატიმართა მხრიდან ისმოდა შურაცხმყოფელი და მუქარის შემცველი შემახილები.²³⁰ საბოლოოდ კი, N18 დაწესებულებაში გადაყვანისას სააკაშვილმა განიცადა ფსიქოლოგიური და ფიზიკური წამება.²³¹

აღსანიშნავია, რომ 10 ნოემბერს ადამიანის უფლებათა ევროპულმა სასამართლომ მიიღო დროებითი ღონისძიება, რომლითაც სახელმწიფოს მიხეილ სააკაშვილის უსაფრთხოებისა და მისთვის შიმშილობის შემდგომი პერიოდისთვის ადეკვატური სამედიცინო მომსახურების უზრუნველყოფა დაევალა.²³² მოგვიანებით, სახალხო დამცელმა მესამე პრეზიდენტისთვის მიწოდებული სამედიცინო მომსახურების ადეკვატურობისა და დროულობის მონიტორინგის მიზნით მულტიპროფილური სამედიცინო ექსპერტთა ჯგუფი შექმნა, რომლის დასკვნასაც²³³ ევროსასამართლო მეორე დროებითი ღონისძიების მიღებისას დაეყრდნო და, შედეგად, ხელისუფლებას ახალ, შეცვლილ სამედიცინო გარემოებებზე დაყრდნობით ადეკვატური სამედიცინო დახმარების გაწევისკენ მოუწოდა.

²³⁴

მას შემდეგ, რაც მიხეილ სააკაშვილმა ჯანმრთელობის გაუარესების შედეგად გონება დაკარგა²³⁵, N18 სამკურნალო დაწესებულებიდან გორის სამხედრო ჰოსპიტალში გადაიყვანეს.²³⁶ გასათვალისწინებელია, რომ ამ გადაწყვეტილების გასაჯაროების შემდეგ ცნობილი გახდა, რომ ევროპულმა სასამართლომ მეორე დროებითი ღონისძიება გამოსცა, სადაც კიდევ ერთხელ დააკონკრეტა, რომ სახელმწიფოს უნდა უზრუნველყო სააკაშვილის მკურნალობა სათანადო დაწესებულებაში. სამინისტროს გადაწყვეტილებას საფუძვლად სავარაუდოდ სწორედ სასამართლოს ეს განჩინება დაედო.

²²⁷ <https://cutt.ly/2THblr0> [უკანასკნელად ნანახია 06.12.2021].

²²⁸ <https://www.facebook.com/watch/?v=1061505497963689> [უკანასკნელად ნანახია 06.12.2021].

²²⁹ <https://cutt.ly/HTHbWH5> [უკანასკნელად ნანახია 06.12.2021].

²³⁰ <https://cutt.ly/HTj1MQf> [უკანასკნელად ნანახია 06.12.2021].

²³¹ <https://tinyurl.com/5f66v2tf> [უკანასკნელად ნანახია 06.12.2021].

²³² <https://civil.ge/archives/454297> [უკანასკნელად ნანახია 06.12.2021].

²³³ *ექსპერტთა ჯგუფმა მიხეილ სააკაშვილის მდგომარეობა შეაფასა, როგორც „კრიტიკული“ სტატუსის მქონედ. ასევე, სამკურნალო დაწესებულებაში უნდა არსებობდეს შესაბამისი აღჭურვილობა და ინფრასტრუქტურა, მულტიდისციპლინური სამედიცინო პერსონალი, რთული პაციენტის მართვის გამოცდილება და სამედიცინო მომსახურების 24 საათიანი და გადაუდებელი ხელმისაწვდომობა. სამკურნალო დაწესებულების სიტუაციური ანალიზის შედეგად დადგინდა, რომ N18 დაწესებულება ვერ აკმაყოფილებდა ზემოხსენებულ მოთხოვნებს, იხ: <https://cutt.ly/ZY1JKgj>.*

²³⁴ <https://www.radiotavisupleba.ge/a/31573950.html> [უკანასკნელად ნანახია 06.12.2021].

²³⁵ <https://civil.ge/ka/archives/456362>

²³⁶ <https://cutt.ly/SYhddyF> [უკანასკნელად ნანახია 06.12.2021].

გარდა ამისა, სასჯელაღსრულების დაწესებულებაში ყოფნის პერიოდში მიხეილ სააკაშვილთან მოსაწახულებლად ჩამოსული არაერთი ვიზიტორი არ შეუშვეს, მათ შორის ევროპარლამენტარი ანა ფოტივა,²³⁷ უკრაინის სახალხო დამცველი ლუდმილა დენისოვა,²³⁸ სააკაშვილის უკრაინელი ადვოკატი²³⁹, უკრაინელი ჟურნალისტი დიმიტრი გორდონი²⁴⁰ და სხვ. გასათვალისწინებელია, რომ მიხეილ სააკაშვილის პირად ექიმს, ნიკოლოზ ყიფშიძესაც შეექმნა დაბრკოლებები ყოფილ პრეზიდენტთან ვიზიტისას. კერძოდ, იგი რამდენჯერმე არ შეუშვეს მასთან გლდანის ციხეში.²⁴¹ 14 ნოემბერს 2-საათიანი ლოდინის მიუხედავად, ექსპრეზიდენტთან არ შეუშვეს კონსილიუმის წევრებიც არასამუშაო საათების მოტივით.²⁴²

აღსანიშნავია, რომ ჯერ კიდევ სააკაშვილის საქართველოში დაბრუნებამდე, 2021 წელს რამდენიმე სასამართლო პროცესი გაიმართა მის წინააღმდეგ. ე.წ. „პიჯაკების საქმეზე“ 2021 წლის 2 თებერვალს მოსამართლემ ძალაში დატოვა აღკვეთის ღონისძიების სახით გამოყენებული პატიმრობა.²⁴³ მომდევნო სხდომაზე დაცვის მხარის შუამდგომლობის საფუძველზე გადაიხედა ექსპრეზიდენტის მიმართ გამოყენებული აღკვეთი ღონისძიების სახით პატიმრობის საკითხი, თუმცა მოსამართლემ აღკვეთი ღონისძიება არ შეცვალა.²⁴⁴

მიხეილ სააკაშვილს საქართველოში დაბრუნებისა და დაპატიმრების შემდეგ მის წინააღმდეგ არსებული საქმეების პროცესებზე დასწრების საშუალება არ ეძლეოდა.²⁴⁵ პენიტენციური სამსახურის განმარტებით, პატიმრის გადაყვანა დაუშვებელი იყო ესკორტირებისას შესაძლო საფრთხისა და ჯანმრთელობისათვის დამატებითი რისკის საფუძველით.²⁴⁶ სასამართლო პენიტენციური სამსახურის არგუმენტების გამოკვლევაში აღარ შესულა და უაპელაციოდ გაიზიარა.²⁴⁷ ამიტომ ექსპრეზიდენტმა უარი განაცხადა პროცესში დისტანციურად ჩართვაზე, მაშინ როცა 16 ნოემბრის პროცესზე²⁴⁸ მოსამართლემ პენიტენციურ სამსახურს მიხეილ სააკაშვილის პროცესზე დასწრება ან დისტანციურად ჩართვა მოსთხოვა პატიმართან შეთანხმების გარეშე.²⁴⁹

აღსანიშნავია, რომ ამერიკის სახელმწიფო დეპარტამენტმა დაბეჯითებით მოუწოდა საქართველოს მთავრობას, ერთი მხრივ, სამართლიანად და ღირსეულად მოეპყრას

²³⁷ <https://cutt.ly/sTHnbcG> [უკანასკნელად ნანახია 06.12.2021].

²³⁸ <https://cutt.ly/bTHnrmy> [უკანასკნელად ნანახია 06.12.2021].

²³⁹ <https://www.radiotavisupleba.ge/a/31531776.html> [უკანასკნელად ნანახია 06.12.2021].

²⁴⁰ <https://cutt.ly/HTHnfGq> [უკანასკნელად ნანახია 06.12.2021].

²⁴¹ <https://www.facebook.com/watch/?v=4922038484515523> [უკანასკნელად ნანახია 06.12.2021].

²⁴² <https://formulanews.ge/News/60162> [უკანასკნელად ნანახია 06.12.2021].

²⁴³ ადამიანის უფლებათა ცენტრის სასამართლო მონიტორის სასამართლო სხდომის მონიტორინგის ანგარიში მიხეილ სააკაშვილის სისხლის სამართლის საქმეებზე: 02.02.2021;

<https://cutt.ly/HTV2eI9> [უკანასკნელად ნანახია 06.12.2021].

²⁴⁴ იქვე; ადამიანის უფლებათა ცენტრის სასამართლო მონიტორის სასამართლო სხდომის მონიტორინგის ანგარიში მიხეილ სააკაშვილის სისხლის სამართლის საქმეებზე: 30.03.2021, იხ:

<https://cutt.ly/JYzww4J> [უკანასკნელად ნანახია 07.12.2021].

²⁴⁵ <https://formulanews.ge/News/60263> [უკანასკნელად ნანახია 06.12.2021].

²⁴⁶ <https://www.radiotavisupleba.ge/a/31554521.html> [უკანასკნელად ნანახია 06.12.2021]; <https://cutt.ly/UTHRuL2> [უკანასკნელად ნანახია 06.12.2021].

²⁴⁷ <https://www.radiotavisupleba.ge/a/31555396.html> [უკანასკნელად ნანახია 06.12.2021].

²⁴⁸ საქართველოს სახელმწიფო საზღვრის უკანონო კვეთაზე.

²⁴⁹ <https://cutt.ly/7TV2acg> [უკანასკნელად ნანახია 06.12.2021].

ექსპრეზიდენტს, მეორე მხრივ კი, მისცეს შესაძლებლობა, პირადად დაესწროს მის წინააღმდეგ აღძრულ სისხლის სამართლის საქმის სასამართლო განხილვებს სამართლიანი სასამართლოს უფლების ფარგლებში.²⁵⁰

9.2 ნიკა მელიას საქმე

2019 წლის 25 ივნისს საქართველოს პროკურატურამ ნიკა მელიას, ერთიანი ნაციონალური მოძრაობის მოქმედ თავმჯდომარეს, 2019 წლის 20-21 ივნისის მოვლენებთან დაკავშირებით ჯგუფური ძალადობის ორგანიზებასა და მასში მონაწილეობისათვის²⁵¹ ბრალი წარუდგინა.²⁵² ბრალდების დადგენილების თანახმად, პარლამენტის წევრმა ნიკანორ მელიამ დემონსტრანტებს მოუწოდა პარლამენტის შენობაში შეჭრისაკენ, რის შემდეგაც, მისივე ხელმძღვანელობითა და უშუალო მონაწილეობით აქციის მონაწილეებმა გადაინაცვლეს პარლამენტის შენობასთან და განახორციელეს ძალადობრივი ქმედებები.²⁵³

2019 წლის 26 ივნისს პარლამენტმა საქართველოს გენერალური პროკურატურის შუამდგომლობის საფუძველზე ნიკა მელიას სადეპუტატო იმუნიტეტი მოუხსნა, რის შემდეგაც თბილისის საქალაქო სასამართლომ ნიკა მელიას გირაო შეუფარდა, ხოლო მოგვიანებით, დამატებით გამოყენებულ იქნა ელექტრონული მონიტორინგი.²⁵⁴

აღსანიშნავია, რომ 2020 წლის 1 ნოემბერს ნიკა მელიამ სიტყვით გამოსვლისას საზოგადოებრივი თავშეყრის ადგილას დემონსტრაციულად მოიხსნა ელექტრონული მონიტორინგის სამაჯური. პროკურატურის შუამდგომლობის საფუძველზე, სასამართლომ გირაოს ოდენობა გაზარდა.²⁵⁵ მელიამ გირაოს თანხა არ გადაიხადა, შედეგად კი 2021 წლის 12 თებერვალს პროკურატურამ იმუნიტეტის მოხსნისა²⁵⁶ და პატიმრობის გამოყენებაზე ნებართვის გაცემის თაობაზე პარლამენტს მიმართა, რომელმაც დააკმაყოფილა შუამდგომლობა.²⁵⁷

ნიკა მელიას მიმართ მიმდინარე პროცესებმა სამოქალაქო სექტორის მწვავე კრიტიკა გამოიწვია. არასამთავრობო ორგანიზაციებმა მოუწოდეს საქართველოს პროკურატურას მძიმე პოლიტიკური კრიზისის გათვალისწინებით უარი ეთქვა აღკვეთი ღონისძიების შეცვლაზე.²⁵⁸

2021 წლის 17 თებერვალს სასამართლომ დააკმაყოფილა საქართველოს გენერალური პროკურორის, ირაკლი შოთაძის შუამდგომლობა და ბრალდებული ნიკა მელიასათვის

²⁵⁰ <https://cutt.ly/JTHRR2K> [უკანასკნელად ნანახია 06.12.2021].

²⁵¹ სსკ-ის 225-ე მუხლის პირველი და მეორე ნაწილებით გათვალისწინებულ დანაშაული;

²⁵² <https://pog.gov.ge/news/parlamentis-wevris-nikanor-melias-braldebis-shesaxeb-dadgenileba-prokuraturam-misi-interesebis-damcv> [უკანასკნელად ნანახია 06.12.2021].

²⁵³ ადამიანის უფლებათა ცენტრის სამართლებრივი ანალიზი, „20-21 ივნისის მოვლენები“, გვ. 5-6. <https://cutt.ly/DTV4d4l> [უკანასკნელად ნანახია 06.12.2021].

²⁵⁴ <https://cutt.ly/8TV2dc8> [უკანასკნელად ნანახია 06.12.2021].

²⁵⁵ იქვე.

²⁵⁶ 2020 წლის 31 ოქტომბრის არჩევნებზე ნიკა მელია საარჩევნო ბლოკ „ენმ-ძალა ერთობაშია-ს“ პროპორციული სიით პარლამენტის დეპუტატი გახდა.

²⁵⁷ <https://civil.ge/ka/archives/397920> [უკანასკნელად ნანახია 06.12.2021].

²⁵⁸ <https://gdi.ge/ge/news/ngos-statement-17-02-2021.page> [უკანასკნელად ნანახია 06.12.2021].

შეფარდებული აღკვეთი ღონისძიება - გირაო შეცვალა პატიმრობით.²⁵⁹ სამართალდამცავები 2021 წლის 23 თებერვალს ერთიანი ნაციონალური მოძრაობის ოფისში შეიჭრნენ და ჩატარებული ოპერაციის შედეგად მელია ძალის გამოყენებით დააკავეს.²⁶⁰ კერძოდ, პოლიციელების ნაწილი შენობაში შესასვლელებიდან, ნაწილი კი სახანძრო ავტომანქანის კიბის გამოყენებით შევიდა. გატეხეს ოთახის კარი, სადაც მელია იმყოფებოდა. შენობაში გაუშვეს ცრემლსადენი გაზი.²⁶¹

არასამთავრობო სექტორის განცხადებებით, ნიკა მელიას დაპატიმრება კანონის აღსრულების შერჩევითი მიდგომებისა და პოლიტიკურად მოტივირებული გამოძიებების მკაფიო ილუსტრაციას წარმოადგენდა.²⁶² გასათვალისწინებელია, რომ 23-მა საერთაშორისო წარმომადგენელმა ერთობლივი ღია წერილით „ღრმა შემფოთება“ გამოთქვა ოპოზიციური ლიდერის დაკავებასთან და მიმდინარე პოლიტიკურ კრიზისთან დაკავშირებით, რაც მათი თქმით, აზიანებდა „საქართველოს, როგორც რეგიონში სტაბილური პარტნიორის საერთაშორისო იმიჯს და რეპუტაციას“.²⁶³

შარლ მიშელის შეთანხმების ფარგლებში,²⁶⁴ 2021 წლის 8 მაისს პოლიტიკური კრიზისის დასრულების მიზნით ნიკა მელიას გირაოს თანხა ევროპულმა ფონდმა დემოკრატიისთვის (European Endowment for Democracy) გამოყო.²⁶⁵ მომდევნო დღეს კი პროკურატურამ იშუამდგომლა აღკვეთი ღონისძიების გირაოთი შეცვლის თაობაზე.²⁶⁶ შედეგად, 10 მაისს ნიკა მელიამ სასჯელაღსრულების დაწესებულება დატოვა.²⁶⁷

9.3 დავით კეზერაშვილის საქმე

2021 წლის 7 სექტემბერს საქართველოს უზენაესი სასამართლოს ახლად უვადოდ განმწესებულმა მოსამართლეებმა 10 წლიანი თავისუფლების აღკვეთა შეუფარდეს²⁶⁸ დავით კეზერაშვილს, თავდაცვის ყოფილ მინისტრს და „ფორმულას“ დამფუძნებელს ე.წ. „წვრთნების საქმეზე“, რომელზეც ქვედა ინსტანციებს გამამართლებელი განაჩენი ჰქონდათ გამოტანილი²⁶⁹. დავით კეზერაშვილს სახელმწიფო სახსრების გაფლანგვას ედავებოდა.²⁷⁰

²⁵⁹ <https://www.radiotavisupleba.ge/a/31107595.html> [უკანასკნელად ნანახია 06.12.2021].

²⁶⁰ <https://civil.ge/ka/archives/400101> [უკანასკნელად ნანახია 06.12.2021]; <https://www.youtube.com/watch?v=NtIcjQxt-pM> [უკანასკნელად ნანახია 06.12.2021].

²⁶¹ <https://www.radiotavisupleba.ge/a/31116776.html> [უკანასკნელად ნანახია 06.12.2021].

²⁶² <https://gdi.ge/ge/news/pozicia-politikuri-krizisidan-gamosvliis-taobaze.page> [უკანასკნელად ნანახია 06.12.2021].

²⁶³ <https://civil.ge/ka/archives/404310> [უკანასკნელად ნანახია 06.12.2021]; <https://civil.ge/ka/archives/404537> [უკანასკნელად ნანახია 06.12.2021].

²⁶⁴ https://eeas.europa.eu/sites/default/files/210418_mediation_way_ahead_for_publication.pdf [უკანასკნელად ნანახია 06.12.2021].

²⁶⁵ <https://cutt.ly/MTVrDKd> [უკანასკნელად ნანახია 06.12.2021].

²⁶⁶ <https://cutt.ly/JTVrGL6> [უკანასკნელად ნანახია 06.12.2021].

²⁶⁷ <https://civil.ge/ka/archives/418808> [უკანასკნელად ნანახია 06.12.2021].

²⁶⁸ აღნიშნული სასჯელი ამნისტიის შედეგად განახევრდა <https://cutt.ly/GTV2Qfj> [უკანასკნელად ნანახია 06.12.2021].

²⁶⁹ <https://cutt.ly/GTV2Qfj> [უკანასკნელად ნანახია 06.12.2021].

²⁷⁰ „გამომიების ინფორმაციით, 2008 წლის 10 იანვარს დავით კეზერაშვილმა ოფშორულ ზონაში რეგისტრირებულ, მასთან დაკავშირებულ კომპანიას, „Girwood Business Corp-ს“ ხელშეკრულება გაუფორმა, რითაც სახელმწიფოს კუთვნილი 5 685 000 ევრო გაფლანგა“ - იხ:

მნიშვნელოვანია, რომ საქმის განახლებას წინ უძღოდა 25 ივნისის პრემიერის, ირაკლი ღარიბაშვილის განცხადება: "მე რაც წავედი, მერე გაამართლეთ თქვენ ის. ახლა მიხედავენ, როგორც ჩანს".²⁷¹

აღსანიშნავია, რომ ტელეკომპანია „ფორმულას“ მენეჯმენტმა საქმის განახლება მაუწყებლის კრიტიკულ სარედაქციო პოლიტიკას დაუკავშირა.²⁷² პრობლემური იყო ის, რომ 7 სექტემბერს უზენაესის მიერ მიღებულ გადაწყვეტილებას არ ჰქონდა სამოტივაციო ნაწილი. აღნიშნული სახალხო დამცველისთვის მაშინ გახდა ცნობილი, როდესაც მიღებული გადაწყვეტილების გამოთხოვა გადაწყვიტა: „საგულისხმოა და საყურადღებოა რატომ იღებს ასე დაჩქარებულად გადაწყვეტილებას უზენაესი სასამართლო, ისე, რომ სამოტივაციო ნაწილზეც არ ჰქონდათ მსჯელობა“.²⁷³

კეზერაშვილის წინააღმდეგ საქმის წარმოების პოლიტიზირებული მოტივი დაადგინა საერთაშორისო სექტორმაც ჯერ კიდევ მაშინ, როცა ქართულმა მხარემ თავდაცვის ყოფილი მინისტრის საქართველოში ექსტრადირება ორჯერ მოითხოვა. ამ თხოვნით მათ პირველად საფრანგეთს მიმართეს, ხოლო მეორედ - დიდ ბრიტანეთს. ორივე ქვეყნის სასამართლოებმა ქართულ მხარეს ექსტრადირებაზე უარი უთხრეს, მოტივად კი საქმის პოლიტიკური სარჩული დაასახელეს.²⁷⁴

2021 წლის 30 სექტემბერს თავდაცვის სამინისტროს მიერ გავრცელებული განცხადების თანახმად, დავით კეზერაშვილისა და ალექსანდრე ნინუას²⁷⁵ წინააღმდეგ საქალაქო სასამართლოში სარჩელი აღიძრა, „თავდაცვის უწყების მიმართ დანაშაულებრივი ქმედებით მიყენებული ზიანის ანაზღაურების მოთხოვნით“.²⁷⁶ ამ ფაქტმა სამოქალაქო სექტორის გამოხმაურება გამოიწვია. გავრცელებული განცხადებებით, არჩევნებამდე 2 დღით ადრე ტელეკომპანია „ფორმულას“ მფლობელის, დავით კეზერაშვილის წინააღმდეგ თავდაცვის სამინისტროს მიერ შეტანილი სარჩელი, შესაძლოა მიმართული ყოფილიყო ხელისუფლების მიმართ კრიტიკულად განწყობილი მედიასაშუალებების საქმიანობისთვის ხელის შეშლისაკენ.²⁷⁷ ამის პასუხად, სამინისტროს მტკიცებით, სარჩელის უზრუნველყოფის მიზნით TV „ფორმულას“ წილის დაყადაღების მოთხოვნა არ დაუყენებიათ იმ საფუძვლით, რომ თავდაცვის უწყება კარგად იაზრებდა დემოკრატიულ ღირებულებებს და სიტყვის თავისუფლების მნიშვნელობას.²⁷⁸

<http://liberali.ge/news/view/31220/davit-kezerashvili-dgheistvis-arts-ert-saqmeze-ar-aris-msjavrdebuli>
[უკანასკნელად ნანახია 06.12.2021].

²⁷¹ <https://formulanews.ge/News/56117> [უკანასკნელად ნანახია 06.12.2021].

²⁷² <https://cutt.ly/BTVrNqm> [უკანასკნელად ნანახია 06.12.2021].

²⁷³ <https://www.radiotavisupleba.ge/a/31485910.html> [უკანასკნელად ნანახია 06.12.2021].

²⁷⁴ <https://cutt.ly/iTV2h7y> [უკანასკნელად ნანახია 06.12.2021].

²⁷⁵ დავით კეზერაშვილის თავდაცვის მინისტრობის დროს სახელმწიფო შესყიდვების დეპარტამენტის უფროსი.

²⁷⁶ <https://cutt.ly/aTVrMlw> [უკანასკნელად ნანახია 06.12.2021].

²⁷⁷ <https://tabula.ge/ge/news/673704-kartia-movucodebt-khelisuplebas-telekompania> [უკანასკნელად ნანახია 06.12.2021]; <https://tabula.ge/ge/news/673674-mshvenieradze-mgonia-tavdatvis-saministros> [უკანასკნელად ნანახია 06.12.2021].

²⁷⁸ <https://tabula.ge/ge/news/673707-tavdatvis-saministro-tv-pormulas-cilis> [უკანასკნელად ნანახია 06.12.2021].

აღსანიშნავია, რომ თავდაცვის სამინისტროს მიერ სარჩელის შეტანასთან დაკავშირებით კომენტარი პრემიერ-მინისტრმაც გააკეთა. ღარიბაშვილის თქმით, გაფლანგვის ფაქტი უამრავია, ხოლო „გამომიება ყველა ამ ფაქტს გასცემს შესაბამის პასუხს“.²⁷⁹

10. პოლიტიკური პროცესების გავლენა ადამიანის უფლებებზე

2020 წლის 31 ოქტომბრის არჩევნების შემდეგ, რვა ოპოზიციურმა პარტიამ, რომლებმაც 1%-იანი ბარიერი გადალახეს, უნდობლობა გამოუცხადეს არჩევნებს და უარი თქვეს პარლამენტში შესვლაზე.²⁸⁰ 2021 წლის 1 მარტს საქართველოს ევროპული საბჭოს პრეზიდენტი შარლ მიშელი ეწვია და წამოაყენა ინიციატივა ოპოზიციასა და მმართველ გუნდს შორის დიალოგის დაწყების შესახებ.²⁸¹ მიშელის ვიზიტის შემდეგ ვერ შედგა შეთანხმება, რის გამოც 12 მარტს საქართველოს მიშელის სპეციალური წარმომადგენელი - კრისტიან დანიელსონი ეწვია მედიაციის გამართვის მიზნით. დანიელსონმა შეხვედრა გამართა მხარეებთან მათთვის მისაღები საერთო პოზიციის შესამუშავებლად.²⁸² შეთანხმების მიუღწევლობის გამო დანიელსონი საქართველოს 28-31 მარტსაც ეწვია და მხარეებს შესთავაზა დეტალური წინადადება,²⁸³ რომლის მიხედვითაც, ოპოზიცია პარლამენტში უნდა შესულიყო, სანაცვლოდ კი უნდა მომხდარიყო ამნისტიის შესახებ კანონის ინიცირება, რომელიც 19-21 ივნისის პროტესტებთან დაკავშირებულ ყველა დარღვევასა და დაკავებას შეეხებოდა, ამასთანავე, გათვალისწინებული იყო პოლიტპატიმრების გათავისუფლებაც. რაც შეეხება საარჩევნო რეფორმას, ადგილობრივი თვითმმართველობის შემდგომი არჩევნებისთვის უნდა მომხდარიყო ბარიერის განსაზღვრა - 2.5%-ით თბილისში და 3%-ით ყველგან თბილისს გარეთ. დოკუმენტი ასევე მოიცავდა ცენტრალური საარჩევნო კომისიის რეფორმას.²⁸⁴ ამასთანავე, გათვალისწინებული იყო სასამართლოს ამბიციური რეფორმა. აღნიშნულ წინადადებას, როგორც თავად დანიელსონმა განაცხადა, საბოლოოდ არცერთი პარტია არ დაეთანხმა.²⁸⁵

18 აპრილს ევროპული საბჭოს პრეზიდენტმა, შარლ მიშელმა მხარეებს ახალი წინადადება შესთავაზა - „სამომავლო გზა საქართველოსთვის“,²⁸⁶ რომელიც აზუსტებდა დანიელსონის დოკუმენტში შეუთანხმებელ ორ საკითხს - პოლიტიზებულ მართლმსაჯულებასა და ვადამდელი არჩევნების ჩატარებას მმართველი გუნდის მიერ ადგილობრივ არჩევნებში 43%-ზე ნაკლები ხმების აღების შემთხვევაში. აღნიშნულ დოკუმენტს 19 აპრილს ხელი მოაწერა „ქართულმა ოცნებამ“ და ოპოზიციური პარტიების ნაწილმა. შეთანხმებას გარკვეული პერიოდის შემდეგ მიუერთდნენ სხვა ოპოზიციური პარტიებიც. შედეგად, საქართველოს პრეზიდენტმა 27 აპრილს შეიწყალა გიორგი რურუა,²⁸⁷ ხოლო ნიკა მელიამ

²⁷⁹ <https://cutt.ly/TTV2b7X> [უკანასკნელად ნანახია 06.12.2021].

²⁸⁰ <https://civil.ge/ka/archives/364360> [უკანასკნელად ნანახია 05.12.2021].

²⁸¹ <https://www.radiotavisupleba.ge/a/31128148.html> [უკანასკნელად ნანახია 05.12.2021].

²⁸² <https://cutt.ly/iTKGD5l> [უკანასკნელად ნანახია 05.12.2021].

²⁸³ <https://cutt.ly/dTKHEhq> [უკანასკნელად ნანახია 05.12.2021].

²⁸⁴ <https://cutt.ly/STKLzKl> [უკანასკნელად ნანახია 05.12.2021].

²⁸⁵ <https://civil.ge/ka/archives/409522> [უკანასკნელად ნანახია 05.12.2021].

²⁸⁶ <https://cutt.ly/LTKCasq> [უკანასკნელად ნანახია 05.12.2021].

²⁸⁷ <https://civil.ge/ka/archives/416326> [უკანასკნელად ნანახია 05.12.2021].

საპატიმრო დატოვა 10 მაისს ევროკავშირის მიერ გირაოს გადახდის შემდეგ.²⁸⁸ თუმცა, მიუხედავად იმისა, რომ შარლ მიშელის დოკუმენტში ხაზგასმით იყო ნათქვამი სასამართლო რეფორმის საჭიროებასა და რეფორმამდე მოსამართლეების დანიშვნის შეჩერების შესახებ, პარლამენტმა 12 ივლისს 6 კანდიდატი უზენაესი სასამართლოს მოსამართლეებად უვადოდ დანიშნა,²⁸⁹ ხოლო 28 ივლისს, არჩევნებამდე ორი თვით ადრე, „ქართული ოცნების“ წარმომადგენლებმა განაცხადეს, რომ პარტია შარლ მიშელის შეთანხმებიდან გადიოდა.²⁹⁰

მიშელის შეთანხმების ცალმხრივი ანუღირების შემდეგ ევროკავშირმა მრავალჯერ გააფრთხილა საქართველო, რომ შეჩერდებოდა 75 მილიონი ევროს ოდენობით დაბალსარგებლიანი სესხის გამოყოფა, რაზეც საქართველოს მთავრობამ 31 აგვისტოს სესხზე უარის თქმით უპასუხა, მიზეზად კი სესხის საჭიროების არ არსებობა დაასახელა.²⁹¹ მიუხედავად ამისა, საქართველოს მთავრობამ 21 სექტემბერს აზიის განვითარების ბანკისგან აიღო 100 მლნ. დოლარის ღირებულების სესხი, თითქმის ორჯერ უფრო დიდი საპროცენტო განაკვეთით.²⁹²

ზემოაღნიშნულმა მოვლენებმა ქვეყანაში შექმნა არასტაბილური გარემო და ყურადღების მიღმა დატოვა კოვიდ-პანდემიის სწორად მართვის საკითხი, რამაც სერიოზული საფრთხის ქვეშ დააყენა მოსახლეობის ჯანმრთელობა და ეკონომიკური კეთილდღეობა. გარდა ამისა, შეიქმნა მწვავე პოლიტიკური კრიზისი და შეფერხდა საქართველოს სწრაფვა ევროინტეგრაციისკენ, შეიზღუდა პროტესტის მონაწილეების გამოხატვის თავისუფლება. ამასთანავე, მმართველი პარტიისა და მოსამართლეთა ნაწილის მიერ გაკეთებულ ანტიდასავლურ განცხადებებს მოყვა საერთაშორისო პარტნიორებთან ურთიერთობის საკმაოდ გამწვავება.

²⁸⁸ <https://civil.ge/ka/archives/418808> [უკანასკნელად ნანახია 05.12.2021].

²⁸⁹ <https://cutt.ly/AYhrE7O> [უკანასკნელად ნანახია 05.12.2021].

²⁹⁰ <https://netgazeti.ge/news/556482/> [უკანასკნელად ნანახია 05.12.2021].

²⁹¹ <https://www.radiotavisupleba.ge/a/31437064.html> [უკანასკნელად ნანახია 05.12.2021].

²⁹² <https://www.radiotavisupleba.ge/a/31475023.html> [უკანასკნელად ნანახია 05.12.2021].